

2.
C III

113

G

66

BIBL. NAZ.
VITT. EMANUELE III

113

G

66

NAPOLI

113.

g

66.





**SEPULCRUM
HERMETIS
RESERATUM.**



MUSEUM OF THE

AMERICAN

INDIAN



SEPULCRUM HERMETIS RESERATUM

S I V E

DE OPERE HERMETICO
LIBRI TRES.

A U C T O R E
PETRO PAULO RAPHAELIO
EDITIO SECUNDA.




Omnia in manu Domini, qui dona sua, cui, & quando vult
& largitur, & subtrahit.

VENETIIS, MDCCXVI.

Apud Andream Poleti.

Superiorum permissu, ac Privilegio.



HERMETICUM

Adeptis Arcanum S.



Epulcri , quod amplæ , compositzque par Ædi , immò validæ , & arci priscorum Sapientum simul , & neotericorum , quorum pars estis , thesauris refertum HERMETI posui , nec obstruxi , sed pervium feci , cum vigiles custodes eos optem , qui ejusdem possent & assertores dici , si direpturis , eversurisque invaderetur ab hostibus , ipsum vobis tuendum delego Philosophorum Principes .

An erectæ archetypum molis aptè delineaverim, vel erraverim in structura, an quid nempè omiserim damno ejusdem, siue inutiliter auxerim, vobis unicè perpendere concessum est, quibus eadem, ignota cæteris, se penitus detegget.

Stabit judicio vestro ubi probaveritis ipsam: neglecta concidet; nunquam enim subsistit, corruit verò quidquid à melioribus temnitur.

Sed qui dedistis unde excitaretur, surgeretque, tuta unde permaneat roborabitis & munimine, ab insultantium ausibus, illæsa ut perstet, vindicabitis & præsidio.

Fulcra hoc non pavebit insanos strepitus rudis vulgi, nec juratos adversantium academiae formidabit impetus, fidelibus tacitisque Eleusiniis more delubri adeuntium Sophorum mentibus frequentanda, & celebranda silentio.

Quod si hoc dicar aliquando violasse ubi cuncta custodienda insona ad discrimen omne vitandum, subeat me nil locutum immeritis, sed vobis tantum Deo addictis, & arti, quorum singuli theatrum estis; nec rerum propterea depressisse majestatem, vel minuisse nitorem, quem, ut aulae fastus, non affectat virtus ex abdito, sed ostendisse altum Dei donum haud transactis tantummodo sæculis alligatum.

Debui præterea æterno pro dispositis mihi beneficiis hymnos præmittere omnium Largitori bonorum, ne reticens ingrati animi arguerer.

Ipsi laudem suam reddere & licuit, & de-
cuit,

cuit, inhibitis, propulsatis, victisque incredulis, qui ejus potestatem munificentissimam tam temerè, quàm inaniter sunt arctare conati, impertitum sæpè præstantibus Sapia, & probitate viris lapidem denegantes.

Divinæ incircumscrip̃ta mentis vis est: omnia potest.

Idem Dominus, qui productricem naturam æmulum fecit artificem. quod potentem Omnipotens naturam dederit, & instruxerit, gloriæ proficit Conditoris; æternæ Sapientiæ lumini, quod ingenium irradiaverit hominis.

Hinc exaltet ipsum affusus mihi cœlitus fulgor; & concreditum mihi talentum, quod viventibus iniquè tumulassent in umbris, divitias bonitatis ejus exhibeat.

Humatum nemini favet, aut fulget aurum; prodest verò, & oblectat effossum.

Dei, qui ipsa benignitas est, imitatrix est virtus: undè hæc nunquam invida, perpetuè verò juvandis omnibus prona, se, suæque communic puris mentibus, improbas averfata; quibus cæcutientibus, sint licèt clarissimè sine nube ostensa, immò etiam obvia, nulla unquam bona innotescunt. ad Tumulum hunc habent semper ob oculos semitam, nec inveniunt!

Tam abest quod in ejusdem septa penetraturi sint fontes, Reipublicæ, & æquitatis iniuria, ne in ipso asservatis proximent thesauris, & à vestibulo arcendi.

Quin cum difficillima sæpè eisdem pateant,

ex alto Divinæ Providentiæ consilio , ne inquirant , quæ sunt summa , certa , & facillima , impossibilia videntur , & ficta .

Talia hæc stultè reputent , quæ vobis accino unà vobiscum clam piè fruiturus mox proximo misereantis Dei dono . Valetè .



LECTOR.



Uæcunque tibi in hoc Opusculo obvenierint de Spiritu universalî , & particulari rerum , de anima metallorum , de his mortuis , & redivivis , & id genus alia , subtiliores , & puriores corporum partes , sive ab ipsis abstractas , sive eisdem redditas innuant . Quæ verò Mysteria tangunt Fidei , per analogicam similitudinem allata noveris citra vel levem Religionis offensam , cùm qui hæc chymicè scripsit Author , Romanam Catholicam Fidem , cui se , suaque subdit , plenè profiteatur .

Typographus Lectori .



Niversim aded Opus hoc plausum sibi meruit , ut denuò Typis committens , Auctori , qui antequam illud in lucem editum videret Fato cessit eam Gloriam , quæ illi debetur superimponendo nomen ; tametsi priusquam è vita migraret mihi prohibuisset , quemadmodum priori impressione Anni 1713. sub titulo Auctoris Anonymi actum est , fraudare noluerim . Secundam ided hanc editionem gratam habe , ut priorem habuisti . Vale .

NOI REFORMATORI

Dello Studio di Padova.

HAvendo veduto per la Fede di Revisione, & Approbatione del P. F. Tomaso Maria Gennari Inquisitore nel Libro intitolato: *Sepulcrum Hermetis reseratum, sive de Opere Hermetico Libri tres*, non v'esser cos' alcuna contro la Santa Fede Cattolica; & parimente per Attestato del Segretario Nostro, niente contro Principi, e buoni costumi, concedemo Licenza ad Andrea Poletti Stampatore, che possi esser stampato, osservando gl' ordini in materia di Stampe, & presentando le solite copie alle Publiche Librarie di Venezia, & di Padova.

Dat. 23. Settembre 1715.

{ Marin Zorzi Reform.

{ Alvise Pisani Kav. Proc. Ref.

Agostino Gadaldini Segret.

T I R O

In Hermeticis instituendus meminerit

- I. **O** Mne datum optimum, & omne donum perfectum desursum esse descendens à Patre luminum (Jac. I. 17.) in cujus manu omnes fines terræ (Psalm. 94. 4.) immò omnia (Rom. 11. 36.)
- II. Inter præcipua autem dona ejus Sapientiam esse (Sap. 7. 22.) quæ ex ore prodivit Altissimi primogenita ante omnem Creaturam (Eccli. 24. 5.) cujus fons Verbum Dei in excelsis, & ingressus illius mandata æterna (Eccli. 1. 5.)
- III. Qui verò banc amat, exquirat ipsam à juventute sua (Sap. 8. 2.) Subditus sit Domino, & oret eum (Psalm. 36. 7.) postulet à Deo, qui dat omnibus affluenter, & non improperat (Jac. 1. 5.)

1. 5.) *postulet autem in fide nihil hæsitans* (ibid. 1. 6.) *& dabitur ei* (ibid. 1. 5.) *appropinquet pedibus ejus, & accipiet de doctrina illius* (Deut. 33. 3.)

IV. *Ipse enim revelat profunda, & abscondita, & novit in tenebris constituta, & lux cum eo est.* (Dan. 2. 22.)

V. *Clara est, & quæ nunquam marcescit Sapientia* (Sap. 6. 13.) *per quam nox ipsa sicut dies illuminatur* (Psal. 138. 12.) *unde facile videtur ab his, qui diligunt eam, & invenitur ab his, qui quærunt illam; præoccupat enim, qui se concupiscunt, ut illis se prior ostendat* (Sap. 6. 14.) *Optet, & invocet igitur, & obtinebit Spiritum Sapientiæ* (Sap. 7. 8.) *Et præponet illam Regnis, & sedibus, & divitias nihil esse ducet in comparatione illius* (ibidem) *nec comparabit illi lapidem pretiosum, quoniam omne aurum in comparatione illius arena est exigua, & tanquam lutum æstimabitur argentum in conspectu illius* (Sap. 7. 9.) *Si divitiæ appetuntur in vita, quid Sapientia locupletius, quæ habitans in Consilio, & eruditis cogitationibus* (Prov. 8. 12.) *operatur omnia* (Sap. 8. 5.) *cum sit una omnia potest* (Sap. 7. 27.)

VI. *At concupiscens ipsam, conservet justitiam* (Eccli. 1. 3.) *disciplina ipsum Domini corrigat, & docebit* (Psal. 17. 36.) *Præceptum siquidem Domini lucidum illuminans oculos* (Psal. 18. 9.) *non erudietur, qui non est sapiens in bono* (Eccli. 21. 14.)

VII. *Post*

VII. *Post industriam sequetur Sapientia* (Eccli. 10. 10.) *non verò invenietur in terra suaviter viventium* (Job 28. 12.) *nec intrabit in malevolam animam, nec habitabit in corpore subdito peccatis* (Sap. 1. 4.) *arrogantiam detestata, & Superbiam, viam pravam, & os bilingue* (Prov. 8. 13.) *Deus enim dat ipsam piè agentibus*, (Eccli. 43. 37.) *Homo plantet itaque, & riget, nihil habebit emolumenti, nisi incrementum Deus dederit* (1. Cor. 3. 6.) *qui diligit justos* (Psal. 145. 8.)

VIII. *Sapientia vapor est virtutis Dei, & emanatio quædam est claritatis omnipotentis Dei sincera, & ideo nihil inquinatum in ea incurrit* (Sap. 7. 25.) *candor est enim lucis æternæ, & Speculum sine macula Dei majestatis, & imago bonitatis illius* (ibidem 26.)

IX. *Hinc non dabitur aurum obryzum pro ea, nec appendetur argentum in commutatione ejus* (Job 28. 14.) *non conferetur tinctis Indiæ coloribus, nec lapidi Sardonycho pretiosissimo, vel Saphyro* (ibid. 28. 16.) *non adæquabitur ei aurum, vel vitrum, nec commutabuntur pro ea vasa auri*: (ibid. 18. 17.) *desiderabilis siquidem est super aurum, & lapidem pretiosum, & dulcior super mel, & favum* (Psal. 18. 11.) *Excelsa, & eminentia non memorabuntur comparatione ejus; trahitur autem Sapientia de occultis*, (Job 28. 18.) *Non adæquabitur ei Topatius de Æthiopia, nec tincturæ mundissimæ componetur* (ibid. 28. 19.) *omno namque desiderabile non potest ei comparari* (Prov. 8. 11.)

X. *Ideo*

X. *Ideo super argentum , & aurum , immo & super salutem , & speciem diligenda est , & pro luce habenda (Sap. 7. 10.) est enim speciosior Sole , & super dispositionem Stellarum luci comparata invenitur prior (ibid. 7. 29.) illi enim succedit nox , Sapientiam autem non vincit malitia (ibid.) quoniam inextinguibile est lumen illius (ibid. 7. 10.) veniunt autem omnia bona pariter cum illa , & innumerabilis honestas per manus illius , unde letatur in omnibus qui possidet ipsam (ibid. 7. 12.)*

XI. *Cum in ipsum venerit , Sapientiam omnium antiquorum exquiret Sapiens , & in Prophetis vacabit (Eccli. 39. 1.) narrationem virorum nominatorum conservabit , & in versutias parabolarum simul introibit (Eccli. 39. 2.) occulta proverbiorum exquiret , & in absconditis parabolarum conversabitur (ibid.) & consiliabitur in absconditis suis (ibid. 39. 10.) tunc nox illuminatio ejus in deliciis ejus (Psal. 138. 11.) illuminabuntur etenim ipsi abscondita tenebrarum (1. Cor. 4. 5.) lapis quoque caliginis (Job 28. 3.) calore solutus in ær vertetur eidem (Job 28. 2.) fundetque rivos olei (ibid. 29. 6.) profunda quoque fluminum scrutabitur , & abscondita in lucem producet (ibid. 28. 10.) Sciet dispositionem Orbis terrarum , & virtutes elementorum (Sap. 7. 17.) in petra aperiet rivos , & omne pretiosum videbit oculus ejus (Job 28. 9.)*

XII. *Sic se ipsum Sapiens amabilem faciet (Eccli. 20. 12.) propter Sapientiam enim habebit claritatem*

tem ad turbas, & honorem apud seniores, & in conspectu potentium admirabilis erit; (Sap. 8. 10.) intrans in domum suam conquiescet cum illa, non enim habet amaritudinem conversatio illius (ibidem 8. 16.) nec tedium convictus illius, sed lætitiā, & gaudium (ibidem) impletus benedictionibus (Eccli. 37. 27.) in populo hæreditabit honorem, & nomen ejus erit vivens in Æternum, (Eccli. 37. 29.)

TABU.



TABULA SMARAGDINA

HERMETIS

Tractatum omnium de Lapide Philosophorum
Fundamentum , & Basis.



Erum sine mendacio , certum , & verissimum.

Quod est inferius est sicut id , quod est superius ; & quod est superius est sicut id , quod est inferius ad perpetranda miracula rei unius.

Et sicut res omnes fuerunt ab Uno meditatione unius , sic omnes res natæ fuerunt ab hac una re adaptatione.

Pater ejus est Sol , mater ejus Luna . portavit illud ventus in ventre suo . nutrix ejus terra est . pater omnis thelesmi totius mundi est hic . virtus ejus integra est , si versa fuerit in terram .

Separabis terram ab igne , subtile à spisso suaviter magno cum ingenio . ascendit à terra in Cœlum , iterumque descendit in terram , & sic recipit vim superiorum , & inferiorum .

Sic habebis gloriam totius Mundi . ideo fugiet à te omnis obscuritas .

Hæc est totius fortitudinis fortitudo fortis , quia vincet omnem rem subtilem , omnemque solidam penetrabit . Sic Mundus creatus est . hinc erunt adaptationes mirabiles , quarum modus est hic .

A

Ita-

Itaque vocatus sum HERMES TRISMEGISTUS habens tres partes philosophiæ totius Mundi. Completum est quod dixi de operatione Solis.

Smaragdi Hermetici libet alias versiones addere eo quòd aliquid peculiare fulgeat in singulis, & nonnulla aliorum selecta Ænigmata se mutuo dilucidantia.

Verum est ab omni mendaciorum involucro remotum. quodcumque inferius est, simile est ei, quod est superius. per hoc acquiruntur, & perficiuntur mirabilia operis unius rei. quemadmodum etiam omnia ex uno fiunt per considerationem unius; ita omnia ex hoc uno facta sunt per conjunctionem.

Pater ejus Sol est; mater Luna. ventus in utero gestavit; nutrix ejus est terra, mater omnis perfectionis. potentia ejus perfecta est si mutatur in terram. Terram ab igne separato, subtile, & tenue à grosso, & crasso, & quidem prudenter cum modestia, & sapientia. Hoc à terra ascendit in Cælum, & à Cœlo rursus in terram descendit, & potentiam, ac efficaciam superiorum, & inferiorum recipit. hoc modo acquirit gloriam totius Mundi. propulsabis igitur tenebras omnes, & cæcitatem, hæc enim fortitudo omni alii fortitudini, & potentiæ palmam præripiens; omnia namque subtilia, & crassa, duraque penetrare, ac subigere potest.

Hoc modo Mundus conditus est: & hinc conjunction-

junctiões ejus mirabiles , & effectus mirandi , cum hæc via ſit , per quam hæc mira efficiantur . & propter hæc Hermetis Trismegisti nomine me appellarunt cum habeam partes tres Sapientiæ , & philoſophiæ univerſi Mundi . Conſumatum eſt verbum meum , quod dixi de opere Solari . *Theat. Chem. Tomo 4. pag. 497.*

Smaragdi ejusdem altera verſio
ex Gherardo Dorneo in phyſicam
Tritemii.

Quod eſt inferius eſt ſicut id , quod eſt ſuperius ad perpetranda miracula unius rei multa , &c.

Pater ejus eſt Sol , mater verò Luna . portavit ſemen in utero ventus , terra nutrit , pater omnis perfectionis totius Mundi eſt hic , virtus ejus integra , & immenſa ſi verſa fuerit in terram , &c.

Separabis , &c. & recipit vim ſuperiorem , & inferiorem , &c. *ex Theat. Chem. Tomo 1. pag. 392.*

Smaragdus idem
ex Bernardo Comite Treviſano.

Verum eſt , certum , & veriſſimum : quod eſt ſuperius naturam habet inferioris , & aſcendens naturam deſcendentis . conjungas unicâ viâ ,

A 2 diſpo.

dispositioneque . Sol est ejus conjugii pater , & alba Luna mater ; tertius succedit ut gubernator ignis . crassum fac subtile , & hoc spissum reddito . ad hunc modum gloriam habebis totius Mundi . *Tb.Chem.Tomo 1. pag. 685.*

Aliud Ænigma à Summis Philosophis celebratum.

Cœlum sursum , Cœlum deorsum : astra sursum , astra deorsum : quod sursum , omne id deorsum . hæc cape , & beaberis .

Testamentum Arnaldi à Villanova.

LApis philosophorum de terra scaturiens in igne perficitur , seu exaltatur . limpidiſſimæ aquæ potu ſatiatus ad minus horis duodecim undique viſibiliter tumens . deinde in ſtupha poſitus aëris ſicci , & mediocriter calidi , vapore depuratus extraneo , ſoliditatem ſuarum partium adipiſcitur , & ab humore extenuatus ſuperfluo fit aptus contritioni . quibus peractis , ex purioribus ejus partibus virgineum lac exprimitur , quod conſeſtim in ovum philoſophorum poſitum , tamdiu pullifica concoctione ſoveri non deſinit , donec colorum varietate denudatus , cum compare ſuo in niveo colore lætificat ; & ex tunc
ſine

ſine metu periculi ſuſtinet pœnas ignis creſcentis, donec colore tinctus purpureo egrediatur de monumento cum regia poteſtate. *Theat. Chẽm. Tomo 1. pag. 28.*

Idem Teſtamentum paululùm immutatum, & clarius.

L Apis generatus, ortuſque de terra per elevationem perficitur, aquæ potione ſatiatus, infra duodecim horas ut minimum inflatur, & intumeſcit circumquaque viſibiliter. poſtmodum in balneo poſitus, vel in aëroſo hypocauſto moderatè calido, & ſicco, ac purificatus ab extraneo vapore, ſoliditatem ſuarum partium acquirit. extenuatuſque ſuperflua humiditate, fit idoneus ad commixtionem. quo factò ex purioribus ejus partibus exprimitur lac virgineum; quod mox inde poſitum in ovum philoſophicum, proprio, & continuato calore foveatur, ut pro pullorum excluſione. varietate ſuorum colorum nudatus, gaudet cum ſuo compare colore tinctus inſtar nivis. inde poſt abſque periculo reſiſtit ignis violentiæ, tantisper donec pavonis coloribus ornatus de monumento deinceps egrediatur cum regali, ſummaque potentia. *Tb. Chẽm. Tomo 1. pag. 753.*

Hoc autem ænigma uni tantùm cedit Smaragdo Hermetico.

Ænigma aliud incogniti Authoris.

Est in Mercurio quidquid quæritur , ex quo spiritus , corpus , & anima trahitur , unde purissima , & mundissima tinctura provenit . humor est pretiosus , hominem lætificans , factus ex terra , aqua , & igne . corpore utique purgato , conceptoque spiritu , tandem clarus fons exurgit , in cujus fundo jacet leo viridis , aut serpens , qui extenditur . si expergefiat , in altum ascendit , & postquam ei deficit animus , deorsum descendit in balneum , quo tantisper lavatur donec rubeat , lavatur inquam aquâ vitæ usque dum non agnoscatur amplius . postremò vertitur in dignissimum lapidem primò album , & postea citrinum , visu pulchrum , atque delectabilem . Sis igitur de Mercurio vero sollicitus , quem natura generavit , & qui cum suo patre moratur prosperè , prosperaque reddit imperfecta metalla .
Theat. Chém. Tomo I. pag. 753.

Aliud pariter incerti.

Revolvi lapidem , & sedebam super ipsum . in puteum pœnæ detrudatur qui potenti , vel fatuo istud revelaverit . Ego verò id revelo bonis , quia vidi multos in labore perire , quia non poterant ad scientiam artis pervenire . in nomine Domini fume ALKABRICK , & humorem humanum de sana vena , & misce æqualiter ,

liter, & extrahe aquam per fumum, poſtea aerem per ignem. ultimò fœces combure, calcina, & miſce æqualiter cum urina pueri, & extrahe Salem, & habes omnes lapides, de quibus Philoſophi experti ſunt: tingunt enim mirabiliter, & coquunt, ut natura ignis plus facere non queat. item iſtud Sal reſiſtit Mercurio cum imbibitur, & deſiccatur cum primo lapide, & ſic fit fixi corporis unio ſupra firmam petram. non videat faciem Dei, qui potenti, vel fatuo iſtud revelaverit. *Theat. Chem. Tomo 3. pag. 698.*

Solve, & congela, & fac quamlibet ſpeciem cum ſua ſpecie, & omne genus cum ſuo genere, & gaudebis, natura enim cum ſua natura delectatur. *ibidem.*

Aliud ignoti, at doctiſſimi ſanè, Authoris.

In Nomine Dei viventis, & vivificantis.

I.

Terra mihi corpus, vires mihi præſtitit ignis.
Alta domus quæro, ſedes eſt ſemper in imo;
Et me perfundit, qui me citò deſerit, humor.

II.

Sunt mihi, ſunt lacrymæ, ſed non eſt cauſa doloris;
Eſt iter ad Cœlum, ſed me gravis impedit aer;
Et qui me genuit, ſine me non naſcitur ipſe.

III.

Pulvis aquæ tenuis modico cum pondere lapſus,
Sole madens, æſtate fluens, in frigore ſiccus,
Flumina facturus totas prius occupo terras.

IV.

Mira tibi referam nostræ primordia vitæ:
Nondum natus eram, nec eram tum matris in alvo,
Jam posito partu natum me nemo videbat.

V.

Non possum nasci si non occidero matrem:
Occidi matrem, sed me manet exitus idem.
Id mea fors patitur quod jam mea fecit origo.

VI.

Vita mihi mors est, morior si cœpero nasci;
Sed prius est fatum læthi, quam lucis origo:
Sic solos manes ipsos mihi duco parentes.

VII.

Magna quidem non sum, sed inest mihi maxima virtus:
Spiritus est magnus, quamvis in corpore parvo,
Nec mihi germen habet noxam, nec culpa ruborem.

VIII.

Ambo fumus lapides, unà sumus, ambo jacemus:
Quàm piger est unus, tantum non segnis it alter;
Hic manet immotus, non desinit ille moveri.

IX.

Findere me nulli possunt, præcidere multi;
Sed sum versicolor, albus quandoque futurus.
Malo manere niger, minus ultima fata verebor.

X.

Nulla mihi certa est, nulla est peregrina figura;
Fulgor inest intus radianti luce coruscus,
Qui nihil ostendit nisi si quid viderit ante.

XI.

Non ego continuo morior dum spiritus exit,
Nam redit assidue, quamvis & sæpè recedat;
Et mihi nunc magna est animæ, nunc nulla facultas.

XII.

Plus ego sustinui, quàm corpus debuit unum.
Tres animas habui, quas omnes intus habebam.
Discessere duæ, sed tertia pœnè secuta est.

Non potest apertiùs negari quàm dicendo non:
Et non potest apertiùs affirmari quàm dicendo ita.

Cui

Cui non eſt datū, non intelligit, omne enim donū ab alto.
Quæres multum, & non invenies;
Fortaſſe invenies cum non quæres.

Theat. Chẽm. Vol. 3. pag. 763.

Roberti Valleniſis.

Spiritus intus ineſt, quem ſumito (corporis hæc eſt
Sectio) demiffis fœcibus arte levi.
Fœcibus, ac terra demiffis, fonte benigno
Sæpius aſperſis, ſic tibi Elixir erit.

Aliud Ænigma.

Viſitabis **I**nteriora **T**erræ **R**ectificando, **I**n-
venies **O**ccultum **L**apidem **U**eram **M**edici-
nam.

Unicus eſt lapis, unica materia, quæ eſt pri-
ma omnium metallorum. præparatio ſaltem uni-
ca, à qua ſi quis aberraverit, ſcopum non at-
tinget. in duas operationes diviſa, ſolutionem
ſcilicet, & coagulationem; & eſt verè univerſa-
lis ante fermentationem, poſt eam ſpecifica.

Benedicta ſit ergo illa res, & benedicta ſit ejus
operatio per Jeſum Chriſtum. Amen.

Vulgaris oculus hîc caligat, diffiditque pluri-
mum. vigila. *Theat. Chẽm. Tomo 4. pag. 416.*

Solve , & coagula.

PRæmisi faces : vides ? progredere . cæcutis ?
 absiste : per abrupta namque , obliqua , invia ,
 inaccessaque , perque angustissimos , salebrosos , opa-
 cosque tractus ruinis proximos , & conterminos
 incedendum .

*Laudatur ars Medica , Hermes , ejusque arca-
 num , cujus subjectum astringitur unum , de-
 monstraturque . diluuntur calumniæ in ipsum ;
 & adduntur nonnulla annexam poesim eluci-
 dantia .*

Quidquid prodest homini Divinum redolet ,
 cum prodesse Dei sit , unde haud penitus
 absone , Deum esse mortali juvare mortalem , ait
Plinius (lib. 2. cap. 7.) nil siquidem quit dignius
 dari , aut nobilius , & Dei majestatem , & amo-
 rem magis ostentans , quàm evehere humiles , di-
 tare pauperes , debiles solidare , & omni destitu-
 tos auxilio assiduâ beneficiorum largitate fœlices
 reddere . sed quasi in donis convicium fuerit , ut
 lenocinante sibi errore homo rationis alioqui com-
 pos , quidquid proficuum , Divinum ratus refer-
 re , ubi ad auxilium suum intentam , vigilemque
 vim senserit , in opitulantes sibi res , quæcumque
 hæ fuerint , uni exhibendum Deo depressit mi-
 serè famulatum ! sacri reputati hinc fontes , ere-
 cta hinc igni templa (*Cælius Rodig. lect. antiq. lib.*

15. cap. 15.) hinc culta Divinis fictis nominibus fidera; hinc, ut millena alia reticeam, delirantium Etnicorum commenta, Sol in Delos infula, non quia fons lucis habitus, ſed vitæ, tenuit aras (Cic. 3. Ver. Plin. l. 4. cap. 13.) adolendaque Divis thura in erectis ſibi delubris in Perſide (Laſtantius) mendacio non tam ſanè monſtroſo, ac alia errantium deliramenta, eo quodd reparet, foveat, & ſervet in ſublunaribus omnia medicæ facultati præfectus.

Verùm eluſæ ſuperſtitionis ſat, licèt ingenioſis, depulſis umbris, cœleſtem quandam rationem referre medicam artem, in qua præcipuæ ingeniorum laudes, & ſummæ elucent erga proximum argumenta dilectionis, cum ſit homini præ cæteris utilis, inſiciabitur nemo, qui ipſius perſcrutatus ſat cauſas, & media fuerit, & effectus aſſecutus, & finem. Cum enim altiffimæ contemplationis indagine profundam intimæ eſſentiæ rerum prærequirat cognitionem, ut ex quibus compactum corpus, quâ ſit ratione ſervandum, quo robore obſtandum morbis, & quibus hi eradicandi viribus apprimè noverit, quis neget ipſam ſummum Sapientiæ apicem, ubi præcipua laus hominis, conſcendiſſe? inde cunctis eminet una infra ſe poſitis, ſupremâ enim, qua præſtat, utilitate, facultates (Theologicas excipe) ſupergreditur omnes, cum ardua quæque attingat, & profundiffima inſpiciat, & humanæ rei publicæ maximè favens, vitæ conſulat producendæ, qua morbis contractâ, nec tot clari victoriis, nec
tan-

tantâ præclarissimorum facinorum magnificentiâ, quæ illustre est subsecuturis calcar ad gloriam, coruscassent heroes, nec literariæ palestræ Cælum tot scientiarum luminibus ad eliminandas ignorantiae tenebras effulisset, quantis jam rutilat ad ipsius axis invidiam.

Nonne rebus præferenda est cunctis ea virtus, quam præcipuæ mentes sæculis omnibus in omnibus terrarum regnis foelicissimè, & gloriosissimè, immo etiam ad ambitionis usque jactantiam professæ sunt? quam consilio summi, & sæpe imperio etiam, Numinis aggressi olim emancipati Deo viri adeo assideratis membris, cunctisque languoribus opem faustè dedere, & validè, ut primi vel umbra ipsa Hierarchæ Sole clarior, salubriorque (*Act. Ap. 5. 15.*) eosdem correxerit, fugaritque? quam beati Spiritus purissimo Divini amoris æstu semper accensi, miserandumve pariter eodem charitatis incendio conflagrantes in hominem, ereptam eidem (*Tob. 11. 8.*) restituentes diem, vel felle ipso suaviter exercuere? sed parva hæc.

Concorporatus nobis humanæ Assertor libertatis Deus ipse, in quo Divinæ Charitatis officio dum nos inter hîc ageret, uberius, & frequentius enituit, quàm in effugandis, ut sacræ omnes passim de eodem paginæ, invalidorum languoribus, in referendis furdorum auribus, in reparandis, instaurandisque obtutibus, supremum exitium cunctis contagiorum, & morborum turmis indicens?

Quæ

Quæ Divina dirigente miſericordia , omnipotenti afflante , & operante Sapientia Dei emundandis , erudiendisque hominibus cum ita venerint , quem profectò magis medendi ars decet quàm Sacerdotem , ſi ſuum planè , cujus ſe proſitetur aſſeclam , in animabus , corporibusque curandis , ad ſapienter , & ſanctiſſimè electum ſummè optimum ſe componenſe exemplar , ſupremum ſit imitaturus magiſtrum , eo maximè quia non tantùm ſuos iſte diſcipulos per totum Terrarum Orbem miſerit , ut populos omnes præceptis imbuerent naſcentis fidei , ſed & ut languores omnium corrigerent , & quod commiſit eiſdem imperio virtutis ſuæ (*Mar.* 16. 17.) ponens in eis (*Pſal.* 104. 27.) verba ſignorum ſuorum , toti etiam Eccleſiæ , præcipuo verò modo demandarit Adminiſtris Altaris , per quos ab omni lepræ contagio ſuus emundaretur grex , ſervareturque incolumis ?

Non eſt profectò , non eſt cui non præferatur tam eximiæ virtutis prærogativa omnium præſtantiffima , divinum quodammodo exercens robur , ſive ſua reddatur ipſi dignitas , & majeſtas , ſive perpendatur utilitas , ſeu divina Authoris ejus ſapientia adoretur ; cum neque ſit cui præclaro celliſſimæ nobilitatis merito non præcellat . hinc eiſdem exiſtimatio , & amor adeo penes omnes populos ipſo naturæ à Deo irradiatæ , & rationis dirigente lumine invaluit , ut tamquam virtutes inter reliquas ſublimior omnibus una , prærequiſita per omnem ſæculorum curſum in Sacerdoti-

dotibus etiam Ethnicis fuerit (*Marf. Fic. in Apol.*) unde in Baccho antiquissimo illo delirantis Idololatriæ templorum præside non tam subactos Indos, primoque datum (*Alex. ab Alex. dier. genial. lib. 1. cap. 28.*) ab ipso triumphalibus pompis nomen nunc conscenso elephante, nunc pantheris ad currum, tygridibusque adaëtis (*Philostatus, Plinius*) & supremi insigne domini inventum, præcinctumque regiæ fronti diadema (*Alex. ab Alex. loc. cit.*) quàm medicinam demiratus est Orbis, eandem professis olim Sacerdotibus etiam Chaldæis, Persis (*Marf. Fic. in Apolog.*) Ægyptiis, quos inter Chemicæ Veritatis inventor *Hermes*, ut libuit *Platoni*, *Pbiloni*, & *Diodoro Siculo* ab *Olao Birricchio* allatis, seu veriùs instaurator, ut ex ejus assertis colligitur, propagatorque propriis plurium librorum monumentis, quorum quadraginta duos enumerat *Clemens Alexandrinus* (*Stromat. 6.*) quatuor, *Pimandro*, *septem Capitem*, *de Unitate Entis*, & *Asclepio* nunc superstitionibus, & *Smaragdina* cunctis æquanda libris *Tabula*, maxime excelluit, prout etiam *Cbiron*, *Orpheus*, alii-que quamplures in eadem primæ notæ sapientes enituere.

Cum autem iste laudabilis juvandi hominis ardor per omnes ætates, cunctis in Gentibus, remotissimis, & alioqui efferis etiam ad gloriam usque captandam vel adjutrice naturæ à Deo insita lege apud etiam superstitionibus obcæcatas mentes increverit in Sacerdotibus, quantonam profectò illustrior, puriorque emicare debet in

Sa-

Sacrorum Administris veri Ecclesiæ Dei, in quibus tamquam Christi Domini præcipuis membris illa eadem par est effloreat charitatis exercitatio, quæ indeficiens, & summa præfulsit semper in capite? probandum opus ubi plenè est laudabilis author: intuendum est homini, quod Deo præstante resplenduit: diligendum opere, quod operando dilexit.

Hæc mente evolvens, rem Deo gratissimam fore reputans ejus inhærere vestigiis, ut salutis utriusque substantiæ, animæ nempe & corporis incumberem proximorum, citra omnem congerendi auri cupiditatem ad medices facultatem recurrendum ratus, ita ipsius diù hæsi theoriæ, cujus præstantiam, & robur intra brevissimos *Smaragdi Hermetici* fines vidi consistere, ut confidam brevi interjecto tempore posse exinde etiam praxi prodesse, subsidium invalidis, præsidiumve laturus. id enim utique mihi spondit, & spondet, intuitu licet non plenè libero, sublustri nube veritatis physicæ, vel sub ænigmatis velamine delitescens in doctrinis Hermeticis inspecta diu species, cui validissimis rationum vinculis ita obstrictum simul, illectumve me sensi, ut omnibus in ipsam animi directis viribus, eandem momentis omnibus, pietati dictum quæ ipsius sunt persolutis, assiduis Deo precibus annuente, toto corde versaverim, ipsique uni pleno mentis gaudio gestierim semper adesse.

Nec sanè quid dignius, utilius, sublimiusve vestigare animo, aut agere potuissem quàm eos

Her.

Hermeticæ philosophiæ tutissimos gradus conscendere, quibus tutius datur noscere astrorum vires, metiri Cœlum, hujusve ad exemplar paribus, occultis licet, irradiatam stellis, ipsarumque ditatam virtutibus, imam adire terram, ipsamque scrutari sapienter inspectam. Summa siquidem illa ingeniorum hyperboles, pura illa Ægyptiæ Eclipticæ lampas, immò illud totius reipublicæ literariæ præcipuum HERMES decus, & ardor, de quo doctissimi plura Viri (*August. de Civit. Dei, Lactantius Firmian. lib. 4. de vera Sapientia, Suidas aliique*) unde Gymnosophistarum Æthiopum mutuati enituere fulgores, unde Persicæ Sapientiæ, & Bracmanorum Indicæ promicuerunt gemmæ, unde floruerunt Lycæa, & Porticus Athenarum, immò totius Orbis per omnem ætatem institutæ coruscarunt Academix, cum cuncta Solis instar pervaserit naturæ arcana apprimè cuncta rimatus, tam clarè ipsa suis reliquit Affecclis inspicenda, ut in abditissimis etiam terrarum sinibus, & altissimis stellarum plagis haud palpitanti mentis acie licet eisdem figere obtutus.

Quid autem mirum quòd talia noverit ferè sibi quandoque obvia tam eximius præcelsi meriti vir, qui ob æquitatis aliasque moralium virtutum prærogativas ex peculiari dono è terris in Cœlos quodammodo dilectionis alis assumptus rerum omnium originem meruit Deum noscere, huncve in simplicissima essentia Unum, in Personis Trinum fateri, Divinumque Verbum in hæc infima,

fima , quæ *Lactantius* (loco cit.) & *Suidas* meritò mirati sunt , descensurum , ut concorporatum homini , hunc redderet elevandum Cælo ?

Religiosissima *Hermetis* , relata à *Suida* , hæc utique fuere asserta . *Fuit Lumen intelligens ante lumen intelligens , & fuit semper mens mentis lucida : & nihil aliud fuit bujus veritas , & spiritus omnia continens . extra hunc non est Deus , non Angelus , non essentia ulla ; omnium enim Dominus est , & Pater , & Deus , omnia sub ipso , & in ipso sunt . obtestor te Cælum , & magni Dei sapiens opus ; obtestor te Vocem Patris , quam locutus es primum , cum omnem Mundum formavit ; obtestor te per unigenitum sermonem , & Patrem omnia continentem propitius , propitius mihi esto .*

Pietati itidem isti cohærent , quæ leguntur *Authoris ejusdem* circa finem *Asclepii* , nempe — *Nibil deest Deo , quia ipse est omnia , in quo sunt omnia , ipsum nos gratias agentes adoremus . gratias tibi agimus ò Summe , & exuberantissime , tuâ enim gratiâ tantum sumus cognitionis tuæ lumen consecuti . Nomen Sanctum , & honorandum , quo solus Deus est benedicendus religione paterna ; quoniam omnibus paternam pietatem , & religionem , & amorem , & quæcumque est dulcior efficacia præbere dignaris , dum nos donas sensu , ratione , & intelligentia ; sensu , ut te cognoscamus ; ratione ut te indagemus ; intelligentia , ut te cognitione cognoscentes gaudeamus , ac Numine salvati tuo , gaudeamus quòd nobis te ostenderis totum ; gaudeamus quòd nos in corporibus sitos æternitati fueris conservare dignatus . hæc est enim sola*

B

buma-

humana gratulatio cognitio Majestatis tuæ : cognovimus te lumen maximum . O vitæ veræ via : O naturarum omnium fœcunditas ; cognovimus te æterna perseveratio ; cujus bonitatem adorantes , hoc tantum deprecamur , ut nos velis servare perseverantes in amore cognitionis tuæ , & nunquam ab hoc separare .

Eodem in Deum amore in libro de *Unitate Entis* exarsit , & in tractatu *Septem capitum* Deo bonum omne refert acceptum sic . *in tam longa ætate non destiti experiri , nec animæ à labore pepercì . artem , & banc scientiam solius Dei vivi inspiratione habui , qui mihi famulo suo pandere dignatus est . Ego autem nisi judicii diem , aut animæ damnationem ob absconsionem hujus scientiæ metuerem , nihil de hac scientia patefacerem , nec cuiquam prophetizarem . volui verò debitum fidelibus reddere , uti Auctor Fidei mihi largiri dignatus est .*

Ex his pateat , quàm mirè Deus Hermetem illuminaverit , omnibus propterea inferiorum multò magis donorum ex ejusdem Dei largitate refertum cumulis , quæ dona ad declarandam muneratoris præstantiam , bonitatem , & gloriam , unde nosceretur , & diligeretur ab omnibus , ita propagavit in posteros , ut indulta piis denegarit immeritis .

Inventæ sapienter hinc fabulæ ad contegendam impiis , referendamve puris mentibus veritatem , devincta hinc ænigmata , hinc hieroglyphica prodire sub animalium , aliarumque rerum imaginibus efformata . Quæ tamen omnia favente , & annuente misericordis sapientiæ Dei

cno-

enodata , & perſpicua ita teneo , ut omnibus diſſectis umbris , breuiatis ambagibus , contrariisq; itidem velamentis liberè cuncta , & clarè ex clementiſſima Dei benignitate in *Hermetis* philoſophia mihi dentur inſpecta .

Ut corpora proinde cœleſtia agant in ſublunaria hæc , in iisq; imprimant ſimilitudinem propriam ope radiorum , qui rectà immiſſi , potentiſſimi inveniuntur , undè planetarum , immò totius axis inditæ ſunt in iſſis vires , ex Smaragdo Hermetico edoceor : per hunc ſiderum concurſus ; harmonicè diſſonam elementorum pugnam , concordēs rerum motus , & mutuos cœlorum , terræque nexus intelligo ; in naturæ arcana libero ; tutoque grefſu progredior ; ſcrutor abditos cauſarum fontes ; noſco certiſſimos , alternosq; rerum tranſitus ; rimor indolem , experior genium , metior vires : & ubi cū errantium , tum fixorum luminum æmuli in hæc infima conuenere nitores ; ex mira agentium influxuum copiâ , & ex coeuntibus cœleſtium , & terreſtrium ſtellarum radiis ; cum quæcumque ſuſum , ut ex vetuſtiſſimo *Ægyptio* *Ænigmate* aſſerente *Cœlum* , ſtellasque omnes , quæ ſuſum , etiam terris ineſſe , à *Kircherio* , *Chriſtiano Adulpho Balduino* in tract. *auri auræ* , aliisq; in theſaurum totius naturæ deſumpto , cum quæcumque , inquam , ſuſum in forma cœleſti , deorſum in terrena ſubſtantia itidem ſint , utriuſque regni , ſupremi , & imi virtutes , quæ ſub forma inviſibili ſupernis planetarum , aſtrorumque omnium oc-

cultantur in sedibus , hîc uno in corpore video quodammodo solidari . decuit enim (idve ad majestatem , & gloriam proficit Conditoris) ut omnium , quæ in Cœlis Deus operatus est , imago aliqua cerneretur in terris , cum par fuerit , quod in superni laudem opificis , vel humili nitor detegeretur ab umbra ; profuitque quòd quidquid Authori omnium per immensam universi molem libuit divisim pandere , id invisibiliter omne visibili perstringeret , & complicaret in uno , ut per hoc ad infinitam Dei perfectionem contemplandam addicta ipsi mens elevaretur humana .

Et sanè ad commendandam homini Dei omnipotentiam , & bonitatem quonam robore cuncta inter hæc idem Unum non pollet ; quonam fulgore non rutilat ? ipsum hoc , contemptibile alioqui cæco , quia ignotum vulgo , in tam latos divitiarum omnium , & medicaminum , immò perfectionis fines extenditur , ut rerum omnium in se colligens indolem , & actionem , vix totum nunc sub solis terrestris , nunc (ut centenis omissis nominibus me corripiam) sub totius naturæ , & sub universi imagine in Philosophorum præcipuis libris teneatur expressum .

Unum tam utique præstans , tam nobile , tam omnium donorum ubertate refertum , ut ex ipso , & in eodem incipiat , perficiatque quidquid operatur natura , immò à Democrito ipsius naturæ nomine decoretur , ubi ex Flammelli excerptis , ait de eodem , naturam naturâ corrigi ,
natu-

naturam naturâ lætari, naturæ opitulari, ipſam continere, & perficere; cognominatum propterea paſſim à *Baſilio Valentino*, præclariffimo Benediſtini Ordinis ornamento, *omnia in omnibus* (*tract. 12. Clavium*) & ex eodem tamquam totius naturæ promptuario ad quæcumque mira operanda, exhibenda, perficiendaque fœliciſſimè aſſumpto potuerint. Sophi, ipſum naturæ ad inſtar lenitè ingenioſo igne fovendo, puriſſimam, & ferè cœlicam ſubſtantiam elicere; quæ cœlos terris conciliaret utriſque ſimul innexis, & ſublunarium motibus harmonicè ad cœleſtium relationem compoſitis, omnia in ipſo uno rimari occluſa, & ex eodem pro libitu ad prodigium uſque aut explicare abdita, vel conficere.

Hinc ſpiritum univerſalem ad quæcumque fuerit aggreſſa perenni veluti bonorum ſublunarium ex fonte haurit parens omnium natura, ad quæcumque fuerit molita attrahit hinc vires, impura ejusdem auxilio deſtruens, bonaque ipſius præſidio ſervans; aut reparans, circumacſto ſemper rerum turbine, cum nihil æquè, ac perennis motus rerum conferat vitæ.

Id unum eſt, quod poſt rationalem animam, ſupremæ Ieon Divinitatis, in ſubſtantia ſimplex, in potentiis trinum, Sale, Mercurio, & Sulphure aſſiduum confert unde cuncta ſubſiſtant. Id Unum Cœlorum, terrarumque virtutibus, veluti præſtantiſſima gemmarum omnium pantaurea (*Marſ. Fic. lib. de Vita cœlitus comparanda cap. 14.*) in ſe congeſtis, omnia ſibi omnium bona coag-

mentat , ut omnia pariter omnibus impertiatur . idem Unum aqua est non madefaciens manus in madefacientem Sophorum igne solubilis ; Unum enim id fons aquæ illimis est , quæ de Cælo deprompta , omnium altrix (*Mich. Sendiv. in præf. in Ænigma*) alternis frigoris , & caloris vicibus , ut passim omnes , nunc terrestrem in Solem perstringitur , ut cœlestis instar profit cunctis , nunc in eam liquefit Lunam , in qua ex *Democrito* , nec delirante , ut stultè Abderitæ ipsum insimulavere Concives , cuncta rerum conduntur semina , efformanda , emersuraque in partus , ni Cataclismo mersa emoriantur . hinc exhalationes illæ evaporant statis horis , quæ elevatæ , densatæque in nubes , fecundant imbribus terrarum sinus . hinc rores emissi , qui se attollentes in Cælum , unde fluxerunt , ut iterum relabantur suam redolentes originem per diæresim , & analysin feminum uberes reddunt agros , qui sylvis præstant undè progerminant , dant undè promicent gemmis , metallis unde protuberent , solidentur , rutilentque , animantibus unde vivant . hoc Unum ignis omnium præstantissimi , quia cœlestis est , sphœra , unde artis sagacitas tardæ opitulatur naturæ , datque ipsi unde queat libera operari , quæ meditatur pressis sæpe compedibus irretita . id Unum in cana est cistula vitrum lixivio plenum . hoc Unum Saturnus est devorans filios suos ; idem hoc est Stabulum repurgans Hercules ; hoc à Fimeto , scilicet ab etherogeneis munda-
 ti boves ; versicolor unum hoc Camaleon aëre
 depa-

depastus; hoc *Morieni* cinis, quo æthereus fovetur ignis; hoc Unum innuit *Hamuelis* aquilas, quibus discerpitur subjectus Leo, ut melior, validiorque resurgat; hoc retrogrados Cadmi boves, quibus aptos exercetur, & proscinditur Sophorum ager in Sulcos. hoc signat Sapientum finum sæpe innovandum; hoc magicæ *Anonymi Galli* rotæ designantur, & destillationes repetitæ *Baconis*, & *Turbæ*. id triti lapidis cribrum ab *Hermete* præscriptum. hoc Unum præclara est Solis, & Lunæ proles, qua præcipuorum luminum flammæ se vehiculo aëris ex una eademque origine obortæ in terras ingerunt, quibus Sol ope utique Lunæ solari lumine imbutæ, terrarum refovet sinus, istorumque conceptus radicali humore enutritos cæco, leni, & vaporoso igne coagulat, compaginat, perficitque, sejungens modo, ut in Divino Orbis opere, aquas ab aquis, modo colligens ipsas, obstringensque, ut appareat arida, excrementis sepositis, quibus naturæ, quæ par est sit semper simplex in se, implicarentur molimina.

Hoc Unum antiquissimorum omnium progenitorum suorum genitor, cujus origo Cælum, robur ignis, nutrix, & sedes terra est, suam vix ortum enecat genitricem, sorte, sui passurum anatomen, mactandum pari, victurumque iterum fortius cunctis quodcumque solidum trajecturum, quodcumque perstricturum volatile, tenuissimum licet, & summè fugax.

Unum hoc tam præ cæteris purum, nobile,

validum , perfectumque , quàm (cum ut supra ex *Democrito* idem sit , ac natura) in se præ omnibus simplex , haud unquam destruendum , cum nec humido , & calido putrescere , neque calido possit , & sicco cremari , eo quòd etiam dissona convenient , & concilientur in ipso incorruptibile ex peculiari Dei dono , quia simplex sejunctis fœcibus redditum , cum pluralitatem constituentium excludat , separationi , quæ omnium mors , non subjacet , ex quo perennem quodammodo est regeneratum ad vitam , omnium ex tunc formarum capax , omnium induens ingenium . Nebulosum id astrum , cui summa lux inest : cœlestis ignis , elementa omnia queis præest , per rotas agitans , & gubernans , ut fervet ; hîc læti vernant flores ad fœlicitatis initium ; hîc aurea indeficientis autumnî poma educantur ; hîc *Amaltheæ* perennis vena thesauri ; Luna hîc fertilis ; hîc Sol vivificans ; Saturnus aurea prorogans tempora ; Microcosmus complicata in se omnia condens , ut explicet . Unum tam clarum , tam proficuum cunctis , ut bonorum omnium donis exuberans , ut eliminet omnem , ut ait *Hermes* (in *Tab. Smaragd.*) ab homine obscuritatem , sive hæc sit mentis , sive ægritudinis , seu paupertatis cum in eodem pateant initia rerum , mutua harum affinitas , alterni transitus , motus sympatici , vires , progressus , incrementaque plena .

Unum tam pretiosum , tantique roboris , ut devictæ fugiant propulsatæ ab eodem morborum
acies ,

acies , & ope ejuſdem inehauſto Copia cornu divitias non defuturas congerat , ut profundat , nunc criſtallum artis auxilio vel malleabilem reddens , vel in præcipuas gemmas attollens , nunc unionibus ruгоſo ſenio pallentibus amiſſum candorem reparans , nunc vilia metalla ex Mercurio inæqualitèr puro in ſupremos lucis , & pretii gradus exaltans , ipſorumque metamorphoſin ſemper operans.

Cum itaque hujus inquirendæ , & regendæ unitatis tantæ laudis vir author ſit *Hermes* , nempe tam claro præ cæteris ſublimis merito , à Domino præ cæteris muneratus , ut ipſi Divina Bonitas revelaverit abditiffimos profundiffimæ ſapientiæ reſeſſus , in quos fauſtè penetraret omnibus profuturus conſpicui dignitate magiſtri , & ſe ipſam , ut diligeretur cognita , communicaverit ipſi , unde tot philoſophantium myriades per omnem ætatem in omnibus terrarum regnis ejus fœliciffimè adhæſere doctrinis , dignum proinde , & honorificum ducens inter tam laudabilis ſtudii ſapientes aſſeri , vel ſaltem tyrones inter admitti , ad ingenii exercitamentum , & decus Hermeticam Philoſophiam , prout à *Boetio* delineatur (*de conſol. philoſ. lib. pr. proſa pr.*) nunc contractam ſe è cœlis demittentem in terras , nunc è terris agnitos ſe attollentem in cœlos , ſum longa meditatione animi , & calamo aggreſſus , difficillimam licèt ſanè rem , & nullus alioqui laudis in hoc ſæculo ſtudioſiſſimo vitiorum , utpote neglectam ab ignavis , ſpretam à rudibus , repræhen-

hensam à principibus viris , ab eruditis , qui sæpe arbitrantur , non dari quæcumque ignorant , ludibrio habitam , caligantis mundi vitio deprefam , ab ipsis ejus affeclis , adeptisque , penes quos unicum eidem apparabatur effugium , millenitricis , involucrisque involutam , liventi fermè arte positam alienis odiis obnoxiam , totoque Orbe , ut de astronomia *Tacitus* (*lib. 1. annal.*) *potentibus infidam , sperantibus fallacem , vetandam semper , & retinendam* , ita omnibus proscriptam sæculis , & ardentè æquè exoptatam , ut vix ulla processerit , vel adventura sit ætas , quæ non rejecèrit , & non exquisierit , & non excusfura , & non amplexura sit ipsam detrectantibus , & damnantibus etiam amabilem .

Hinc vel in ipso Sepulcri Hermetici limine mustitantibus extra labiis , animis tamen intus probantibus , ubi penè omnes , vitato adversantium invidorum impetu , ad vulgi genium faciem extimam componentes , in tuto cordis abdito congerunt meliora , & carpar simul , tacitisque internis plausibus decorabor à multis eo quod contra personarum insectantium , & adamantium populorum sensum validis suadentibus rationibus puræ veritatis luminibus irradiatus in fulgentissimæ sapientiæ templum vim omnem direxerim cunctis animi , ejusque vix paucis notas pulsaverim saltem fores , aliquando forsàn & mihi referante Deo subeundas , cum aliis etiam eà , qua teneor , dilectionis lege sub ænigmatum tropis , & symbolis ipsas indicaverim penetrandas .

das . neque enim adhuc , tanti licet confors luminis , tam claram attigi metam , nec tam exuberans bonum foelici perstrinxi pollice , sævissimis usque modo distentus curis , & advocatus ad alia sub iniquissimæ persecutionis exudans æstu , maturiori fortasse sorte beandus , ni nimis audax , Prometheus alter immeritus , surrepto è Cœlis igne discrucier . Sed fictis , placidisve terrebor hostibus , veros , & acerrimos contempturus ?

Ad omnem censuræ severitatem compositi , promissâ barbâ austeri , duplicibus rogæ , & animi fordibus luridi conjurati Misosophis ringant jam Sycophantæ Chæmiæ ofores hæc oscitantèr lecturi , invalido insanientis iræ conatu incassum semper oblatrantes in Lunam canes , & quæ Indici non percipiunt psittaci , effuso in voces rostro detrectent , modò Hermeticam obductam fraudibus , modò dolosè effictam dicentes artem , quæ metamorphosim spondet metallorum , quasi non dentur plurima , quæ cum à natura , tum ab arte ejus æmula confecta sint , ut demonstrari potest in hydrargiro , in Mercurio ex diversis metallis extracto (*Plin. libr. 33. cap. 8.*) in Sale , in electro , chalchanto , cinnabari , & in millenis id genus aliis , prout etiam in unionibus , & lapidibus pretiosis , quos vulgato ingenio sat frequenter industriæ nunc efficiunt , vel imitantur artificum . *Ubi nam enim* , adhuc ajunt , & in posterum eandem artem impetituri , *in toto terrarum inventus est Orbe , qui vel semel , efficti diu boni compos , ejus metam attigerit ?* tot in-

ter

ter philosophantium , immò delirantium turbas ne concessa quidem fuit uni , cum omnes ea frustrati spe , qua miserrimè freti , absumptis , quibus affluabant , opibus , lacrymabili sanè , & temporis , & vitæ dispendio , immo quandoque jactura & animæ extremam tenuerint somniati vice lapidis urnam .

Ars tam ubique mala , quàm semper latitans ; odit siquidem lucem , unde proscripta à legibus , devinctaque poenis , si non absumpta ; tam spreta à prudentibus , quàm fallax ; tam à Sapientibus neglecta , detectis illustrium mendaciorum larvis , quàm invalida , futilis , vilis , & levis umbra scientiæ : abominabilis , semper exosa ; sui ipsius , semotis etiam hostibus , pavida , exlex enim ; semper exul , semper profuga , in salebrosis , & inviis semper abdita ; impiis , & flebilibus tantum fraudum , paupertatis , & miseriarum coetibus comitata , eo quod privato , & publico obsit ubique bono , nullibi propterea diu passa tutò consistere .

Numquid à Nebulonibus ipsa , aliisque hominum spectris incessit unquam sejuncta ? quin potius impostoribus , thraasonibus , & agyrtis , quandoque etiam cupedinariis , & laniis , ubicumque tibi furtim occurrerit stipatam videris ad dolos omnes instructam , & solà mendaciorum magnificentia claram , semper in diversa distractam , volubilem in assertis , nunquam eandem ; nunc siquidem alios ad disquirendum philosophorum lapidem profunda mentis indagine in calceantio , in arsenico alios , alios in Sulphuribus attrahit . istis hydrargirum , illis plumbum commendat , nunc ova , nunc sanguinem , nunc capillos , nunc cinerem ,

nunc

nunc fuliginem in aurum vertere pollicetur , nunc ab auro ipso animam , ut ipsa loquitur , conatur avellere , ut sibi Corpus propriæ jacturâ animæ usurpet . & nunc buc , nunc illuc , etiam ad sterquilinia diverforum gregum , & in latrinas usque progressa deliramentis suis , ex volubilitate , & varietate ipsa opinandi se in incerto positam detegit vel invita .

Is autem tam frequens error quot impostorum fraudibus asperatur ? Quot inexplibilis avaritiæ augetur technis ? quot aliorum criminum vallatur turmis ? altissimâ injuriâ Principum adulterini binc nummi , elusæ binc spes , per alieni æris birudines marsupia emuneta amicorum , domestica jam ubique locorum damna , substantiæ absumptæ Provinciarum , enervata Regnorum robora , criminosa dispendia tam ubique nota , quam visa , unde ipsa hic recensere supervacaneum , eo magis , quia quædam ex his , qui volet eadem execraturus penes Blavenst (cap. 4.) inveniet , quædam pariter apud Martinum Zeilerum (centur. 1. epist. 9.) plura in Mundo subterraneo Kyrcherii (lib. 11. sect. 2.) & apud Michaelem Mayerum plurima ubi de fucorum pseudobymicorum examine , unde itidem plurimi grassatorum , & furum contubernales nunc ultrices Principum cruentavere secures , nunc infamibus lignis addicti periere .

O Convicia tantis digna calumniatoribus tam sanè cæca , quam ipsi , egregiis æquanda tantum authoribus suis ! taliane de rebus hi , quas nunquam percepere , pronunciant ? proh tam iniquos judices , quam ignaros ! cur potius non audiantur tot primi ordinis Patres , qui Chemiam
jam

jam non tantum validissimarum rationum robore ab insectantibus vindicarunt, sed etiam experti sunt? quot Sapientissimorum virorum auctoritatibus, & rationibus tuentur ipsam *Lullius*, *Arnaldus*, *Mayerus*, *Robertus Vallengis*, qui de veritate, antiquitate, & præstantia artis Chemicæ dedit doctissimum tractatum integrum, & omnis aliis, *Joannes Crisippus Fanianus*, qui alterum absolutissimum edidit librum de jure ejusdem? mille illustrium Philosophorum præclarissima adhuc monumenta supersunt, quæ Chemicam roborant contra omnes obloquentium impetus, ejusque basin statuunt; unde tam stabit inconcussa, quàm validè tuta, plenè verax, & certa

Irrita spernendi reddet conamina vulgi.

Quod si facultatis ejusdem professores inclyti sub vilibus, obscurisque paupertatis laribus se continuere, & usque nunc delitescunt, ubi cæteri philosophantium inter divitiarum enituere paludamenta, & se vel nunc, ad delicias usque, indulgentes genio, vitanda in oblectamenta demittunt, vel gloriæ inanis cupidi, & gratiam Principum licet vitro fragiliorem aucupaturi, liventes inter ministros frequentarunt, & otioso recursum hoc etiam sæculo terunt aulas Regnantum, quales olim *Dionysii Plato* (prætereo reliquos currentis temporis) *Aristoteles Alexandri*, & possidentes Dei donum thesauris omnibus pretiosius clam se recipiunt in abditis, vel inter humilis fortis angustias peragrant Orbem, spontaneam ostentantes inopiam, est ne vitium in ipsis

ſis animi moderamen, parſimonia, & frugalitas; quæ virtutis titulum apud gentes omnes ſemper tenuit & meritum? Sobrietas, & paupertas tam læta, quàm libera, divitiis omnibus tutior, non luxuries opum, *ebrietasque malorum omnium metropolis* (*Atbeneus libr. 10. cap. 3. & 15.*) *Pitthagoram* laudibus inſignivit. pede inſono tutiùs graditur, ne inopinatò deprehendatur ab invidis, proborum hominum cuſtodita felicità; quæ cum poſſit, ſi ſe prodat, obefſe poſſeſſoribus ſuis, *in tacito, & piè gaudenti ſinu*, ut ait *Cosmopolita* (*Sendiv. in præf.*) condenda eſt, *in ſe planè Summa*, cum, ut ait *Fabianus Philoſophus* apud *Senecam* (*Suaſor. 1.*) *conſiterit arbitrio ſuo*.

Chemia exoſa, proſcripta, dedecorata ſuppliciiis; ſed à quibus? ab inſciis dumtaxat carpitur, qui priſcâ ineptia, ſtultitiavè Chinentium ultra ſuorum murorum lineas haud alias terras arbitrantium porrigi cum nihil ultra vidiffent, temerè auſi ſunt aſſerere neminem ſcire, aut non dari quæ non viderint, aut quæ neſciverint ipſi: viri, quibus tam parvus eſt Orbis, quàm brevis viſus.

At *conſortia*, inquiunt, *fugit hominum*. debuit, ut conſuleret ſibi. an non vulpinis fraudibus, immò & avidè cruentis inexplēbilibus belluis concurſantur jam non tantum ſylvæ, ſed Urbes tam inverſis naturæ moribus, ut ubi homo homini datus eſt in auxilium, ad efferè moliendam alteri occurrat ſæpè perniciem? quotnam transactis ſæculis quos veri ingenuè Chemici arbitra-

ban-

bantur fratres ; sævissimos , & serò quidem deploravere inimicos ? sed cum de nequitiiis hominum scripserim in fine *Libri secundi Sepulcri Hermetis* , & initio tertii , ad alia propero .

Tamquam in se numquam eadem , sed semper volubilis in diversa , ceu fallax igitur , & dolosa mendacii arguitur , & ex inconstantia damnatur . ab iisdem tamen infimulatur illis , qui ipsam versicoloratis præcinctam velamentis suis , & variorum ænigmatum , symbolorumque involucris mysticè opertam , detectam nunquam videre , immo nec ejus intellexere terminos , quin ne nomen quidem : tam distat quòd ipsam noverint . & tantæ nunc sunt auctoritatis calumniatores , & obtrectatores hujusmodi , ut quæcumque etiam in sibi ignota dixerint , admittantur ? suntne mendaces Rhetores ex metaphoris , allegoriis , & frequentissima varietate troporum res emphaticè augmentum ? nonne omnis obtundetur dicentium sapor amotis his ? quotnam sunt quæ quodammodo incedunt sub alienis vestibibus , sub mutuatis imaginibus personata , nec ita à se recedunt , ut desinant esse , quæ fuerint ?

Latitat , addunt . oditne igitur lucem ? hincne depræhenditur improba ? stulta illatio . qui thesaurum facit obvium cunctis , nonne prodit seipsum (*Gregor. bom. II. in Evang.*) depredari desiderans ? Ezechias ostentatis divitiis (*Reg. I. 4. cap. 20.*) Assyrios extimulavit ad prædam . ob notum Ærarium Olympiade octava , & quinquagesima Cresus (*Solin. cap. 7.*) Cyrum flevit raptorem .

rem . Darius ob congestum aurum (*Justin. bist. lib. 11.*) sub Alexandro deperiit . è contra sapienter Ægyptii , collectas , auctasque Arte auri massas in pyramidibus absumpsere erigendis , ne thesaurorum fulgoribus finitimos , & remotos etiam hostes allicerent . utinam itidem congestam gazam occulisset à pompis abstinens , vel sic erogasset & Roma ! non tam frequens barbarorum sub *Alarico* , *Genferico* , *Odoacro* , *Totila* , aliisque ipsam suis factam populis (*Hier. l. 1. Epist. select. Epist. 34.*) matrem , & Sepulcrum diripuisset , & devastasset invasio . ad quid non adigit homines fames auri ! nihil est quod non audeat . hæc quod æquè juramento sancitur , iniquissimè violat ; pudicos hæc thoros maculat , infontibus laqueos necit , fidem abrogat . hæc devinctos amicorum solvit affectus , hæc jura conculcat sanguinis , hæc populos armat in regnorum perniciem . hæc , fractis Divinis , civilibusque legibus ; totum hominum genus disternit , & nec cadaveribus parcens , sepulcrorum etiam effodit monumenta . maximum auri pondus , quo octo cellulas (*Jos. Hebr. antiq. l. 7. c. 12.*) ad celebranda regii patris ossa oppleverat Salomon , non diu latuit avidis inhiantium oculis , partim enim Hyrcano cessit , partim postea ab Herode directum . Semiramidis Sepulcrum (*Herodotus l. 1.*) Darius ausus est inspicere delatâ sibi divitiarum copiâ illectus simul , & frustratus , elusus enim , vacuum spem (*Quintil. lib. 6. cap 3.*) vigilantis somnium expertus . Claudius Nero , haud absur-

dè mero etiam dictus, qui, ebrius fortasse, *tam perpetuam, singularemque concepit felicitatem*, ut in ejus vita *Svetonius* (cap. 49.) *ut amissis naufragio pretiosissimis rebus, non dubitaverit inter suos dicere, pisces eas sibi relatu-ros*, abditis in Africa Tyriæ Didonis opibus (*Svet. cap. 31.*) perquirendis non leve studium impendit.

Sed extimis pepercissent homines, vel prope telluris superficiem positis cumulis divitiarum, quibus auri ingluvie adactis nullus est summè arduus licèt labor, nullum vel ipsius vitæ discrimen, quod non libentissimè subeant, unde trahunt flumina, tranant maria, in remotissimas etiam terras sub ignotis astris immutato polo commigrant, ut sæpissimè in effossos etiam altè cuniculos se immittant, *sub ruina*, ut disertissimè *Seneca* (*nat. quæst. lib. 5. cap. 15.*) *supra lucrum immoraturi?*

Quod verò Thraſonibus, Agyr- tis, aliisque vulgi abjectissimis fœcibus se communicaverit unquam Chemia, convici- um hoc tam planè, quàm calumniatores ipsi, de deliramento participat. & quandonam ars hæc æquè nobilis, ac sublimis (de vera siquidem, & legitima hîc sermo est) se tam miserè demisit in ima, ut schedulas inter venalium pharmacopolarum, & in Agyr- tarum figmenta se abjecerit, illis unicè sueta revelare se viris, qui præcelsâ ingenii laude, & morum probitate florerent?

At exercent ipsam, resumunt pertinaciter adversarii, ut decipiant ingenuos, mendaces improbi.

probi . ars igitur optima ex quorundam artificum vitio , alienâ ſcilicet culpâ , damnabilis ? cur non eſt execrabilis & medicina , in qua tot cædes eveniunt , laniena aucta magis rudium cæcâ feritatē medentium , quàm ſævitie morborum ? an Jurisprudentia , quæ præcipua juſtitiz , & æquitatis adminiſtra eſt , & ſuum unicuique dividens juſ , pacis eſt redux , & reparatrix divitiarum , erit deteſtabilis ideo quia

———— clamorſi rabioſa fori

Jurgia vendens improbus , iras ,

Et verba locat ? (Sen. Herc. fur.)

ſæpe immo vendens adverſario ipſi Cauſidicus fidem ſibi Clientem ; ut egregiè advertit integerrimus , & doctiſſimus *Paulus Rubens* Jurisconſultus Romanus (*in prælud. in reſol. de Teſtam. à num. 578. uſque ad 624.*) jam non pugnat , ut vincat , ſed (ſitque citra injuriam proborum , qui Curiam decorant) nexus addit , ut vinciat ? quiſnam eſt adeo ſtultè impudens , quis tam temerè impius , ut Theologicam facultatem abominabilem dicat eo quòd etiam Hæreſiarchæ , licèt ſacrilegi , ſibi theologorum uſurpaverint nomen ? ſtetit , & ſtabit adhuc ſemper immobilis , ſemper clara , & integra Thèologiæ ſanctitas , & majeſtas à pseudomagistrorum probris , & erroribus minimè temeranda : ſtabit ſemper immunis à dolis jurisprudentia , nullis malè utentium fraudibus offuſcata : ſtabit ars Medices minimè dedecorata maculis ineptorum , ceu firmiſſimis tot Sapientum ſuffulta columnis , ſtabit Chemica ; nulla etenim

scientia, nulla facultas, ars nulla ex aliorum fordescet unquam erroribus, nec ab imperitia, vel vitio artificum deprimetur. ager etiam Ecclesiæ habet paleas, habet aristas inter & zizania: estne hinc tritici detestabile nomen? quin frumentum Electorum videant obrectatores mentis esse Domini destinatum.

Haud itaque tot licet oppugnata hostibus, tot percussa ictibus corruet Chemia, sed subsistet semper tam validè constans, prout etiam adeo semper constitit inconcussa, jam non tantum licita, nullo enim unquam jure, quod legerim, vetita, sed altè laudabilis etiam, firmissimis fulcra rationibus, quarum libavi aliquas in subsequenti poesi (*lib. 2.*) ut trahere foelicissimè potuerit præclariora academiarum omnium ingenia, sibi que asserta, devinctaque ducere, illustrium asseclarum pompâ spectabilis. Cum verò in hac arte occulta, ut scripsit *Bernardus Trevis.* in tract. suo *Chemico*, ut in aliis studiis physicis *experientia practicæ debeat veritatem theoreticæ corroborare*, quod paritèr asseruit *Henricus de Rochas* (*in initio sui tract. de lap.*) quotnam (unde impudentissimum refringitur adversariorum assertum, quodd nempe nemo fuerit veram Chemicam assecutus) quotnam, inquam, remotissimorum temporum doctissimi, & ætatum omnium testimonio probati omnium scientiarum numeris absoluti primi ordinis viri ipsam tenuere, & tutam ejus reliquere posteris methodum & metam in libris suis? tales in Ægypto olim præfulsere *Vulcanus, Mercurius,*

rius , & ſemper laudabilis *Hermes* , qui facem poſteris prætulit inquirentibus ipſam , quâ freti *Ægyptii* Romanis , quibus premebantur , bellum inferre ſunt auſi , à *Diocletiano* (*Suidas*) à cujus tyrannide philoſophorum cæſi tunc plurimi , librique incenſi , repreſſi , & graviori jugo ſubacti . *Pitbagoſas* item *Samos* decus inclytum , qui *Bracmanorum* , & *Gymnoſophiſtarum* auditor prædivitem hanc intulit ſapientiæ mercem in Græcos fines , & *Democritus* ex Patre *Abderitarum* locupletiffimo natus , qui ſolus , ſi *Pythius Lydius* (*Herodotus* , *Plin. lib. 33. cap. 10.*) unicè excipia-
tur , adeo innumeris dedit epulum *Xerſis* copiis , ut fiduciâ viriſſim (*Juſt. hiſt. lib. 2.*) montes in planum deducerent , & convexa vallium æquarent , maxima-
rum opum poſſeſſor , & aſpernator . addendi his *Geber* , *Morienes* , *Avicenna* , milleque alii , immo & his proximis elapſis ſæculis *Arnaldus* , *Lullius* , *Baſilius Valentinus* , qui primus detexit poſteris philoſophorum ſubjectum , *Albertus Magnus* , *Augurellus* , *Marſilius Ficinus* , *Fernelius* , *Zacharius* , qui (ſed innumerorum quis texat Indicem ?) in lucubrationibus ſuis Chemicæ veritatis lumina diffudere , & ſanè ex ipſorum paginis , quæ adhuc extant illuſtrium in ſcientiis omnibus , adſtipulatæ ſibi invicem , roboratæque teſtimonio virorum , conſtat eoſdem Chemicam artem , quæ impugnatur temerè , adeptos . quin & in extrema hæc uſque tempora , ut per omnes ætates ſemper hominibus Divinæ Sapientiæ , cujus ſpiritus ſui diffuſivus (*Sap. 1. 6.*) benignus eſt ,

emicaret immensitas , assidua ferè experimenta , quorum quædam in *Ephemeridibus Germanicis* (anno 1. observ. 17.) enarrantur , & alia leguntur penes eruditissimum *Kircherium* , *Mayerum* , aliosque , non defuere , quæ impetitæ ab invidis , insciis , incredulisve , vindicatam , & liberam Chemiæ redderent veritatem .

Sed oſores ejus his laceſſiti , ſævientes canum inſtar in lapides , quibus læſi , in ipſa hæc obloquentes , detrectationum armabunt iniquitatem eo quòd non obtenta edocens , quæ proſpexi bona ſpoponderim , immo quodammodo non poſſeſſa , & quæ remota donaverim : occurrat verò nec Archetypus omnia impleſſe opere , quæ percepere , delinearuntque concepta ; nec omnes qui bellica tractarunt calamo , ſe receptos olim in Caſtris . quot de exercendis agris ſcripſere , qui nec regendis ad lineam bobus , nec ſtivæ dedere manum ? numquid bubulcus *Maro* eo quòd de agrorum , herbarum , arborum , ſegetum indole , cultu , ingenio ad prodigium uſque , ut ejus teſtantur opera , diſſeruerit ? numquid cuncta perſpexit *Plato* , libravit cuncta , perſtrinxit qui in egregiis *Tymeo* inſcriptis libris de cunctis egit , etiam cœleſtibus ? poſſunt utique diviſim dari & cognoscere , & agere , & poſſidere .

Quod verò aſperrimis vexatus cutis aſſiduas inter fortunæ ſævientis injurias occinerim , quo inſuetam diras inter calamitates robore propugnabo lætitiâ ? cum abditis à prima ætate ſtudiis ab iniquis , confertiſque ſceleſti ſæculi hujus ſeceſſerim

rim fraudibus , reluctantibus licèt tumultuantium , quibus diu impetitus acerrimè , & adverſantibus fluctibus invidorum , halcyonum more mihi vel undas inter , reclamante etiam hyeme , compoſitâ tranquillitate , efferis juratorum malignantium ſpretis armis , & aſtubus , ita me totum , irritò licèt fortaffe niſu , ſapientiæ inſtituendum commiſi , ut ejus ſaltem ardore raptus me major , turbines , nymbos , nubesque , Olympo ſimilis , infra me viderim ; viſ ſiquidem omnis invenitur invalida ubi conſtantis animi fuerit arcem aggreſſa ; tantâ nempè ſecuritate munitus , tantâ ipſe (ubi ſoli Deo notus & ſibi cupiditates omnes irritamenta blanda malorum furtim vellicantia devicerit) tantâ , inquam , ipſe ſecuritate contutatus fruitur puro abſorptus flumine voluptatum Civitatis Dei , tanta veritatis luce emicat circumſuſus , ut ſe planè contentus , nihil extra ſe quærat , & vel procelloſo vitæ hujus jactatus æquore , inconcuſſus etiam inter ruinas , & imperterritus perſeveret.

Si fractus illabatur Orbis ,

Impavidum ferient ruinae . (Hor. lib. 3. Ode 3.)

Uſque adeo virtus eſt ipſa ſibi munimen , eſt ipſa ſibi ſalus , ipſa ſibi merces , & præmium .

Non ideo tamen eam unquam affectaverim delirantium Stoicorum fictæ perfectionis laudem , qua me dixerim ſenſus omnis expertem . paſſas quidem omnes perſenſi calamitates , quas , præſtante Deo robur , & vici ; ſed inter ipſas ad quoddam animi levamentum , quales ut plurimum ſo-

lent quotquot longo discrimine cum adversitatibus , vel assiduis laborum exercitamentis congregiuntur , mente , & calamo cecini illius suavissimè infortuniorum sævitiem mulcentis Exulis ad exemplar , qui in hæc carmina auditur adhuc

*Hoc est cur cantet victus quoque compede fessor ,
Indocili numero cum grave molliet opus .*

*Cantat & innitens limosæ pronus arenæ
Adverso tardam qui vebit amne ratem ;*

*Quique refert pariter lentos ad pectora remos ,
In numerum pulsâ brachia versat aquâ .*

*Fessus ut incubuit baculo , saxoque resedit
Pastor , arundineo carmine mulcet oves .*

*Cantantis paritèr , paritèr data pensa trabentis
Fallitur ancillæ , decipiturque labor .*

*Fertur & obducta Lyrnesside tristis Achilles
Æmoniâ curas attenuasse lyrâ .*

*Cum traberet Sylvas Orpheus & dura canendo
Saxa , bis amissa Conjuge mæstus erat .*

(Ovid. l. 4. trist. eleg. 1.)

immo gravissimas inter adversitates eo lætior , & fortior se erexit animus , quo magis per eadem luctæ asperrimæ tempora sublustis quædam instantis boni se mihi revelabat imago . solet quippe clementissimus Deus , ne superbiat , ærumnis hominem exercere , & frequenter prosperis (*Cbrysof. Hom. 8. in Matt.*) ne deprimatur , erigere ; & ubi largiori manu prædisposuerit summa ipsi dona profundere , ipsa irrisionibus , proditionibus , angustiis eo consilio præcurrere , ut magis custodiantur , deneganda impiis , obtenta . Cor ,
quod

quod novit amaritudinem animæ ſuæ, in gaudio ejus (*Prov.* 14. 10.) non miſcebitur extraneus. Et proſectò in majori habentur pretio, nec improbis communicantur, etiamſi (ut ipſos paſſus ſum ego fictæ amicitiz dolis peſſimos) duplicatis per ſummam fraudem clavibus, intima in penetralia ſæpe furtim irreperſerint, nil attamen obtenturi, nec improbis, inquam, communicantur quæcumque anxio, diuturnoque labore, vel longo diù quæſita ſtudio ſunt parta.

Unum, quod reſtat, diſquirendum eſt modo, an in ſubjecto Hermetico erraverim, quodd *Antimonium* tantummodo eſſe, at *Sopborum*, idque ſtrictè unicum dixi *Libro tertio Sepulcri*. neque enim meum hîc eſt de Veritate Hermeticæ Artis agere, cùm ne nimis latè, quàm par eſt, vager, tum quia ſat' egregiè, & fuſè ipſam demonſtrarunt theoriâ, auctoriſtatibus Patrum, & praxis experimentis ſæpe ob oculos datis Philoſophi, ut in præindicatorum Authorum libris, aliorumque tractatibus perſpicuum fit, & multo minus de ſingulis vel prærequiſitis ad artem, vel comitantibus ipſam, utputa de furno, igne, aqua, terra adamica, diremptione partium, lotionibus repetendis, animatione, ut ajunt, Mercurii, aliivæ ſpectantibus ad idem opus differe-re, ne idem proſus immeritis denegandum, unde ipſum ſat' intextis opportunè triciſ involvi etiam ubi aperire ipſum videor, ne, inquam, idem doctrinæ congeſtæ collectæque viliffimæ etiam plebi revelent, quæ diviſim poſitæ, diſſitæ-
que

que difficilem indicant tantum , non pandunt fa-
lebrofam , & anfractibus asperatam ad ipsum
viam .

Quot quidem technis Scriptores omnes tanti
verum subjectum operis sapienter involverint ,
quàm nempe variè , obscurèque descripserint , ne
ipsum prostituerent indignis totius rerum om-
nium inversione ordinis , & detrimento extremo
virtutum , & ne de eodem Libri statim commen-
data memoriæ artis methòdo , comburerentur ab
invidis , qui in pluribus ipsorum voluminibus diu
satis incubuere , pronuncient . hinc tam multi-
plici incedit ænigmate personatum , tantoque in-
numerosum penè nominum fastu , apparatu , &
ad tumultum usque congerie stipatum , ut datis
ipsi cunctarum ferè rerum , quarum ex *Theobal-
do ab Hogbel.* , aliisque collegit plurimas ingenio-
sus *David Lagneus* (*Harm. Chem. cap. i.*) datis ,
inquam , ipsi cunctarum ferè rerum nominibus ,
omnia sanè hoc reputandum , & asserendum sit
unum , nec se mendacii reos hoc erudito ludo
arbitrati sunt Sophi , cum eidem Unì omnia , ut
pronunciavere , sint indita , unde successivè exor-
ta , profectaque , in idem assiduo rerum turbine
reditura . & sanè quidquid fuit in globo hoc ef-
formatum à Divino incircumscriptæ Mentis Opi-
fice , irrequieto motu circumvolutum momentis
omnibus (quæ rerum rota ad naturæ proficit
conservationem , perpetuam , mutuamque præ-
stans productionem corporum , & dissolutionem
ipsorum , novos semper editura conceptus) ut re-
laba-

labatur ascendit . hinc Unum hoc ipsum ab eadem natura Deo ipsam regente diremptum , unde Rebis fuit sæpe dictum à Sophis , bina scilicet res , superiorem partem , nempe elevatam ejusdem esse essentiae ostendit ac est inferior , pars scilicet residens , benigno naturæ igne , summoque ingenio pariter elevanda , ut mysticis ita rotis totus solvatur lapis in aquam , in ventre venti (*Tabula Smaragd.*) asportandam ; idque assiduo depræhenditur experimento , cum plenè pateat scrutatoribus rerum perpetuo cuncta motu circumagi ; unde natura ipsa omnia mutationibus temperat , peragitque .

At ubi tutioribus vestigiis libeat progredi , & attingere veritatem , quæ in uno utique sita est , ubi magis Sapientum Chemicorum Scholæ , & placita ipsa concurrant , ut optimè asseruit *Comes Bernardus Trevis.* cum aliis pluribus , ubi magis convenient asserta ipsorum , quibus reliqui omnes conformes se præstare tenentur , ni velint (quod planè temerè auderent) novam sectam , nova asserta , novam penitus artem , & novo prorsus fundamine , at super arenam jacto , vanis commentis , vacuisque ingeniorum larvis novam scholam efficere , novamque rem ponere , vel omnem Chemicam prorsus denegare doctrinam , ibi sanè eandem , veritatem nempe delitescentem , & penè sepultam licèt , dabitur quantum fas est pleno gaudio mentis inspicere . ad sapientiæ lancem pendenda itaque cuncta , & exactissimè vestigata naturæ , quæ exemplar est artis , methodo ,
subje-

subjecto , ingenio , & robore in productionibus rerum , ubi profundissima , & diutina contemplatione mentis perscrutato principio ipsarum , quod in uno perstringi , & ex uno proficisci , ut asserui , necesse est , quisquis idola proprii tenaci errore non veneratur ingenii , veritatis unicè cupidus , deveniet certo tramite ad illud *Unum* nuper hìc indicatum , cui singula , & potiora conveniunt , quæ sparsim & passim variè à Sophis de eodem fuerint enunciata , perspicuève cognoscet , ipsum esse à Deo institutum in rerum omnium materialium exordium , & constitutivum ipsarum . sepositis igitur , quæ ad subjectum ipsum altius tuendum , celandumve vel remotè nimis , vel divisim perpauca clarè de eodem scripsere Sophi , ea , quæ in ipsorum libris frequentissimè occurrunt , ad detegendam veritatem ad amussim inspiciantur , discutianturque , ut quæsitam diù gemmam studiosus Tyro sibi gratuletur inventam , & inveniet profectò , ubi quod inquirìt *Unum* , intelliget naturæ esse metallicæ , peculiarive Saturni influxu progenitum , Sapientum scilicet , non vulgi haud omnibus obvium *Antimonium* .

Quod autem omnes & minoris subsellii , & præcipui etiam , quotquot sunt , primi ordinis Patres , legitimique omnis classis quotquot fuere doctrinæ Hermeticæ filii de *Uno* egerint , consenserintque in eodem , patet ex pretiosissimo *Smaragdo Hermetico* , in quo clarissimè legitur *superius esse ut inferius* , & è contra *ad perpetranda*
mira-

miracula rei Unius : Unius, non plurium; & paucissimis interjectis, additur *omnes res ab eadem una re natas* : nec ambigendum aliqua ibi Hermetem præterisse, cum idem claudat ænigma his verbis : *completum est quod dixi de operatione Solis*. quæ dilucidans ubi scripsit in eandem *Tabulam Smaragdinam Garlandus* sub *Hortulani* nomine (cap. 3. *prope finem*) extrema exponens *Hermetis* verba, *Completum est*, ait, *quod dictum de operatione lapidis trium colorum, & naturarum existentium in unica re*, scilicet in solo *Mercurio philosophico*. *Completum* : igitur dixit omnia.

His adstipulatur *Turba Philosophorum*, antiquitate, & doctrinâ gravissimæ auctoritatis liber, unde ibi *Scites* : *Unum quid est*, quod est omnibus rebus fortius, & sublimius, apud incipientes verò omnium rerum est vilius. & *Mundus* ibid. (Serm. 18.) nihil aliud est, quàm aqua permanens, ex qua lapis noster pretiosissimus generatur. & *Mosius* ex eadem *Turba* (Serm. 44.) hoc *Unum*, quod sæpè nominatum est, *Philosophi* multis nominibus nominaverunt. *Eximemusque* pariter in eadem, sic : omnibus metallorum nominibus *Philosophi* aquam nostram, & opus nostrum nominaverunt; utcumque autem vocent, semper ipsam aquam significant.

His concurrunt adeo reliqui, ut videantur omnes uno idem, eodemque scripsisse calamo, uno, eodemque ore locuti. in hujus robur asserti feram quosdam in testes.

Totum magisterium nostrum fit cum aqua nostra, & ex ea (Rosinus ad Sarabant.).

Dico

Dico tibi quòd hæc res est una, vas solum, coctio sola (idem ad eundem lib. 2.)

Mercurius est sperma omnium metallorum, & sic primordialis ipsorum materia est una. (Semita Semitæ in princ. libri.)

His consonat liber inscriptus Clangor Buccinæ, ubi in hæc verba : Mercurius est radix in Albemia, quoniam ex eo, per eum, & in eo sunt omnia metalla; est autem istud argentum vivum una res; & de una re exit;

Cohæret Geber scribens : est lapis unus, medicina una; in qua totum magisterium consistit.

Michael Sendivogius arridet, unam rem exigens sub his verbis : Simplicitas veritatis sigillum. sit res simplex prout natura; quæ pariter simplex est. manente in via simplici naturæ.

Idem asseruit Morienus Romanus, ubi ait : hujus rei prima, & principalis substantia, & materia est una, & de ea unum; & cum ea fit; nec aliquid sibi additur, nec minuitur, & interjectis paucis: sic meum magisterium ex una fit substantia, & materia.

Ipsum sequitur lucerna salis Philosophorum : res non est nisi una, ex qua ars nostra veram se esse proficitur, & in ea tota consistit.

Et Richardus Anglicus (in correct. cap. 11.) lapis est unus, una medicina; & licet dicatur Rebis, scilicet binæ res, hæc tamen duæ res sunt una res, ex qua medicina perficitur.

His additur Raymandus Lullius summi ingenii vir, qui sic : non debet esse (in tract. cui titulus : Potestas divitiarum) terra extranea, sed, ut dicit

Geber

Geber lib. 1. cap. 2. Lapis unus, ideſt argentum vivum, medicina una, cui nihil extraneum additur, niſi quod in præparatione removen- tur ſuperflua.

Idem ſancit Bernardus Trevir. dicens; quod argentum vivum ſit metallorum omnium materia.

Arnaldus Villanovanus adjicitur dicens: in rerum multitudine ars noſtra non perficitur, una enim eſt, eſt enim (Roſar. Arnaldi lib. 1. cap. 6.) lapis unus, una medicina; cui nihil extranei additur; nec minuitur, niſi quod ſuperflua removen- tur. nihil addatis ei (idem ibidem) quia diverſæ naturæ lapidem noſtrum non emendant; nec intrat in eo, quod non ſit ortum ab eo; unde Democritus natura naturam emendat, vincit, perficit, natura naturâ lætatur. & in flore ſorum: materia omnium metallorum eſt Mercurius; is autem Sopororum, non vulgi.

Sendivogius: natura eſt una, & ſimplex, lapis unus; & quod addimus illi, oritur ex illo.

Cum his graditur Laurentius Ventura, ubi in hæc verba: prima materia metallorum eſt vapor humidus unctuoſus, naturam Sulphuris, & (de lapide cap. 1.) argenti vivi in ſe continens, ex quo conficitur medicina. idemque (in eodem tract. de ratione conficiendi lapidis cap. 6. & ſeqq.) fuſe aſſerit, & pluribus fulcit auctoritatibus.

Hoc ſequitur Petrus Bonus Lombardus his verbis: ars cuius (in præf.) imitetur naturam; utitur materiâ eadem, ac natura. cum igitur apud naturam materia ſit una, & non multiplex, ergo etiam apud artem Alchemiæ.

Iſtis comes jungitur Chriſtophorus Pariſienſis con-
cors

cors ita : una sola reperitur (lib. 2. cap. 1.) substantia pretiosa inter omnia mineralium , & vegetabilium individua , quæ habeat virtutem reducendi metalla in primam materiam . & paulò infra : huic argento vivo diversa nomina , licet una tantum sit res , imposita fuerunt .

His assentitur Author instructionis de arbore solari : pro certo (cap. 2.) habere debes omnem occulti magisterii Sapientum laborem , & industriam in nulla re alia consistere , quàm in illorum terra virginea fertili succulenta . & ibid. cap. 4. Sopbi imitentur naturam , quæ nil peregrinum in opere suo admittit .

Concurrit in idem Joannes Grassæus , alias Chortalsæus multos citans Authores pro unitate subjecti . ejus hæc verba sunt : opus album æquè ac rubeum ex una re perficitur ; est enim (in Arca arcani) tantum unus lapis , & una operatio . & infra : Si quid peregrinum ei additur , tunc in fine operis illud , quod intendebas , non fit .

Ortbelius unum paritèr expetit : hunc lapidem absconditum , banc unam rem purifica . (in Epil. in Sendiv.)

Iterum Arnaldus pro eadem unitate subjecti : Totum magisterium (in Speculo Alchemiæ) in una sola re consistit .

Et in tract. de Philosophico Adrop. Hæ res non sunt nisi res una , & eadem , cui plura nomina &c. .

Idem ingerit Joannes de Rupefissa : materia lapidis (in lib. lucis , cap. 2.) est una , & eadem res vilis pretii .

Quod

Quod pariter insinuat *Lambspringk* : nil plus est quàm Unum , in quo omnia latent .

Quibus consonat *cymbalum aureum* , ubi sic : artis nostræ una tantum extat res . & *Aurora* consurgens *Cap. 7.* est Unum , in quo sunt tria , aqua , aer , & ignis .

Idem exigunt *Rosarius minor* , *David Lagneus* in præf. ad *Harm. Chemicam* , *Tractatus incerti de minera philosophica* , tract. alter de inventione veritatis . præscribunt pariter idem *Tribemius* , *Dionysius Zacharius* , *Nicolaus Flammellus* , *Mercurinus* , *Augurellus* , *Michael Sendivogius* , *Michael Mayerus* , liber inscriptus *Lilium de spinis evulsum* ; & ut me colligam , idem sentiunt Authores omnes , qui egere de *Lapide* , unde *Albertus Magnus* , ubi scripsit de *Concordantia Philosophorum* cum toto capite primo steterit pro unitate subjecti addidit capite tertio : *Omnes Philosophi clamant : res una , vas unum , præparatio una . Omnes : est in Mercurio quidquid quærunt Sapientes .*

Omnes , qui Philosophi sunt unam tantummodo sumunt , & præscribunt rem : ubi de lapide clamant ita : numquid omnes mendaces ? immo Veritatis dixerim Assertores . qui clamant aliter suntne tales ? miror sanè quodd cum id adeo plenè innotuerit , cum assertis omnium sancitum sit , tot attamen , non philosophantium , sed delirantium myriades tam stultè , quàm stolidè ignoto ipsis impunè dent manus operi , & confertissimæ inhærentes pluralitati rerum , quasi theriacam coagmentaturi , in tantis ipsarum cumulis sperent

unum distinguere, unumve attingere, quod inquirunt. horum profectò culpâ ars ubique carpitur, & irridetur, prorsus tamen iniquè, ut supra jam demonstravi.

Ut autem innotescat quodnam sit *Unum* illud, quod assumendum, inspiciendum hîc est ex qua sit ipsum origine.

Metallicum, si danda Philosophis fides est (sin autem repellendi hi qui scripsere rationibus, & experienciâ ducti, quinam audiendi?) ipsum liquet redolere *principium*.

Id innuit *Aurora confurgens*, ubi sic: *si quæris (cap. 3.) medicinam metalla curantem, de metallis erit ejus origo, cum species à suo genere tingatur.*

Idem asserit *Joannes Grassæus*, qui & *Cbortolassæus*, qui in hæc verba: *præcipua res (in Arca arcani, ubi de arcano in genere) est benè consideranda, subjectum scilicet, seu materia Philosophis Cbaos impurum dicta, quam natura ad formam quidem metallicam adduxit, sed imperfectam reliquit. id autem singillatim asseruere etiam alii.*

Annuît his *Nicolaus Flammellus*, ubi ait: *unicum in hoc Mundo metallum, in quo Mercurius noster abundè reperitur.*

Iisdem paritèr assentitur *Anonymus Gallus Auctor Arcani Hermeticæ Philosophiæ operis*, cujus est anagramma — *Penes nos unda Tagi*, ubi in hæc verba: *quicumque (can. 16. & 18.) extra metallorum naturam imperfecta metalla perficiendi, & multiplicandi artem quærit, in via erroris est, à metallis enim metalla, &c.*

Con-

Conſonum his auditur *Cymbalum aureum*, cujus Author aureus & ipſe ; idemque penitus *Senvogius* ſenſit cap. 1. & tract. 9. & 11. ubi hæc : *Si metallicam naturam vis exaltare ; recipe metalli- cam naturam.* idque repetit pluries .

Idem hoc roborant *Pbilaleta* (in introitu aper- to ad occluſum Regis Palatium cap. 9.) *Lullius* (in Codicillo) *Clangor Buccinæ* , *Geber* ; qui ſubjectum *Sopborum viſcoſam* dixit metallorum humiditatem . glomerantur his *Avicenna* , *Lucerna Salis Philoſo- phorum* , *Baſilius Valentinus* ; qui ait quærendum la- pidem *Philophorum in ſubſtantia metallica* . idem aſtruunt *Democritus* , *Nicolaus Flammellus* , *Rofar. Philophorum* , *Georgius Ripſæus* ; & plures alii à *Joanne Graſſæo* in *Arca arcani* indicati .

Ad dignoſcendum lapidis Philoſophorum ſub- jectum num ſatis hæc ? minimè ; adhuc enim latet ſub pluribus indiſcretum metallorum nomi- nibus ; ut quantum licet eruatur ab umbris , cui ex metallis vel metallicis rebus magis proximet , veſtigandum , in ea namque , cui cuncta con- gruent , ſiſtendum erit .

Plumbum plures efferunt , quin ferè omnes , eo quod ſæpiſſimè ſub Saturni nomine in ipſorum libris exprimitur ; cum præcipuis iſtius planetæ influxibus plumbum habeatur aſſertum .

Hinc *Socrates in Turba* : *abſque Plumbò nulla fit tinctura* , eo quod in eo conſiſtat virtus operis . & ex eadem *Turba Boratès* : *ſumite plumbum* , &c.

Retulit idem *Democritus* ibi : *plumbum noſtrum coque quouſque rubeum fiat* .

Et *Autbor Arcæ Arcani*, ubi *de Philosophorum consensu*, quadraginta septem congeffit Philosophorum sententias, quæ in idem coincidunt, & concurrunt *plumbum Saturni prolem*.

Extant insuper de eodem tractatus integri *Mercurini*, *Augurelli*, *Mayeri*, *Anonymi de Philosophorum Adrop*, nempe (ex *Alberto*, ubi *de lapide cap. 6.*) pariter *plumbo*, aliorumque conspirantium in idem.

At nimis adhuc id latè dictum, cum *debeat ulterius dignosci*, ut ait Author *Lucernæ Salis Philosophorum* (cap. 2. prope finem) *multiplex proles Saturnia*, scilicet *Stibium triumphans*, *bismutum ad candelam liquefscens*, *cobletum magis quam plumbum* & *ferrum nigricans*, *plumbum probator existens*, *plumbites pictoribus inserviens*, *zincbinum colorans*, *seque diversè instar Mercurii mirandum ostendens*, *metallago ab aura & calcinabilis*, & *vitriolescens*, ut ex iisdem Saturni filiis possit præstantior distinguui, & seligi.

Inspectis singulis, facile occurret oculis mentis primogenitus dignior, omnium divitiarum cumulis auclius, si in Priscorum, & Neotericorum etiam libros *de Lapide* totis viribus intendatur ingenium, patebit etenim, quàm præ cæteris *stibium* eminentiùs se attollat, & probè consideratum cunctis reliquis clarius emicet à Philosophis naturæ imitatoribus ad summum opus sapienter assumptum.

Quanti id fecerint omnes ex præcipuis liquet Professoribus Medices, qui ipsum *præticæ Physi-*
ces

ces Herculem nuncuparunt, nempe clariffima Medicinæ lumina *Paracelfus* ; *Van-belmontius* , *Crollius* , *Baſilius Valentinus* , *Beguinus* , *Etmullerus* , *Schroderus* , *Joannes Gbartier* , aliiſque quamplurimi , ut in penè innumeris , qui doctiſſimos ipſos teſtantur , libris , præcipuas in eodem vires contra quoscumque morbos ſœliciſſimè experti . ex miris etiam , in quas ipſum aſſumitur , tranſmutationibus rerum præſtantia eiufdem detegitur ; & ex charactere pariter ipſo omnium digniſſimo ad idem ſignificandum inſtituto à ſapientiſſimis Viris univerſi totius imaginem exprimente deducitur ; ad hoc eidem aptato ut perſpicuum fieret omnia , quæ immenſo in hoc Orbe tamquam in propria Sede diſpoſita ab infinita Divini Opificis ſapientia , ab eâdem hac indita , & complicata in ſtibiſio uno concludi , & in eodem tamquam in microcoſmo , quidquid in maximo hoc , virtualitèr nitere , circumagi , diſponi , & effici .

De hoc autem , eo quodd eſſet ſanè magis , quàm cætera cuſtodiendum , licèt ſat quidem parcè ſcripſerint Doctores Chemicæ , immo ægrè tulerint revelantes , unde contra *Baſilium Valentinum* , qui prior , & benignior cunctis ejus detexit robur , & dignitatem , & celebravit palmas in *Curru* , & contra *Pbilaetam* , ut in *Epbem. Germ. (in append. anni noni , & decimi)* exarſerunt invidi , ut ipſorum enervarent auctoritatem , nonnulla tamen in eorum etiam libris perſpicua planè leguntur , ex quibus , ut poſitum fulciam aſſertum , hîc pauca congeram .

Democritus à Nicolao Flammello relatus, ubi egit de plumbo, addidit: plumbum non simpliciter intendas, ne aberres, sed quod est ex scissili. tale est vero Antimonium. subditque Laurentius Ventura (in tract. de ratione conficiendi lapidis cap. 11.) subiectum Philosoporum dici plumbum, quia in manifesto est argentum, in occulto aurum, & quia calcinatum fit rubrum, quæ cuncta competunt sanè sibi.

Lucerna salis Philosoporum præallatis clarior (cap. 2.) sic: una enim mercurialis natura alteram non vult dimittere; tunc tandem ejusmodi rubrum, vel album aurum, vel potius antimonium fixum, maturum, & perfectum, &c.

Cumque ex omnium assertis requiratur ad lapidem spiritus mundi metallicus, hunc ex plurimorum sententia in Antimonio occludi jam plene innotuit; unde ingeniosissimus Christianus Adulphus Balduinus, ubi (in auro aure cap. 3.) de subiecto Hermetico egit, in Antimonio dictum spiritum latere affirmavit, & Joannes Rodolphus Glauberus, ubi de igne secreto Philosoporum, antimonium esse mundi spiritum dixit, ex quo Pontani, Artephique occultus ignis confici possit.

Huic equidem uni acceptam retulit Nicolaus Flammellus opulentissimam gazam, perennesque opum fontes, dum ex aurificio ditissimus, aliquot extructis Ecclesiis, annuisque redditibus cumulatis, in suo sepulcro, quod, ex relatu Roberti Vallengis, in Cœmeterio SS. Innocentium Parisiis extat, characterem Chemicum antimonii, nempe δ , & dracones geminos, aiatum unum,

unum , abſque aliſ alterum voluit expreſſos , dictum ſubjectum pro diverſo operis gradu & volatile , & fixum exhibens .

Et *Joannes Graſſeus* , ſeu *Chortalaffeus* , de quo ſupra , in Chemicis clari meriti vir , cum demonſtraſſet ex diverſorum ſententiis quamplurimis in *Saturno* , ſive in *plumbo* , quod idem , Philoſophos conveniſſe , ubi in fine tractatus *arcæ arcani* in figura cabaliſtica metallorum erexit arborem , hanc ex *Saturni* , cujus characterem ſuperpoſuit chemicum , influxu enatam , ex *Antimonio* , tanquam ex radice ſua emerſiſſe maniſeſtiſſimè oſtendit in ejus characterẽ , quem tamquam metallorum omnium poſuit initium in inferiori dictæ figuræ Cabaliſticæ parte . & de eodem *Antimonio* , tanquam ſublunari metallorum principio tam participare , ut ait alter , *divites , quàm pauperes* patuit , tam pura videlicet , quàm impura metalla , ab eodem progenita ; exorta , & in discrimine ignis abſumpta , unde fabulæ locus , quod Saturnus devoret filios ſuos , dictus ideo *omnia in omnibus* , & *lupus grifeus à Baſilio Valentino* (in practica de lap. Sapientum , & in tract. 12. clavium) parcens tantummodo , ut ait *Sendivogius* (tract. 9.) *humido radicali Solis , & Lune* .

Quid itaque mirum , quòd cum ipſum de metallis , de paupertate , de morbis ubertiſſimas retuliſſe palmas viderit *Valentinus* , victricem pompam , triumphalemque eidem currum inſtruxerit , attonito dum primus orbi , non ſine liventi

invidorum pœnâ, ut in *Epistola quadam buccinatoria*, disiectis ipsum velamentorum umbris ostenderet ?

In *antimonio*, tantus Vir ait (in *curru triumph. antim. mibi* pag. 40.) semper eo plus invenitur, quo diligentius inquiritur, modo viâ rectâ, & debito ordine procedatur; nec unius hominis vita sufficit, ut omnia perdiscat ejus mysteria. est medicina præstantissima sive extrinsecus, sive intrinsecus adbibecatur, quod quamplurimos latet ob cæcitatem eorum, idque incredibile, stultum, & vanum judicant, quod illis propter imperitiâ est ignoscendum, & danda ea venia, quam solius stupiditatis nomini merentur, &c. & paulo post: nullus hætenus ante me fuit, bodieque nullus invenitur, qui potentiam, virtutes, vires, operationem, & efficaciam tandem ita perdidicit, & omnem ejus energiam ita profundè penetravit, ut nihil amplius in eo lateat inveniendum, quod experientia non possit in lucem proferre, &c. & in *appendice libri duodecim clavium*, post delineatum in *septima*, & post *duodecimam clavim* characterem chemicum *Antimonii*, & circumactum hujus spiritum demonstratum in *nona*, ut per *pleiades pluviosas* maximum in minimum, & minimum in maximum coincidat, addit prope finem, se de *nigro Saturno* locutum, tale autem *sibium* est, & vitrum, quod assumendum ad opus, circumferentiæ terræ assimilari, quæ iteratâ *Antimonii* icon est. dicitur verò à nonnullis vitrum, eo quod ut hoc, eliciatur substantia ejus (præallatus *Anonymus Gallus Can. 48.*) ex *humido radicali* pertina-

*tinaciter cineribus inhaerente per ignem Sopicum ,
eam separando à cineribus ipsis , eisdemque ipsam
iterum restituendo .*

Quæ firmiori vallat asserto *Michael Mayerus* ,
qui , nullum est dubium , ait , ubi de *Antimonio*
(*Symbol. libr. 8.*) quin *Pbilosophorum* hac in parte
mens sit unanims , & verissima , dummodo rectè per-
cipiatur . & cum de pluribus ibidem fodinis di-
ligentissimè egisset , addidit *Antimonium* esse *Pbilo-
sophorum* eligendum , quod in virtutibus est omni
alio efficacius undecumque petatur . & paulò
infra , innuens plurimos ipsum incongruè usur-
passe , subdidit : *Antimonium* est quod multas fati-
gavit opes , dum in vero inquirendo , & eligendo ab-
errarunt , & illegitimum pro legitimo coronâ regiâ
dignati sunt , at gratiâ plumis leviores . verum *Pbilo-
sophorum* *Antimonium* in *Mari* profundo demersum
delitescit : non est ergo rejiciendum ab arte , sed eli-
genda est clara substantia ejus , quæ vel tota volet ,
vel tota in fundo remaneat pro operis diversitate .

Hic equidem unicè (neque enim alibi , aut
aliis in rebus dabitur inveniendus)

_____ *latet arbore opacâ*
Aureus & foliis , & lento vimine ramus ,
Junoni infernæ dictus Sacer : hunc regit omnis
Lucus , & obscuris claudunt convallibus umbræ ,
Sed non ante datur telluris operta subire ,
Auricomos quàm quis decerpserit arbore fœtus .
Hoc sibi pulchra suum ferri Proserpina munus
Instituit : primo avulso non deficit alter
Aureus , & simili frondescit virga metallo .

Ergo

Ergo altè vestiga oculis , & ritè repertum
 Carpe manu , namque ipse volens , facilisque sequetur ,
 Si te fata vocant : aliter non viribus ullis
 Vincere , nec duro poteris convellere ferro .

(*Æneid. lib. 6.*)

Clariora prætereo , coacervanda enim non sunt
 quæ sejuncta , & diffusa excusationem merentur ,
 cum sic arcano ipsi custodiendo non possint faci-
 le obesse , quod citra ipsius injuriam concessum
 est , hinc obiter addam uni competere sibi , quæ
 de *subjecto lapidis Philosophorum* sparsim scripsere
 Authores , ut horum auctoritate à me jactum
 magis fundamentum firmetur , & solidetur as-
 sertum .

Sæpiissimè de eodem subjecto legitur , quod sit
res una (neque enim invenitur huic similis alte-
 ra) , *simplex* , nulli siquidem admixta , vel ad-
 miscenda rei peregrinæ , *catholica* , quia rerum
 omnium à Deo instituta principium , *vegetabilis* ,
 multiplicabilis enim , & se communicans cæteris ;
mineralis , quia metallica participans de metallis ,
 inter quæ crescit fusilis ; *animalis* , quia per sui ,
 ut ajunt , subductionem , & restitutionem spiri-
 tus videtur emori , & reviviscere , quæ singula ,
 quàm sibi convenient Philosophorum , his , &
 horum affectis compertum est , dicitur *sale* , *mer-
 curio* , & *sulphure* imbuta , & competunt pariter
 singula eidem , solutum namque , convertibile
 in quodlibet , Mercurium refert , non autem vul-
 gi ; in coagulo Sulphur detegit ; & quia constans
 ex aqua , & igne , sal dicitur ; unde sibi indita
 habet

habet omnia, quibus ad summum opus indigent. Sophi. appellatur *Saturnia* res eadem, quia præ-indicatum subiectum extra nebulosum, summè clarum, purumve in intimo, suo perquam simile est astro: *filia* res eadem nuncupatur *Solis*, & *Lunæ*, habens *altricem terram*; *bermetica* autem *Luna*, quia hæc præses aquarum in ipsa re soluta, nempe in aquam versa consideratur, in eadem verò coagulata Sol; & quia soluta in coagulata, quæ ejus terra dicitur, redit perstringenda, & perstricta in se quiescit; ab eadem dicitur enutrir: *res asseritur vilis*, exigui nam pretii; *ponderosa*, quia talis, præcipuè completo opere; obferata, referanda enim est ut solvatur, *aperiendo*, ut ait *Sendivogius*, *poros ejus vix cognita*, nam paucissimis tantùm nota: *aqua non madescentis*, quia proprio suo Sulphure constipata; *lapis*, quia feritur; *non lapis*, quia funditur; *Æribites*, quia lapis in visceribus lapidis; *draco alatus*, res etenim venenosa, & fugax dum soluta; absque alis dum fixa, coagulata, & in terram versa: dicta ex voracitate *lupus*; *aquila*; *vultur*; ex robore *leo*; *pantaura* ex multiplicitate virtutum, cum gemma hæc cæterarum omnium, *Marsilio Ficino* attestante, virtutes colligat; *pyrites* ex intensa rubedine in fine operis, & qualitate ignea; *magnes* ex attractione sui, scilicet propriæ aquæ; *Cygnus*, & *Columba*, dum alba; *Serpens devorans caudam suam* vi ignis Sophici circumvoluta; *acetum acetrimum* ex summa acedine, & vi aquæ ejus; *cinis*, *leo viridis*, *crocus*,
san.

sanguis, *Cauda pavonis*, & *iris* ex coloribus in cursu operis, in quo etiam versicolor fit; *Sal communis*, non quia ad usum mensæ communem, ut rudes aliqui scripsere, sed quia in omnibus; *vitriolum*, non quod propriè est apud Latinos *chalcantum* dicta à Philosophis res eadem est, sed *vitriolum* dicta, quia frangitur. *lac* item dicitur *Virginis* ex fumo albo, qui ante rubedinem ascendens, vitrum lactis instar dealbat. *Fimus* denominatur ex sale, calore, & humido, quo referta; *aqua vitæ*, quia quodammodo vivificat, res roborando, quas reparat. *Adrop* asseritur, *plumbum* scilicet, vel *Saturnus* ex peculiari sideris hujus influxu. ex pretiositate dicitur *aurum*. *Corpus*, quia tangitur. *Cœlestis* cognominatur. *Spiritus* ex sublimitate originis, & tenuitate summa, qua omne solidum (ex *Smaragdo Hermetico*) penetrat. *Terra*, quia coli & feri potest ad omnia fertilis. *Cælum*, quia res eadem planetarum virtutibus exaltata. reperta vegetabilis, dicta est *arbor*, *berba*. Feminam, at innuptam referens, *mulier*, *regina*, *puella*, *virgo* denominatur. & quia eadem coagulata mox agit, *androgyna* dicta est, *frater*, *vir*, *rex*. *puella lactans* vocatur, quia cuncta in sublunaribus nutrit. *piscis*, quia suis innatans aquis. *Semen*, *origo*, nam radix omnium. *basiliscus*, *arsenicum*, *vipera*, *serpens*, *draco*, *bufo*, quia summo veneno infecta, etsi post præparationem absque mixtione ulla alterius rei, & post congruam, ingeniosamque coctionem, ut ait *Sendivogius*, alique, summa sit medicina. *Tberiaca*,
anti-

antidotus, quia medicamen egregiè validum. *roſa alba* inſcribitur, *crocea*, *rubea*, *sanguis*, *vitellus ovi*, *crocus*, *cinnabaris*, *minium* ex coloribus in curſu operis ſucceſſivè apparentibus. reviviſcat ex cineribus, & *phœnix* eſt. *Magneſia*, dum in geminas dirempta partes; hæ ſe invicem appetunt. *Salamandra* reputatur, vivens integra in igne. *tutia*, *marcbafiſa*, *Cbalybs*, à ſimili nigreſcat putris, & *pix*, *carbo*, *corvus*, *nox*, *eburnſtum*, *cadaver*, æſ dicitur. albeſcat, & *margarita* vocatur, *nix*, *grando*. *terra virgo adamica* nuncupatur, eo quòd (*Anon. Gall. can. 74.*) ipſi inſpiraverit quodammodo Deus ſpiraculum vitæ, omnes eidem indens virtutes elementorum. *bydromel*, quia ex aqua in fine operis vertenda in terram tenuiſſimam, dulciſſimam guſtui. *Microſcosmus* res eadem aſſeritur, quia quæcumque in mundo ſunt ſublunari, immo & in ſtellarum Orbe in ſe complicata virtualitèr habet; & doctiſſimè à *Baſilio Valentino omnia in omnibus* iterato ſæpe calamo inſcribitur, eo quòd hac una re convertibili in quodlibet conſtare cuncta aſſerantur. alia prætereo quamplurima, impoſſibile enim eſſet omnia colligere, & eidem uni aptare rei, cum revera (*ex Libavio mihi pag. 65.*) qui omnia ænigmata excutere voluerit, artem potius perdet, quàm acquireret; impoſſibile eſt enim omnium allegorias explicare certò, cum modo hoc, modo illuc, ne eſſent omnibus obvii, reſpexerint *Auctores*.

Allata autem cuncta ita uni congruunt ſtibio,
ut

ut minimè possint alteri aptari; & licet eruditissimus *Christianus Adulphus Balduinus* quinque ab hinc lustris, ingeniosissimè alioqui, quæ sibi philosophici sunt nitro, & nonnulli Mercurio vulgi, & animæ, ut ajunt, auri tribuerint; etsi fœliciter (ut paucis obiter perpendam singula) etsi fœliciter, inquam, quædam, non tamen omnia potuere eisdem tamquam propria largiri, ut *Andreas Gnoeffelius* (*Ephem. Germ. in append. ad annum quintum in responso ad positiones de spiritu mundi pag. mibi 303.*) egregiè advertit; non enim (ut nitrum primò propulsem) salis universalis ipsi est adaptabile nomen, cum excrementum salis terræ dicatur à *Paracelfo* (*lib. 2. Chir. mag. tract. 2. c. 6.*) nec potest arsenicum, vipera, vel draco dici, sanguis, minium, cinnabaris nominari, vel Saturni trabeâ convestiri sibi Sopororum frequentissimè afferta, vel auri, solis, lunæ, cœli, aut microcosmi titulo decorari. & multò minus eadem Mercurio congruunt vulgi, à quo & quæ à nitro, & nonnulla alia sunt remotissima, quin plures dicti Mercurii qualitates, quæ summè distant ab altero, qui proprius Sopororum est, ab Hermetico ipsum repellunt opere, Mercurius etenim vulgi (quantum differat alter ab altero pateat ex *Sensdivogio in tract. de Sulphure, ubi de tribus rerum omnium principiis*) non solvit aurum, nec argentum, ut ab illis non separetur: argentum verò vivum nostrum solvit aurum & argentum, & nunquam separatur ab illis sicut aqua mixta aquæ: Mercurius vulgi habet Sulphur combustibile malum, quo denigratur:

nostrum argentum vivum habet in se Sulphur incom-
 bustibile fixum, bonum, albissimum, & rubeum. Mer-
 curius vulgi est frigidus, & humidus: Mercurius no-
 ster est calidus, & humidus. Mercurius vulgi corpo-
 ra denigrat, & inficit: argentum vivum nostrum
 corpora dealbat usque ad crystallinam serenitatem.
 Mercurius vulgi vertitur per præcipitationem in pul-
 verem citrinum, sulphur malum: argentum vivum
 nostrum mediante calore vertitur in Sulphur candidis-
 simum, bonum, fixum, & fluxibile. Mercurius vul-
 gi quo magis decoquitur, eo magis est fluxibilis: ar-
 gentum vivum nostrum quo magis decoquitur, eo ma-
 gis inspissatur.

Nec suppetet unde animæ, ut ajunt, auri
 præallata possint nomina coaptari, cum sat equi-
 dem evidens sit, quàm sint dissona ex ipsis plu-
 rima, cum signantèr Sol, & Luna Sopororum (Sen-
 div. in Epil.) obducta sit spærâ Saturni; unde opus
 est, non auri vulgaris animam, sed rem quære-
 re aliquam, quæ (idem Sendiv. in præfat. in Enig-
 ma philos.) occulta est, ex qua fit miro modo talis
 humiditas, quæ aurum sine violentia, seu strepitu
 solvit; immo ita suaviter, & naturaliter sicuti gla-
 cies aquæ calidæ beneficio liquefcit. Si hanc inveni-
 sis, habetis rem (exquirentes auri animam per-
 pendant hæc) ex qua aurum à natura productum
 est, immo omnia metalla, & res omnes ex illa or-
 tum habent. hinc pateat asserentes Opus Herme-
 ticum vulgi auro confici, vel fallere velle, vel
 falli. Nec tutia, Chalybs, marchasita, plumbum,
 buso, lupus, vipera, vultur, acetum acerrimum,
 vitrio.

vitriolum, *arsenicum de auro vulgi* invenientur unquam enunciata . quòd si præfata auri anima , ut exigentes ipsi fatentur , potest obtineri tantummodo per dissolutionem ipsius auri in primam materiam , cur destruendum illud , cum sine eodem detur hæc auro , quod nonnisi per primam materiam (ex quo patet dari extra etiam illud) in primam potest materiam hermeticè solvi ? frustra exquiritur itaque tinctura , quam dicunt animam , auri , nunquam separabilis ab eodem , quod cum perfectius cæteris sit ex inseparabili unione tingentis Sulphuris , & Mercurii , diremptionem sui nulli permittit arti ; quæ si aliquid vel per ignis , vel aquarum acrium violentiam auro diriperet , hoc nullius pretii remaneret , quia invalidum factum , immo destructum , & extractio substantiæ ejus prorsus inutilis nil imperfectis esset impertitura metallis , vel enim esset supra , vel infra naturæ vires , & pondus , quod nulli humano ingenio , sed Deo , & soli est notum naturæ . Frustra igitur præsumet ars auro perfectionem talem addere , ut possit impura emendare metalla , & in pretiosa & pura eadem vertere , cum non queat aurum ultra perfici , vel exaltari eo quòd summum jam suæ puritatis & perfectionis gradum naturæ ope conscenderit . quis ex pane fermentum quæret ex prima ejus massa conficiendum ? nemo ultra progredi posse confidat , qui illud Unum non invenerit , per quod (ex *Sendivogio* , aliisque repeto) aurum à natura factum est ; quod planè voluit

Augu-

Augurellus innuere , ubi ſcripſit (*Chryſop. lib. 1.*)
quòd

in auro

Semina ſint auri ,

de auro Sophorum citra omne dubium , prout alii omnes , intelligendus , ut patebit , ſi benè , & maturè perpendatur integer tractatus ejus , in quo exigit & ipſe rem ſimplicem , catholicam , pluries iteratâ ablutione (*Anon. Gallus Can. 50. , Rogerius Baco , Arnaldus*) purgandam , ut ab ætherogeneis ſejuncta , & à ſuis ſit compedibus libera ; quæ glebarum inſtar cultarum , cujuſcumque induat ingenium rei , pro lubitu ſpecificabilis , quæ ceu ſemen (*Anonym. Gall. can. 41.*) in quantitate minima immiſceatur ſapienter ipſi , adaptatione , ut in ſuo *Smaragdo* ait *Hermes* . & de auro Sophorum , non vulgi aſſeruiſſe quæ ſupra demonſtravit apertè idem *Augurellus* , ubi (*ſub initium lib. 2. Chryſop.*) de ſeligendo ſubjecto ait .

In primis niveo ſparſus candore lapillus

Quæritur , aut longo contritus tempore pulvis

E niveo in liquidum verſus candore ruborem , &c.

E quibus , aliisve , quæ ſubdidit , conſtat eum , qui videbatur pro adverſariis ſtare , ipſos fundere .

Tam clara eſt igitur medicinæ veræ præſtantia ab Hermeticis deſumenda doctrinis , in metallico regno , metallicâque naturâ ſub Saturni influxu , & ſignanter in ſtudio (ſi fides Philoſophis danda eſt ; danda autem utique ubi nonniſi temerè denegaretur) totis ingenii viribus ad ma-

E jorem —

jorem Dei , & Deiparæ Virginis gloriam vesti-
ganda , & ab addiētis Deo Viris præcipuo exer-
cenda charitatis officio .

O summum Cœli terrestris astrum vel invo-
lutum nebulis nitidissimum , sublunaribus cunctis
foelicissimè affulgens ! o invisibilis ignis vitale lu-
men cuncta irradians ! o totius fortitudinis ro-
bur omnia vincens ! tu cuncta constituens , per-
means , & servans corpora & pascis , & vege-
tas ; validissimis siquidem nexibus alligatas ,
adamantinisque munitas præsidiis , lorycataque ,
virtutes omnes concretas quodammodo in terris
in forma , & re penè sensibili claudis inditas ,
quas in forma Cœlesti parens suprema Cœli lam-
pas , immo Stellæ omnes , & quæcumque Cœlis
insunt lumina influunt in terras ipsas , donis
tuis refertas , tuisque thesauris , & viribus insi-
gnitas , & ad quodlibet concipiendum , effor-
mandum , perficiendumve donantē Deo uberri-
mè saturatas , & tutissimè instructas .

Agyrtarum interim gannientium auditores , &
afsectæ pluralitati rerum contra omnium Philo-
sophorum sensum intenti , nunc in capillis , ovis ,
sanguine , nunc in cinnabari , fuligine , plumbo ,
antimonio , auro , argento , fimo , Mercurio ni-
troque suo , milleque aliis in rebus optatum lapi-
dem quærant , eludendam spem commentis suis
inanitèr depascentes ,

Atque immensa cavi spirent mendacia folles ;
femotus ab ipsis concessa mihi luce à Patre lumi-
num naturæ præeuntis relecturtis vestigia , legiti-
mis

mis Hermeticæ Philosophiæ doctrinis, non decepturis schedulis hærens, noxium, fallax, invidum, detestabile, ignorantiae involutum tenebris, in brutalibus tantum versatum, eruditum, si dici liceat, in fraudibus, superbiens unice vitiis suis, tam stultè cervicosum, quàm mentis inops, & cæcum, quàm inaniter elevatum, tam aspernandum illegitimorum Sapientum

Odi profanum vulgus, & arceo. (Hor. l. 3. Ode 1.)

Quisquis in posterum de eodem arcano Hermetico tractatus alios daturus est, feliciori ingenio, non faciliori, clariori, nempe, & liberiori calamo utatur, ne iniquis ipsum legum violatoribus detegens, à justissima Dei omnipotentis ira puniatur tamquam inde emersuri omnis criminis reus. Quod ut caverem, de nonnullis, & essentialibus quidem, censui silendum, utputa de re specialiter seligenda, de vero videlicet Stibio Sophorum, quod nunquam passum sit ignis violentiam, & de præparatione Sophica ejusdem; de aqua alba, de liquore manum non madefaciente, de occidendo, & vivificando enecato Mercurio, de diremptione, & conjunctione partium, de Sophici ignis regimine, de sæpè iterandis destillationibus ad mentem Rogerii Baconis, Arnaldi, Lullii, aliorumque, de Furno, vase, vitro, sigillo, Hermeticis utique, de specificatione medicinæ universalis, projectione, usu, & multiplicatione, ante specificationem,

ejusdem (etsi & hæc haud prorsus præterierim in annexa poesi , immo plura expresserim in eadem , tantummodo tamen perspicua Hermeticæ doctrinæ filiis , ut ipsos inter admittar) quæ singula iectu potius mentis cognoscere , quàm longa meditatione animi vestigare quis poterit , eo quodd eadem Philosophi , & ænigmaticè quidem vix tantum libaverint in libris suis , & indissolubilibus tricis , Deo sic exigente , sapienter involverint , cum tantum Arcanum debuerit patere piis , doctisque paucis Viris ob animi integritatem ab infinita Dei Sapientia , & Misericordia tanto bono dignandis , immeritis omni studio constantissimè denegandum , ne abutantur eodem .

SEPULCRI HERMETIS

RESERATI

LIBER PRIMUS.

Hermetis Tumulus : cupidi procul ite profani :
 Respuit innocuus noxia corda cinis.
Exuviis positis prorsus ne abiisse putetur
Spiritus , at sueta in dona quod adstet adhuc ,
Mira Monas Monadem mirè ut generarit , utrisque
Ut mirè ingenti fulserit Ignis Amor ,
Virginis & Partus cum mens prospexerit omen ,
Victurumque hominum per nova sæcla genus ,
Dante ipsâ effigies borum , simul Orbis & icon
(Esset ubi quoddam conticuisse scelus)
Ut famæ , laudique suæ mansura superstes
Excusso hæc melior funere surgat bumus ,
Nota vel ex radio & sacri sint robora Solis ,
Quod summum terris hic reseratur Opus .
 Grandia quæ cerno ? quo celsæ carmine molis
 Desuper inscripti promicuiere aditus ?
 Dignam rege domum , quin plenum numine templum
 Aptius insculptus præmonuisset apex.
 Hermetis tumulus ? num lascivire struentes
 Quivere hunc lacrymæ , luxuriare dolor ?
 Fulgentes umbræ , tenebris mens unde soluta
 Aspicit insuetos irradiata latēs ,
 Quæve coloratis facunda silentia noctis
 Somnia , perspicuo lucidiora die ,
 Per vos , quæ rerum series sese obtulit ? auro
 Distinctæ , & gemmis quæ patuere notæ ?
 Lugubris ut structura micet , quæ pompa beatos
 Efficit hic luctus ? funus ut omne nitet !
 Verane pandistis ? simulata luce renidens
 An fallax oculos ludit imago meos ?

Vera equidem molis fulgor teſtatur, & ordo :
 Non potis eſt torpens fingere tanta ſopor .
 Ecquis in ignotas me vexit Spiritus oras ?
 Quæve ſub auguſtam me tulit aula domum ?
 Muſa Poli, terræque jubar, cui verus Apollo
 Inſidet in gremio, nec temerata foves,
 Incolumi ſed flore tuum fers integra fructum,
 Fœcundante ſinum Numine Virgo Parens,
 Cui lauro haud Helicon crinem, ſed ſidera cingunt,
 Et Lunam pedibus Sole coruſca premis,
 Talia cernenti (e ſuperis namque iſta revelas,
 Nec potis eſt animus neſcere tanta rudis)
 Da ingenio pennas, rutilumve ſubire theatrum,
 Et memori emeritis promerè cuncta ſono .
 Delubri in ſpeciem clari ut nitet inclyta moles
 Deſuper auratis concamerata tholis !
 Hanc circum ſolido ſurgunt adamante columnæ,
 Atque baſes pariter fulcæ adamante nitent .
 Aſt intermixtis rutilant Epiſtyliæ palmis,
 Penſilis omne tenet fulva corona latus .
 Non ſic Sipariis reſerat ſe ſcæna reductis,
 Fertque voluta ſuis grandia quæque rotis,
 Qualia fortè mihi nunc improviſa coruſcant
 Limina, mox ſtudiis conſpicienda meis .
 Peltato exterior paries munimine terret,
 Allicit interior territa corda ſinus .
 Arcubus innixa ut flexu ſinuoſa recurvo
 Sunt ſpatia inſertis effigiata Choriſ !
 Muſivo oblectat redimitus ſtemmate fornix,
 Et ſegmentato marmore ſtrata micant .
 Cernitur aſſiduus muros ambire character,
 Myſtica & implexis ſtant anaglypta notis .
 Inclyta quis jaſtet jam Ephēſinæ templa Dianæ ?
 Quis Capitolini gemmea teſta Jovis ?
 Materiem ſuperante manu qua hîc arte miſtra
 Cœlatæ oſtentant Symbola clara fores !
 His auro inſculpta objicitur Salamandra per ignes
 Viſa frui, & viſtos ſpernere læta rogos .

Viſa

Visa metallorum septenis arbor ab astris
 Septenum pariter corripuisse jubar.
 Funere discusso Phœnix, propriisque superstes
 Casibus, emensos hîc reparare dies.
 Ignis & unda simul recubare, & fœderis arcti
 Ostentare novum Mulciber, arsq̃ue decus.
 Visitur hîc Maia & genitus, geminosque colubros
 Pacatrix almo linea mulcet hero.
 Cholchidis è satis quin dentibus horrida messis
 Surgit, & immitis currit ad arma seges.
 Ingenii miranda novi ast emblemata cæcis
 Me tenebris arcent, mensque subacta fugit.
 Intima si rimor penetralia, & aurea primo
 Obtutu scrutor tegmina, & alta domus,
 Protinus en itupor: in tessellata revolve
 Atria si lumen, lumen en adstat hebes.
 Vestibula ast oculis intus quæ mira revelant?
 Quis templi è medio funditur Orbe nitor?
 Depræsum facies remoratur, at extima pectus,
 Et prothyri tentum margine sistit adhuc?
 Ingrediar lætus conceptæ & compita spei
 Tuta premens, animi præscia vota sequar.
 Ille ergo hîc jacet ætherei qui è limine regni
 Contulit afflicto cœlica dona solo?
 Qui astorum, terræque faces cum noverit omnes,
 Admixtis vires traxit utrisque novas?
 Qui summum Sophiæ culmen, qui maximus Orbis
 Scrutator, parvo condidit alta vitro?
 Delubrum fœlix, fœlicia tecta, reposta
 Queis ossa, & tanti sunt monumenta viri
 Surgentis tumuli ut regalis pompa renidet,
 Sustinet & claræ pondera molis Honor!
 Ut secum rutilans concurrit Gloria! dignum
 Ut stipata tubis fama recludit onus!
 Regis ut exuvias famulantibus alta figuris
 Multiplices inter continet urna faces!
 Ostentant magnum pia balsama, thura, Thyaraque,
 Ostendit summum splendida vestis herum.

Perpetuæ ut vigilant conſtanti lumine flammæ !
 Intactum ut vultum viſa fovere quies !
 Horruit eximium mors an violare Dynaſtam ,
 Aut puros timuit contemnerare ſinus ?
 Aſſererem vigilem ni lumina clauſa vetarent ,
 Solvere verba , gravis ſed premit ipſa ſopor .
 Frons rugoſa licèt , nitet index clara ſereni
 Pectoris , utve dedit grandia , ſpondet adhuc .
 Non riguere manus , caſtum at cor læva tuetur ,
 Ditatur rutilo dextera clara vitro .
 Vivere viſa ſua durant compagine membra :
 Virtuti tempus parcere , morsque ſolet .
 Ponè triumphatum ſpolium , poſitumve trophæum
 Victori , ambiguum continet Urna virum .
 Non lapis , illa , lapis ; qui vir mox ipſe puellus ;
 Nunc Mulier qui Mas ; ipſa modò Androgyna .
 Quin puer haud puerum , neque compta puella puellam
 Ore refert , at anus fit modò , moxque ſenex .
 Sæviturque fero geminata in funera morſu ,
 Victurus melior ſurgat ut inde cinis .
 Sat ſibi ſe hinc reparat genitor , genitrixque ; latent
 Igne fovet ; proprium lac modò uterque trahit .
 Omnia cum ſint , in nihilum mox inde reverti ;
 Cum nihil hi fuerint , cuncta referre putem .
 Ros viſi , hinc draco , nunc aquila , hæc color , iſteque phœnix ;
 Hæc tumulata tamen non tumulata manent .
 Nam nec aquis , nec humo , nec ſolo condita cœlo ,
 Aſt offuſa levi tegmine ubique jacent .
 Extra hinc nec poſita , hoc occluſa nec oſſa ſepulcro ,
 Namque unum efficiunt oſſaque , & Urna ſimul .
 Cur tamen obrutus is detinet error amicos ,
 Dum licet hos chari fronte beare patris ?
 Salve magne Senex , rector , columenque piorum ,
 O mihi nunc primum reddite qualis ades !
 Qui mora fatorum , qui mortis & auſibus olim
 Terror eras , fauſti & ſideris ipſe redux ,
 Orphana ut erorum hic te lügen regna parentem !
 Ingemit occiduum littus ut omne jubar !

Exani-

Exanimis licet at clara servatus in urna ,
Gestorum melior lumine vivis adhuc .
Sis licet extinctus , virtus tibi prorogat Ævum ,
Longo & sæclorum sænore damna levat .
Hic , ubi bacchantis strepitu non læderis Orbis ,
Virtutum titulis , officiisque fruens ,
Purum da pectus colere , ingenuique coruscant
Cor animi sedem , præsidiumve soli .
Oscula pallenti facilis da figere dextræ ,
Cui fera pauperies cessit , & atra lues .
Os , quod in ære tuli , sculpto quod cernere in auro
Sæpe datum , aut pretio nobiliore nitens
Dum video scælix , & noto lumina vultu
Impleo , & in laudes urgeor inde tuas ,
Quid de te recolens referam prius ? abdita Cæli
Nota tibi , aut imi viscera visa Soli ?
Ore verecundo mores docuisse modestos ,
An servasse sacri lilia casta thori ?
Sive reposcentis regeres dum fræna Canopi ,
Exoptasse tuam regna aliena manum ?
Fluctibus en laudum rapior , semperque superfluit
Plurima , plura licet fuderit ante melos .
Non sub te sceptrum metuebat dives avarum ,
Ausa nec infontem fingere culpa reum ;
Lurida virtutem non deturpabat egestas
Nec scædum ornabant præmia clara nefas ;
Æmula cælato livor neque corda veneno
Torquebat , fictus nec temerabat amor ;
Cuncta sed innocuis fruebantur legibus , unde
Libera sub vinclis pectora visa tuis .
Illæsus fulgebat honor , radiabat honestas ,
Tutaque tunc Phario pax erat alma throno .
Vos Memphis populos , flavæ semota Syenis
Littora , vos Meroes arva perusta nigræ ,
Vos quotquot Nilum bibitis , Gangemque nitentem
Testor , arenosis Afraque Regna vadis ,
Ultima & occidui , Borealis & abdita mundi
Limina , vos tanti pandite digna Patris .

Diffi-

Diffita delituit ſub quonam ſidere virtus,
 Quæ tibi devoto ſtemmate vota neget?
 Quæ tibi non promat famulantibus æmula labris
 Cantica, & eximium non fateatur herum?
 Te nivei Elæo modulantur carmine Cygni,
 Te Sophiæ reſonat Tybris arena ducem.
 Te Armenus, te Medus, Arabs, te mixtus Iberis
 Indicus, Eridani, Parthenopeſque Chorus
 Inſimul admixto celebrant modulamine, & auras
 Nomina multiplices nota referre docent.
 Laudum veſtigal totus tibi devovet Orbis,
 Concordeſque regit diſſona lingua modos.
 Quin tibi cum Sapiens omnis jam vixerit uni,
 Ut licet, hîc uni gaudet aſſeſſe tibi.
 Hinc tibi ſuſpenſæ pendent longo ordine ceræ,
 Oblatæve frequens iconis aſtat honor.
 Ut congenitiles rutilant Chemiſique, Amaliſque,
 Pyramidum ſummos qui poſuere gradus,
 Buſiriſque ſacras qui condidit Iſidis aras,
 Siſoſtriſque tumens, Sethor, & Adſar ovans!
 Dædalei Myrix emptor venis inde laboris,
 Menaque Mercurii munere ſceptra gerens.
 Græcia ponè ſuos inſculpiſit ſedula alumnos,
 Pythagoram Samium, Democritumve dedit.
 Orpheum, Muſæum, Linum, cui clarus Apollo
 Progenitor, Thraces, Hippocratemque Coum.
 Pinxit Anaxagoram, Xamolſim vovit eburnum,
 Ære Tyanæum cudit, & Heracletum.
 Inferit alta ſuum Morienum Roma, ſuperba
 Regnantum genitrix, Italiæque nitor,
 Ipſaque conſpicuum ſecum circumplicat agmen
 Alme Pater titulis obſecutura tuis.
 Petre Padi Turres Sophiæ quem forte dedere,
 Augurelle tui qui & Rubiconis olor,
 Fortunæ è fano hîc pariter clariffimus addis
 Merculine jubar, cui propè Lancinius.
 Auget Arabs hinc ipſe decus, ditata corallis
 Oraque, & effigies fert adamante ſuas.

Ut

Ut Geber, & Gilgil, Melchas, Avicennaque, Rhafis,
 Atque Hamuel Senior, Dantius, Ilba, Dathis,
 Alfarabis, Syroes, Haly, ziberque corniscant,
 Nobilior calamo, quàm pharetrata cohors!
 Hispana hinc acies sequitur, cui prominet altè
 Lullius, hinc præfert Anglica Rogerium.
 Dein Sendivogius præfulget Sarmata, Rheni
 Albertus, Mayer, Basiliusve Sophi.
 Ingeminant radios Theoprastus, Grever, Alanus,
 Tritemiusve Sacer, Trevisiusve Comes.
 Has inter passim ceras nec Gallica defunt
 Nomina, & Arnaldum has cerno referre notas.
 Flammellus rutilat Microcosmo clarus aperto,
 Zacharii splendet, Fernelique decor.
 Adsunt & Davi scholæ, & septemplex Isti,
 Quæve Albim gelidum, quæve bibere Tygrim.
 Omnis enim obstricta est tibi subdita Turba Sophorum,
 Seque Patri hic concors devovet ipsa suo.
 Te siquidem cœlo mirata est iudice tellus,
 Omni quem novit munere sæpe frui.
 Socratis ingenium stupido si profuit Orbi,
 Eripuit Virtus huic simulata decus.
 Florida vix domitæ concessit fræna juvente,
 Si clarus docto constitit ore Plato.
 Invida fulgentem fœdavit cura Stagyram,
 Conceptumve jubar perdidit alta Coos.
 Fortis Alexander, raptorque; ut Cresce bearis
 Thesauris, premeris, divitiisque peris.
 Hunc amor, hunc pietas, hunc mentis candor honestat;
 Omnia virtutum lumina nemo tulit.
 Forte aderas unus qui quæ sparguntur in omnes
 Attigeras, pleno gurgite cuncta trahens;
 Unus namque aderas, cui non immixta veneno
 Culparum Virtus forsan adesset amans.
 Cunctorum hinc laudes cum viceris unus, opimo
 Munere cunctorum præmia solus habens,
 Ipse triumphalis lymphæ hinc pacator, & ignis,
 Ipse es, qui exiguo margine cuncta dabas;

Qui

Qui geminis vitreo conclufis axibus Orbe,
 Contractæ rector lucis, & auctor eras;
 Perſtriſtiſque polis anguſti limite vaſis,
 Correpti flammæ Solis, & aſtra, movens,
 Arbitriis moderata tuis, licet Orbe minuto
 Juſſeris indiſtas ſidera adire plagas,
 Lunaque fertilium cui ſubdita præſes aquarum
 Ad certos pariter viſa redire dies.
 Ars per te rutilos potuit cohibere planetas,
 Fertile & elcito reddere rote ſolum.
 Tabida corrigere, & curvam reparare ſenectam,
 Evehere ad purum ſpreta metalla jubar.
 Cum tantus fueris, ſtupeat quis plauſibus altis
 Quod tollatur adhuc nomen ubique tuum?
 Efformanda fluant in mille quod æra figuras
 Sudet ad effigies flamma quod ipſa tuas?
 Virtutis ſpolium quodve aurea maſſa triumphos
 Exprimat, & notum conſcia gemma Fabrum?
 Præluſere olim naſcenti præſcia vati
 Sidera, lætitiæ & ſigna dedere polis.
 Phosphorus in roſeis tunc exultaſſe quadrigis
 Dicitur, & lætum congeminatſe jubar;
 Et præcox aurora diem properaſſe coronis
 Ex tunc Sol clarum complicituiſſe caput.
 Æmula tunc cœli tellus in flumina lactis
 Verſa, tibi & blandos ultrò paraſſe ſinus.
 Quod plauſus natura tibi conceſſerit omnes
 Mirabor, plauſu cui potiore fores?
 Cuncta canit meliora Patrem qui hunc conſcinxit unum;
 Qui magis hoc audet, conſcinxit ipſe nihil.
 Ut rutilans præfulget adhuc, & diſſipat umbras!
 Hæc nitet ut pleno nobilis aula die!
 Perpetuumve micans, dum vulgo ereptus inani
 Creditur extinctus, ducit in ima jubar!
 Occidit ætherei ſic rector luminis, axi
 Alteri in occiduas ut vehat inde faces;
 Inſcitæ pulſis umbris, tenebrisque peremptis,
 Exemplar ſequitur clarus & iſte ſuum.

Obtu-

Obtutus, mentemque beans ut promicat altè
 Vatis ad auxilium, præsidiumve sui!
 Totque oculis radios, quot fornice Symbola fulgent,
 Multiplicat, grato & munere cuncta replet!
 Cernite cælatum mea lumina cernite marmor,
 Exuperat vires ars ubi summa suas,
 Atque coloratos musivis nexibus arcus
 Et pictos varia cernite luce tholos!
 Ut mirè expressa hîc splendent emblemata! vitam
 Omnis ut effigies monstrat inesse suam!
 Ars axem hîc simulat? facilis versatur ut axis!
 Fulgura? in exitium fulgura dira micant.
 Palpirat unda, stupens si visus fertur in undam:
 Suspicit inde Chorum? Concinit ipse Chorus.
 In claros distincta sinus testudo coruscat,
 Plurima & in spatiis fulget imago suis.
 Hîc aquila evictum discerpit sæva leonem,
 Ponè eadem implumis victa leone jacet.
 Unguibus, ac rostro hîc furit illa, fugitque; subactus
 Rex licèt, exanguis redditus, iste cadit.
 Fortis ibi is rediens, laniantes dissipat ungues
 Alitis, & pennis exiit inde suis.
 Lucta ferox! docti ut stimulant in bella colores
 Et rostrum, & rictum! terret ut ipse cruor!
 Hesperidum custos nemorum, quæ conferit Atlas
 Poma vigil servans hîc pretiosa Draco,
 Distentis spiris ut circumductus in Orbem
 Angustos aditus, fulvaeque sepra tenet,
 Immensusque fenex oneri subductus acerbo,
 Juppiter Herculeas quo gravat inde manus,
 Irrigat ut violas, immortalesque amaranthos,
 Candida cognato qua fluit imbre silex!
 Ponè coruscantes sitiens Latona gemellos
 Exhausto lactans ubere visa mori,
 Faucibus auxilium dum puris quærit ab undis,
 Rustica virgineas turba profanat aquas;
 Illaque condignis invisum devovet agmen
 Legibus, atque ausus deprimit æqua rudes.

In vi-

In viles ſenſim hinc ranas plebs verſa coaxat,
 Inſultantque novis ora aliena notis.
 Non ſua quiſque ſtupens miratur membra, deamque
 Degener infana voce laceſſit adhuc.
 Hanc propè conſpicitur (mira ò commenta ſagacis
 Cœlo afflante animum diſcutienda viri!)
 Hanc propè conſpicitur thalamo plaudentibus aſtris
 Gabritii, & Beizæ connubialis amor,
 Cui chorus obſequitur niveis libratus in alis,
 Apparat & caſtas, cœlica dona, dapes;
 Et præfert animis jurato fœdere junctis
 Virgineas thædas, virgineasque ſtolas;
 Innocuaſve canens flammæ, nexusque pudicos,
 Pars jungit lætis pronuba ſerta roſis,
 Lilia pars violis miſcet, calathiſque reſuſis
 Munerat officiis corda revincta ſuis;
 Pars epuliſ menſas onerat, pars vina miniſtrat,
 Pars choreis, vario pars favet æqua ſono.
 Nubere quàm fœlix, ubi permanet integra virtus,
 Fœcundo & recubat non temerata thoro!
 Quæ nova nunc ſpecies animo at reſerata ſtupenti
 Immutat reſugos irrequieta ſinus?
 Difficilis captu, varia, indiſtinctaque viſu
 In medio reſluens fulget imago tholo;
 Multiplici Cybele nunc viſa eſt ubere, Gorgon
 Nuncve minax, blando hinc lumine facta Venus.
 Fit vultur nunc ipſa rapax, leniſque columba,
 Nunc leo, nunc anguis, nunc ſerus ore draco.
 Mox leo, mox coluber, draco mox vaneſcit, & altum
 Fit nemus, hinc mare, mox nil niſi terra fluens.
 Omnia mirandum hoc anceps mens dixerit unum,
 Unum multiplici quod tulit omne ſinu.
 Noſco dolos: Protheum hæc doctus modo detegit error,
 Unde frequens ſpectris ludit imago ſuis.
 Non tamèn implicitos datur æquè attingere ſenſus,
 Subluſtri & rectum nube videre iubar.
 At licèt impercepta, aliquid portendere magnum
 Fulgida imaginibus ſymbola viſa ſuis;

Hæc

Hæc nec enim casus, vel inutilis otia vulgi
 Instruxere, rudes vel posuere manus,
 Sed laritans cautis finxit Sapientia plumis,
 Curisque obduxit, quæ reticenda suis,
 Ut licet elingues vel sub velamine formæ
 Electo innuerent vix referenda Sopho.
 Inter mira tamen niveum, pluuiisque refertum
 Orbis in effigiem cerno nitere vitrum,
 Magnificè in quinas quod fusa metalla figuras
 Extollunt, uni nomina scripta Salis,
 Sulphuris ast alii; frontis versatilis astrum
 Maizæ grande decus tertia forma refert;
 Distinctumve licet, tamen uno ex stipite surgit
 Trinum hoc, alterno & fœdere cuncta regit:
 Mulciber, & natura duo Simulacra sequuntur
 Mirandum pariter visa fovere globum;
 Exiguam qui condit humum, feriat agellum,
 Quem Sol fortè colit, quive Sororis amor.
 Septem adsuat supra stellæ, totidemque sub ipsum,
 Concordique coit lumine uterque Polus:
 Surgentis mundi ut speciem, seriemque colorat!
 Ut confusa rudis fert elementa Chaos!
 Hic ubi lympa fluit, tellus jacet, ignis, & aer;
 Ignis ubi, atque aer, lympaque, terra jacet;
 Cuncta hæc in motum rector dein Spiritus urget,
 Mutuo ut ad numeram dissona semper agant.
 Dum simul immixta hæc fluitant, agitataque oberrant,
 Cuncta licet videar cernere, cerno nihil.
 Nam massam tristes condunt, implentque tenebræ,
 Nec nisi pondus iners, noctis & horror adest.
 Lux tamen en fulget spatiis inopina sepulcis;
 Imaque vitali munere claustra refert,
 Disjicit ignitus victas ubi spiritus umbras,
 Et fœcundandis fertur opimus aquis.
 Dividit hinc ipsas partim super æthera tollens,
 Subve humili reliquas congregat inde solo.
 It fursum leve, stant modò pondera pressa deorsum,
 Germinat apparens arida, terra viret.

Et

Et tandem gemini potiori luce planetæ
 Emergunt, vivis ignibus alter ovans,
 Imperium exercens fœcundas alter in undas
 Cuncta ſimul duplici fulcra tenore gerunt.
 Ut cuncta aſſiduo verſantur turbine ! ut explent
 Hic modo contractas pondus, & ordo vices !
 Mox bobus diſſecta ſuis fert ſemina tellus,
 Concipit & tumido pinguia dona ſinu.
 Gramen & erumpit, gemmaſcunt ubere vites
 Palmite, & auratis ſurgit ariſta comis.
 Quot modo tam tenui gignuntur germina vitro !
 Effigiem magni huic Orbis ineſſe putem.
 Qua mare, qua tellus, rutilus qua cernitur axis,
 Sole reperiſſis qua nitet Iris aquis.
 Qua venti, & nubes, Soleſque, imbresque ſereni ;
 Quis potis exiguo talia ferre globo ?
 Sidera ſi juſſa quondam vertigine volvit
 Ille Siracuſii gloria prima Soli,
 Vilia nunc vitreæ ſileat miracula ſphæræ,
 Claraque diſpoſitos ſigna remenſa dies ;
 Fiſtaque mentitæ jactet neque lumina Lunæ ;
 Huic uni Siculum ſubditur impar opus.
 Unica pro duplici ut pollet modo cardine virtus,
 Immutantque novo robore cuncta jubar !
 Semina quis jecit ? certis quis putrida reddit
 Motibus ? in partus quove tenore meant ?
 Se hinc perimunt, reſerant, gignunt, ſe frutice complent,
 Hinc ſenſim elanguent, ſe reparantque ſimul.
 Sol modò nube carens, modò nubilus auster in imbrem
 Solvitur, inde tepor, temperieſque redit.
 Ut perſtriſta brevi quidquid natura per annos
 Efficat, hic melius complicat una dies !
 At nova quæ rerum facies reſeratur ? eadem
 Ut ſtupidus formas pyxide cerno novas ?
 Illicò præcluſum vitreus coit Orbis in hortum,
 Virgineo æthereus quem rigat imbre ſenex,
 Cui dives fulget nebuloso ſidere vertex,
 Elata radiat falxque recurva manu.

Si cœlo

Si cœlo is niteat, cunctorum altissimus errat;
 Omnia, si terras incolit, ipse regit.
 Aurea prima dedit qui terris sæcula præses,
 Nunc eadem reparat, summaque, & ima gerens.
 Ut tellus inarata parit! fert spontè colores
 Ut florum varios, aurea & arva nitent!
 Candida post pullas violas ut lilia surgunt!
 Purpurea in lætis ut rosa fulget agris!
 Delicias custos at circumplexus opimas
 Spirarum vigili colligit orbe draco,
 Forte venenatis qui mox se librat in alis,
 Amisso alarum remige moxque cadit,
 Et jacet exanguis terris immane cadaver,
 Quod putre fert aquilis membra voranda feris.
 E silice illimis medio nitidissimus horro
 Fons scatet; it fursum, seque reforbet aqua;
 Humentis & suadente noto transmissa per auras,
 Viribus uberior, nobiliorque redit.
 Sic modò cœlestis, terris modò rorifer imis,
 Et se subducit, restituitque latex.
 Nant gemini pisces, argenteus unus, & alter
 Aureus, & squamis emicat unda vagis.
 In lympham contrita Silex, vicibusque relatis
 Vertitur in Silicem reddita lymphæ suam,
 Quæ nigricans prius, in niveum mox candida tophum
 Tingitur, hinc croceum, purpureumve parat;
 Unde gravis ditatur humus meliore metallo,
 Quod fovet alterno Lunaque, Solque gradu.
 Quin etiam in lætas telluris viscera fruges
 Urget, & in partus evocat omne suos.
 Quid correpta refert breviato hæc scæna theatro?
 Quid moles oculis innuit arcta meis?
 Mulciber, & natura (datis in fœdera palmis
 Nam simul hunc regitis, perficitisque globum,
 Cui subsunt, triplex ex uno stipite germen,
 Sal, fixum Sulphur, Mercuriusve fugax)
 Dicite quid varia condatur sub imagine, mirus
 Fons unde, unde ignis, mirus & unde decor.

In primam tenebras potuit quid vertere lucem?
 Auroræ hic croceas quis dedit ordo faces?
 Sol unde emerſus? medio unde it fulgidus axe,
 Et lætam certo perficit orbe diem?
 Æſtivum quid nube jubar tenuavit amica,
 Et puro nimios leniit imbre rogos?
 Dic Vulcane, calor quo præſide fertur in altum,
 Terrarumve ferax excitat ima tepor,
 Dic quid tam parvum ignoto conamine vitrum
 Urgeat, incluſus qua meet arte nitor;
 Naturæ ſiquidem fueris cum sæpe miniſter,
 Te ſine quin eadem cum nihil Orbe gerat,
 Hanc regis enixam, lentæque afflamine flammæ
 Quidam amans terris educat ipſa, foves.
 Pomiferas igitur ſeu condant ſedula plantas,
 Frugiferos paſſim ſive revelet agros,
 Sive quid immotum gignat, quidquidve moveretur,
 Surgat ut omne, favens, utve adoleſcat, ades.
 Sive efformandis nuda ſub rupe metallis
 Incumbat, cupidus præteritura manus,
 Fœcundam tu ſolvis humum, dirimiſque viciffim,
 Jungis & ereptas inde remiſſus aquas;
 Elicis atque novas iteratis ignibus undas,
 Ut novus arentem temperet imber humum.
 Ampla crebris ſemper nec enim gemit iſtibus incus,
 Nec circumpoſitis Etna remugit agris;
 Ignitum chalybem nec ſemper forcipe verſas,
 Otia ſed laſſus fers aliquando Faber;
 Nam nec in Encelados ſemper Jovis ardet iniquos,
 Unde nec ungue minax exigit ales opus.
 Nec ſemper delubra tenes procul edita Lemnos
 Errore illeſtus divite numen iners.
 Ipſe itaque & levibus ſtudiis, tenuique labore
 Cum, poſitis gravibus, detinere frequens,
 Unde ferax quidquid totum natura per Orbem
 Efficit, huic gaudes ſemper adefſe comes,
 Quid ſignent hæc miræ refer. cur ſidera ſeptem
 Monſtrat apex, toridem pars tenet ima faces,

Con-

Concurritque simul concordi vimine in unum ,
 Obvius itque sibi lumine uterque Polus ?
 Nascentis Mundi ut primordia is attulit Orbis !
 Emerfura rudi ut mixta stetere Chao !
 Ut sensim distincta suis dein sedibus Orbem
 Rexerunt juncto cuncta elementa gradu !
 Alma Parens rerum , quæ Mulcibre cuncta ministro
 Fers , ejus prompto cuncta tepore fovens ,
 Et quæ multiplici plenum gæris ubere pectus ,
 Multifida ut partus nutriet unda tuos ,
 Arcanisve rotis , vivi & spiraminis aura ,
 Hunc modò præcipuà construis artè globum ,
 Parva hæc ut gignat præcox , ediffere , tellus ,
 Foderit hanc tenui , quæ modò cura manu .
 Crevit amica seges ; crevere & palmitè vites ,
 Herbarum hoc viruit vulgus & omne vitro .
 Omnis ager lætum dein illicò versus in hortum ,
 Jactat post violas lilia , fertque rosas !
 At mage mirandum è medio quòd virginis undæ
 Limpidus assurgat fons modò , moxque cadat .
 Namque modò egeritur , tenuisque effertur in altum ,
 Rorifer hinc recidit , supprimiturque latex ;
 Subtrahiturque frequens dimensis redditus horis ,
 Alternatque suas ignibus ipse vices .
 Instruet at mentem hîc subjeçtus fortè Smaragdus ,
 Sculpta licèt brevibus gemma sit ista notis .
Vera hæc , quæ stupido novis hic modo conspicias bospes
Lumine , non dubia noveris arte sequi .
Quæ supra , hæc infra . cocant hinc utraque in unum
Ad mira , omnis amor ; principiumve rei .
 Unius imperio totius ceu conditus Orbis ,
 Sic ex hoc uno quidquid in Orbe fluit .
 Id Sole , & Luna genitum , super alta polorum
 Extulit alarum remigè sæpe notus ;
 Depressisque frequens instructo frigore in ima
 Deim aquilo , ingesto suetus adesse gelu .
 Hinc pingui enixæ telluris lacte refectum ,
 Si in terram versum gignere cuncta potest .

ſeparet humeſcens terreſtria ab ignibus ignis,

Subtile à ſpiſſo, concilietque ſimul.

Spiritus in Cælum pergat, repetatque cadaver,

Cui doſto reſeret Mulciber igne viam,

Congeret atque imi, & Cœleſtis robora regni,

Ditior & duplici ſanore cuncta trahet.

ſpectandus Patriæ, quin genti hinc inclutus omni,

Nam prorsus tenebris ipſe ſolutus eris.

Hæc vis eſt omnis; totus ſic conditus Orbis.

Nec tulit abſimiles ipſius ordo vices.

Singula adaptabis, teneas ut plura, ſeorſum,

Atque ſagax ignis legibus ipſa reges.

Complevi totum de Solis viribus. Hermes,

Qui Sophiæ laudes, trinaque ſerta tuli.

Hæc Sphingem reſonant. O grandis carmina Myſtæ!

Vix percepta licet, grandia dona Sophi!

Vera hæc, quæ cerno? hinc mendax ergo exulat error,

Nec fraus ambiguum ſubdola reddit opus.

Vera hæc: immundæ cum ſint mendacia fœces,

Verane quæ, his pulſis, nobiliora manent?

Sunt equidem; verum ut rutilat ſine fordibus aurum,

Ut vera abrupto cortice gemma nitet.

Conſtantes ubi certa trahent mox præmia niſus,

Præmia quis cupido tardet adire pede?

Quæ ſupra hæc infra: an quidquid vi ſpiritus amplo

Turbine Cœlorum volvitur, ima tenent?

An globus iſte vagum, quo circumcingitur, Orbem

Complicat, & parvo continet omne ſinu?

Cuncta ſub exiguis an ſtrinxit ſidera zonis,

Contraxitque brevi lumina quæque polo?

Sunt ubi lugentes Hyades, nymboſus Orion,

Helice Hyperboreæ plauſtraque lenta plagæ?

Pleiades, Herculeæ violentaque lumina Clavæ,

Lucida Lancis, Avis regia, & ater Hydrus?

Quæ ſupra, hæc infra? nitet hoc ecliptica vitro?

Lactea ſtellarum hinc ſemita pandit iter?

Splendet ubi hinc Crater, cupidus vel fulget Iafon?

Argo & Cœleſtes quas modò findit aquas?

Quam

Quam misera ingemuit, felici hinc læta nitore
 An tulit Andromadem Cassiopea suam?
 Pegasus, Ursa, & Aper, Serpens, Lupus, ira Leonis
 Convenere? ferus quo latrat axe Canis?
 Alliciens oculos septeno hinc sidere culmen
 Omne quidem rutilat, cœlico & igne calet:
 Hinc radiis jubar omne simul petit ima refractis,
 Subsidiis reddit, quæ meliora suis;
 Inverso & rediens immissa hinc flamma recurso,
 Obviat inde sibi mutuo uterque polus;
 Quæve supra, hinc pariter sic ingeminantur & infra,
 Namque repercussæ robore lucis agunt.
 Non ideo tamèn hæc sibi complicat omnia pixis
 Astra, suo robur ni trahat omne sinu.
 Fornicibus partim vitreis an desuper hæret
 Mulcibre versa in aquam, fiat ut ima, flix,
 Imave quæ partim nondum resoluta quiescit,
 Alta petet pariter, mox solidanda, fluens?
 Parsve soluta iterùm recidet fixanda, fluetque
 Tunc etiam in similes consolidanda vices?
 Angeminæ hæ partes, vitreum hoc quas protulit unum,
 Ut junctæ posthac efficiantur idem,
 Exigui existunt arctus Sol, Lunaque Mundi
 (Urna hæc has siquidem condere visa faces)
 Ignis an, aut imber, corpusque, aut spiritus, æther?
 An tellus, sponsus, nuptaque, lacve, merum?
 Nunc hebes obtutus radiis tenuatur opimis,
 Nunc mens implexis hæsitat acta moris.
 Spiritus ut rapit irrequieto hinc turbine sphæras,
 Versat & alternas fervor, & aura rotas!
Quæ supra, hæc infra: coeant hinc utraque in unum
Ad mira: hæc igitur res dirimenda prius.
 Edocuit Deus ipse undas sejungere ab undis;
 Natura absimiles non movet inde gradus.
 Hinc Lymphas dirimit, partim quashalat in axem,
 Divisasque iterùm jungit utraq; sagax;
 Fitque latex Cœlum; concreras quippe pruinas
 Reddit, & ingestas igne madente fovet;

Vertit & in terras, unde is prius editus humor,
 Sedula ut hæc arens omnia condar humus.
 Hinc ipſa *omnis amor cunctarum eſt unica rerum,*
Principium, pondus, præſidiumve ſimul.
Unius imperio totus ceu conditus Orbis
Sic ex hoc uno quidquid in Orbe fuit.
 Omnipotens velut ex nihilo dedit omnia nutus,
 Cui ſimul ut fierent hæc, voluiſſe ſatis,
 Ipſe idem cunctis ſic rebus prætulit Unum,
 Unde ortum traherent cætera quæque ſuum;
 Singula nam ducunt vitalia lumina ab ipſo;
 Uſque adeo hæc ſummo res decorata Deo eſt.
Id Solè, & Luna genitum: quid clarius unquam,
 Principium melius, nobiliusve tulit?
 Præcipua æthereæ, gravioraque robora lucis
 Huic cunas curvant, irradiantque ſtolas,
 Unde ſimul Lunæ, & Solis Cœleſtis, & imi
 Vi pollet duplici, divitiisſque niteſ.
 Fœlix aſtrorum cui fert exordia princeps,
 Udæ quod noctis præſes amica fovet;
 Temperiemque ipſi mox inferit utraque lampas,
 Degere ut hîc poſſint ignis, & unda ſimul.
 O lux, ſidereï pars o pulcherrima regni,
 O verax Summi fulgida imago Boni,
 Illuſtris rerum facies, decor inclytus omnis
 Ipſa poli, atque imæ ſedis amica ſalus,
 Quæ aſtrorum, Soliſque vigor, Cœlique, animique
 Triftitiam perimis, lætitiâque paris,
 Et ſemper rectâ incedens, adis illicò totum
 Ipſa Orbem, & perſtans integra, cuncta replet,
 Nam nulla, ipſa licet cunctis te effuderis, unquam
 Detrimenta ſubis; vel vaga, tota manens,
 Ut ſtellas radiis ornas, majoraque condis
 Lumina! terrarum cernis ut ipſa ſinum!
 Et gignens aptis illud quo hîc cuncta trahuntur
 Ignibus, obruti ut divite ſola vides!
 Hinc auro, & gemmis id purius emicat unum,
 Fortius hinc toto eſt, fertiliusve ſolo;

Colli-

Colligit unde ipsum divisim sparsa feraces
 Quæ efficiunt agros, quæve metalla gerunt,
Id Sole, & Luna genitum, super alta polorum
Extulit alarum remige sæpe notus;
Depressitque frequens instructo frigore in ima
Dein aquilo, huic modico suctus adesse gelu.
 Viribus arcanis properata vehicla, supernis,
 Atque imis venti semper onusta opibus;
 Quæ namque attollunt udi, calidive, rigentes
 Hæc terris regerunt, gignit is unde globus;
 Infanis nec enim conatibus aera volvunt,
 Nec frustra invadunt viribus ima suis.
 Sæva sed & visi concurrere ad arma, sonantes
 Et fluctus tumidi tollere ad astra maris,
 Vellere & arboribus ramos, potioraque sylvæ
 Robora, & everfis ludere sæpe casis;
 Aera vexando ne torpens fortè pigrescat,
 Vitalem reddunt, conciliantve solo;
 Aptos disponunt imbres, nimiosque repellunt,
 In germen referant semina, oborta fovant;
 Spiritu & undarum imbuti, dum prorogat imbres
 Tarda diu nubes, arida culta regunt.
 Perficiunt segetes ut velamenta latenti
 Discindunt frugi, proficiuntque minis;
 Viscere & ex imo quidquid vix notus ademit
 Ausser humo, huic aquilo rettulit, unde ferax.
 Tam profunt Orbi. *telluris lacte refectum:*
 Hæc ergo ut nutrix ubere semper alit;
 Allicit ut puerum; reducem, residemve quieti
 Dat, somno ut recreet mox nova membra frequens,
 Æstibus exudans quod si contempserit imam
 Is sedem, atque aliis ausibus alta petat,
 Amissum dolet, & fidis aquilonibus alitrix
 Cogit in optantem sæpè redire sinum;
 Terrestris atque ipsum devincit sedula nexu,
In terram ut versum gignere cuncta queat.
 Ut mihi defixis scrutanti obtutibus, altum
 Terra, quod objicitur, jam dedit ista vitrum,

Quod velut anguſto contraxerit ordine mundum,
 Aſtra tulit, parvo & clauſa elementa globo,
 Prætulit & nocti Lunam, Solemque diei,
 Movit in alternas ignea, & uda vices!
 Hic circumductum repetito vortice flumen,
 Hic piſces tenui cerno natate Mari.
 Aſpicio hic meſſes inaratis ſurgere glebis,
 Floribus hic hortos exhilarare ſuis;
 Attolli hic fontes, regeſſive; horrenda venenis
 Hic monſtra immanes dente minata neces;
 Hiſque ſoporifero abſorptis exinde liquore,
 Vitæ in præſidium verſa venena meæ.
Seporet humeſcens terreſtria ab ignibus ignis,
Subtile à ſpiſſo, concilietve ſimul.
 Hic igitur ſenſim dirimendum præmonet unum,
 Natura ut ſolers nil violentè agit.
 Quis tamen hic ignis tolli, quæ preſſa relinqui
 Debeat hic gravitans terra, moduſque latet;
 Quod pariter ſpiſſum, quod ſit ſubtile trahendum
 Mirus ubi duplices fons gerit unus aquas.
 Anne repugnantes occultis ignibus undas,
 Sit licèt illuſtris, neſtere cura queat?
 Sive vaporofus, leniſve, atque humidus Unum hoc
 In geminas partes dividet arte calor?
 Sive diu calidus, refovens hoc venter equorum
 Diruet, aut ſophicus deſtruet omne fimus?
 Hac, hac ambiguis latitans it callidus error,
 It perſonatis fraus comitata dolis,
 Unde gradus pavidum dubia in declivia ponit
 Ingenium, incerto & tramite nutat adhuc.
 Unum ſubſidit gravitans, immobile, fixum,
 Evehitur penniſ pars levis acta ſuis.
 Quodve manet, terram redolet, quodve evolat, undam;
 Vertitur in laticem terra, fit unda ſilex;
 Utraque & alternis vicibus, concreta, fluensque
 Induit alterius mutuò ſæpe ſinum,
 Dum ſenſim tellus fluit integra, & integra ſenſim
 Vertenda in terram vinctâ reſidit aqua.

Spini-

Spiritus in Cælum pergat, repetatque Cadaver,
Cui docto referet Mulciber igne viam.
 Lacte madens, tepidis recubans nutricis in ulnis
 Id quamam perimit Lemnius arte faber?
 Armet ut occultas furtivis ignibus iras,
 Cœlato an diras intruit igne manus?
 Sive modo illicitis, sensimve tepentibus auris
 Humenti vitam furripit igne vaser,
 Et referans ipsi resoluta corpore poros,
 Compedibus fractis pandit in astra viam?
 Sive palàm flammis, quas cuderat ipse, trifurcis
 Conficit, & fulmen denegat inde Jovi?
 Ipsum olim fama est subtectis retibus ultum,
 Atque laceffit incaluisse dolis:
 Lædere at an potuit quod nondum crevit adultum?
 Quivit an innocuos crimen habere sinus?
 Quin potius Cœlo natalia nactus ab alto,
 Vel puer optanti grandia spondet humo;
 At prius obstrictus, lacrymisque rigatus obortis,
 Expositus nudis ipse adolescet agris;
 Et sæpe exanimis vitales prodiget auras,
 Undè putre, admissa morte, cadaver erit;
 Extinctosque iterùm reparabit spiritus artus,
 Quos vita semper nobiliore trahet.
 Neglectum vulgi pedibus, spretumve jacebat
 Ebur, Olympiaca quod sterit Æde tonans.
 Pondus iners fuit, abjectum, atque informe metallum
 Quod Capitolina fulsit in arce minax.
 Vitalis ferri dum ludit in ebore vulnus,
 Et chalybem docuit flamma referre Jovem,
 Ara duplex utriusque tulit tunc iconis omen,
 Insultans passos sculpsit & error heros.
 Quodlibet erudiunt pœnæ; per tela, per ignes,
 Per nexus, glacies, Sulphura cuncta meant.
 Mens pollens, vivo imbuta, atque carentia sensu
 Indicto hic debent ordine dura pati.
 Sæpe neces sternunt homines, sed in astra cadentes
 Ire queunt; olim victima sacra greges.

Quæ

Quæ Caſio palma, & Libano ſtetit æmula Cædrus,
 A bſciſſæ eterno Tempſa dedere Deo.
 Semina ſub glebis, quæ laſſus ſparſit arator,
 Infœcunda ſuis, ni moriantur, erunt.
 Namque per extremum diſcrimen ſæpe reſertur
 Omne bonum, ut melius, lucidiuſve micet.
 Hæc non abſimilis ſic ſpiritus exta relinquit,
 Purior & proprium deinde cadaver adit;
Congerit atque imi, & Cæleſtis robora regni
Ditior, & duplici ſenore cuncta irabit.
 Nam quidquid medio rutilans altiffimus aſtro
 Dat Saturnus humo, fundit & axe Jovis,
 Quidquid Mercurius, Mars, almæ & lucis origo
 Sol, atque humentes Luna, Venusque ſovent,
 Quidquid ſtellarum fixum ſimul ingerit agmen,
 Quæve reperiſſus gignit opima calor,
 Junctæ ubi conveniunt vires, & robur adauget
 Concurrens duplici lumine uterque polus,
 Colligit hoc Unum; quodcumque & naſta benignis
 Ignibus hinc ima hæc omnia, id omne reſert.
 Quid mirum cauſas Unum cum complicit omnes,
 Quod ſimul hic peragunt terra, poliſve queat,
 Cunctarum atque capax rerum vertatur in omnes
 Res, & ſœcundo pectore cuncta gerat?
 Multiplici gignunt tumidæ ſic ſemine glebæ,
 Perque vices flores, robora, poma ferunt,
 Queis modò gemmaſcunt reparato palmite vites,
 Florida nunc verno flamine gaudet humus;
 Nunc viret alma Ceres, nunc flavas curvat ariſtas,
 Et modò ſtat vincto mergite cæſa ſeges.
Speſtandus Patriæ, quin genti hinc inclutus omni,
Nam prorſus tenebris ipſe ſolutus eris.
 Summè itaque eſt pollens, & rege potentior omni
 Arbitrio robur cui ſtetit omne ſuo,
 Auri qui latices novit reſerare perennes,
 Cui fauſtæ & vitæ prodiga vena ſcatet,
 Quive omnes potuit rerum cognoscere fontes,
 Ductaque principiis neſtere cuncta ſuis;
 Scitque

Scitque unde irrequietus eat Sol semper anhelus,
 Astraque perpetuis unde voluta rotis ;
 Undè & discreti varia sint luce Planetæ ,
 Quisque ut fœcundas fundat in ima faces ;
 Unde imbres, venti, tonitru, fulgurve coruscum ,
 Et pictis hilaris fulgeat Iris aquis .
 Aera quid moveat , queis ferveat ignibus æther ,
 Unde humus hîc halet , quo fluat Orbe vapor ;
 Undè & quæque suam ducant hîc germina vitam ,
 Atque suam saxa , & dura metalla trahant ;
 Quo tellus ictu fibris quatiatur in imis ,
 Quidve procellosis fluctibus error agat .
 Talia qui teneat cum singula noverit , omnes
 Dum mente , & parva hac pyxide condit opes ,
 Ipse sui dives , nullius & indigus auro ,
 Integer & morum lumine ubique micans ,
 Cum victor tenebras is propulsaverit omnes
 Sol alter , radiis clarus ubique suis ,
 Ut meritò cunctis celebris fulgebit in oris ,
 Sparget ut in cunctis aurea dona plagis ,
 Dum , quocumque meet , vestigia figet opimis
 Gressibus , ut Ganges assolet , atque Tagus !
Hæc vis est omnis : nil ergo potentius ipsa ,
Nil mage robustum , dignius ergo nihil .
 Omnia nam vincet subtili & prædita flamma ,
 Quæve tenax solidat dura metalla rigor .
 Hæc dissolveth enim , perstringet protinus illa ,
 Et penitus formis induet omne novis .
 Destruit ut reparet . *totus sic conditus Orbis ,*
Nec tulit abssimiles ipsius ordo vices .
 Id paritèr stupidis deprendi obrutibus , isto
 Dum nupèr vidi cuncta agitata globo
 (Omnia condit enim) indigesta Elementaque nexu
 Mixta rudi , informi & contemerata chao ;
 Ut verò validas movit super Æthera pennas
 Spiritus , & ab aquis dissociavit aquas ,
 Et partim evexit , partimve coercuit infra ,
 Arida ut illæso margine terra foret ,

Con-

Concretosque tulit latices, voluitque liquatos,
 In ſœcundandam quos revocavit humum,
 Illicò vitalis virtus, pulcherrima rerum
 Lux patuit, toto fugit & umbra vitro.
 Hoc parvo & potiora polo emerſere viciffim
 Lumina, ſidereis Æmula facta plagis.
 Efformata dies, conceptaque ſemina in ortus
 Erupere fuos, pinxit & arva viror.
 Latura hinc fruges adoletaque germina, vites
 Hinc pubeſcentes, prodiit atque Ceres,
 Et flava in meſſem falces quæſivit aduncas
 Ut matura daret pabula grata ſeges.
 Verſicoloratis pictos hîc floribus hortos
 Rettuli, & accenſas lilia ferre roſas,
 Nec qua forte ſcio natura hîc luſerit arte
 Albo ut purpureus poſſit ineſſe color.
 Argenti, atque auri libuit dein cernere plantas,
 Quæ ſua multiplici ſœnore poma darent
Singula adaptabis, teneas ut plura, ſeorſum,
Indictiſque ignis legibus ipſa reges.
 Singula: nam licet hoc mox duxerit omnia vitrum,
 Sejuncta ut vario cuncta tepore gerat,
 Non vult diverſæ aptari ſibi ſemina claffis
 Junctim, ne pariat degener inde ſinus,
 At quodcumque velim verſatilis indolis Offa hæc
 Cum trahat ingenium, nec ferat omne ſimul,
 Singula diviſim cum jecero ſemina in ipſam,
 Optato ſurget lumine quidquid amem,
 Si tamen occulti ſeries mihi ſuppetat ignis,
 Lymphaque ab occluſis elicienda fibris,
 Flammaque, & unda ſimul ſic mutet jura viciffim,
 Altera in alterius vivat ut inde ſinu;
 Is circumfertur duplici hoc nam cardine curruſ,
 His geminis omnis volvitur ordo rotis.
 Diſpoſitis igitur tellus reſoluta ſit auſtris,
 Ut liquidam gelidus colligat Eurus humum;
 Alternentque vices vario diſcrimine venti,
 Donec concretus compleat ima liquor.

Tunc

Tunc fœlix , tunc pinguis ager mihi gignet opîma ,
 Sit licèt exiguus , jugera quidquid habent ,
 Votorumque gradus excedens protinùs omnes ,
 Proferet arbitrio , quæ meliora meo .
 Congeret Eois quidquid fert fluctibus Indus ,
 Quæ vehit occiduus nobiliora Tagus .
 Cum Satur optato fuero mox dives in auro ,
 Vilescet manui copia spreta meæ .
 Ultima nec fulvis sistetur meta metallis ,
 Lucidiora novus nam mihi gignet ager ;
 Unde quod invideam nil ostentabit Hydaspes ,
 Nec majus pendent Persica Regna jubar .
 Hac dabitur fulgens ignita luce pyropus ,
 Hac surgent adamas , atque hyacinthus humo ;
 Saphyrusque polos referens , & prata Smaragdus ,
 Quidquid Erythræis conchave jactat aquis .
Complevi totum de Solis viribus : omnes
 Hoc itaque exposuit carmine Solis opes ,
 Robur & eximium , invalido quo fortè medetur
 Ipse homini , & totum quo regit inde globum .
Hermes : ô dignum radiorum emblemate nomen ;
 Alto candoris munere luce scatens ,
 Sculpendum tantùm in tabulis adamantis , & auri ,
 Quod virtus avido lumine , & ore legat ,
 Lucida quo exornet niveum Sapiëntia pectus ,
 Ut victum Solis respuet ipsa jubar .
 Fulguret hoc semper nomen tam grande Smaragdo
 Index laudandi per nova sæcla Viri ,
 Qui lapidem fluere edocuit , lapidescere & undas ,
 Ignem concretæ & conciliavit aquæ ;
 Cui potiora suos hîc lumina , & astra recursus
 Fecere , & zonis enituerè novis ,
 Cui quæcumque dedit longos natura per annos ,
 Condidit ars uno nobiliora die ,
 Orbis & effigiem parva hac conclusit in urna ,
Qui Sopiæ laudes , trinaque regna tulit ;
 Scilicet imperium ut triplex qui hoc novit in Uno ,
 Rexit & arbitriis sedulus inde suis ;

Quid-

Quidquid nempè animans , vegetans & spiritus implet ;
 Perficit atque imò dura metallà sinu ,
 Pollens arte dedit naturæ hic Æmulus omne ,
 Obstupuitque citas tardior ipsa manus .
 Ingeniis vix tacta sacris at in abdita anhelans
 Devia , inaccessas audeo adire vias ,
 Vincit ubi obtutus nitor , hunc sive occupat umbra ,
 Nam summè irradians ipse fit umbra nitor ?
 Quid vestigo oculis ? animo per inane volanti
 Incassum heu tollor , compede vinctus humi !
 Mens absiste igitur ; vanis conatibus arctæ
 Frustra apices gemmæ , symbola & alta subis .
 Impigra quin redeas , versique recurrite gressus ,
 Metiri invalidus desinat ista labor .
 Alliciens humili quàm distat limine fulgor !
 Excedit vires ardua meta tuas .
 Ecquis enim ut tellus ineat commercia Cœlo
 Noscet , ut hæc regerant sidera cuncta solo ?
 Quæ super immo nitent , niteant ut in Orbis & imò
 Viscere ; & hinc duplicet robora uterque polus ?
 Ut reflua in silicem vertatur & unda , vicissim
 Arida ut in lympham transeat ipsa silex ?
 Ut laticem mox ignis amet , redametur & idem ,
 Sitve æquo junctus glutino uterque simul ?
 Non omnis pennas effert par nubibus ales ,
 Nec potis est æquor findere cymba levis ;
 Dantur Apollinæ cuius neque fræna quadrigæ ,
 Quin bibit emeritas qui tulit unus aquas ;
 Nec patitur Cœlum lucem sibi diripi , & ignes :
 Qui fidit hos , penas , vulturis esca , dedit .
 O rerum implexos nexus ! o arcana profundi
 Per cœcos cuneos non adeunda soli !
 Abdita stellarum o miseræ non pervia menti
 Compita , ni prono fulserit igne polus !

LIBER SECUNDUS.

SCrutarer viridis cum fixa indagine gemmæ
 Devia, Crētensi vix adēunda glomo,
 Mystica condentes musivi fornicis arcus,
 Et nondum noti Symbola mira globi,
 Ex nuper visis inculpto ænigmate muris,
 Quos mens rapta aliò, præteritque stupor,
 Hærenti objicitur paries mihi primus, & altum
 Ut reor, hoc forsitan carmine spondet opus.
*Exiguum quisquis non tuto tramite Mundum
 Ingredieris, dubio & lumine opaca subis,
 Perpendens animo quo se regat ordine, & nexus
 Vestigans rerum, summaque, & ima videns,
 Iveris immenso prius hoc, namque alter imago
 Hujus, ad exemplar se gerit ille suum.
 Quin primos aditus radiis natura benignis
 Pandet, & obliquum prævia carpet iter.
 Namque per implicitos hæc una it certa Meandros;
 Sueta per oclusos nectere cuncta sinus;
 Scit sola anfractus, cacos scit sola recessus,
 Quit sola objectas exuperare moras.
 Hanc sequere, intento & relegas vestigia gressu:
 Hac duce virtutis scandere templa potes,
 Illustresve animas, pennasve æquare Sophorum,
 Ipsorum & pulchro jungier inde choro.
 Aude igitur, molire aliquid, quo dignior adsis,
 Vix aliis notas visere perge plagas.
 Principia, & vires rerum, nexusque latentes,
 Abditæque hoc unum cuncta docebit iter;
 Ut gemini valido concurrant fidere soles,
 Claudat ut ipsa suas terra fovenda faces;
 Infima supremis concordii ut luce vicissim
 Assiduus gignant emoritura rotis;
 Utve unum in cunctas distinguat provida classes
 Natura, ingenio verset & ista suo.*

Hæc

Hæc cervicoſum nequit inſpectare lycaum,
 Hoc caca, & mollis negligit aula iubar.
 In tenui labor, at tenuis non inde voluptas
 Eſt rerum cauſas noſſe, adiſſe vias,
 Eluſamve procul Sapientum cernere plebem
 Spernentem riſu quæ meliora ſuo;
 Atque ſupercilio damnantem ſæpè ſuperbo
 Quæ fulgent toto nobiliora ſolo.
 Ardua prima quidem via, difficiliſque petenti
 Redditur, ignivomis contemnerata feris;
 Septa aquilæ impediunt, mixtique leonibus angues,
 Et circumplexus clauſtra timenda draco.
 Hæc tamen baud paveas, tenui nam capta ſopore
 Monſtra hinc ingreſſum conciliata dabunt;
 Immo venena levi fuerint cum roſcida ab umbre,
 Ipſa in ſolamen vertet amica quies.
 Inde alacer violas, immortalesque amaranthos,
 Inde leges albas, purpureasque roſas.
 Perge itaque inſpectis è rerum margine metis,
 Nec tardet validos liminis umbra gradus;
 Nam facile abjicitur, deſpectaque pellitur, anceps
 Quam lumen dirimit, vincit & aucta dies;
 Quo mage diſſectis ſiquidem gradiere tenebris,
 Majus eo dabitur, nobiliusve jubar.
 Gaudeat adventans inopino ibi vere cupido,
 Ludat & exiguis cymbula mentis aquis.
 Quot tibi deliciæ, rivique, & poma patebunt
 Aurea, ſeminibus multiplicanda ſuis!
 Vilia tunc dices quæ olim finxere poetæ,
 Theſſala vel Tempe præſtitit, aut Babylon.
 At metire gradus: cautos componere greſſus
 Diſcat ab eximio vis operoſa globo.
 Omne genus ſummè tali decoratur ab Uno,
 Quod ſibi ſubjectum condere vulgus amat.
 Talis ſol melior ſtellis, aurumque metallis,
 Viventes inter talis habetur homo.

Tale est præ cunctis undarum fontibus æquor ,
 Virtutes inter talis habetur Amor .
 Sic in natura simplex supereminet Unum ,
 Quo hæc eadem simplex gignere cuncta potest ;
 Omnia servat enim , præstante id Numine , rerum
 Semina ibi , in classes cuncta trabenda suas .
 Hoc constant quæcumque vides , imbutaque tellus
 Hoc , pro conceptus robore quæque parit .
 Ignibus erectum , cæli & per inane refusum
 Hinc rediens , terram rorifer humor alit ;
 At cælo suadente , & humo concretus amica
 Fit tener in glebis ipse aliquando chalybs ,
 Omnia concursu unde altrix natura superno
 Evocat , ad vires multiplicanda suas .
 Se commiscet enim genioque , & imagine rerum
 Protheus is , cuncta hæc non fabulosus agens .
 Ex Tigride hinc Tigrides , sævoque Leone Leones ;
 Datque vigil vigiles fida Catella Canes .
 Ex quercu quercus , ex molli gramine gramen ,
 In rebus formam servat origo suam .
 Namque infæcundos nil hinc damnatur in annos ,
 Cuncta sed ad partus semper optima suos .
 Cuique sua indiderit cum Numen semina , & ipsi
 Progignunt lapides , ipsa metalla tument .
 Dantque sibi similes quæcumque hinc corpora sætus ;
 Principium redolet quidquid in Orbe suum ;
 Dummodo conceptus certo gerat ordine matrix
 Debita , ut inscriptum signet imago patrem ,
 Nec nisi naturæ serventur iura , reclusis
 Aptis causarum viribus , unde meet ,
 Dum fæcundandis nectuntur sidera terris ,
 Vitalive simul lumine cepta foveant ,
 Conceptu propria efformato in membra , sequetur
 Legitimæ optato sænore prolis amor ,
 Quis nec enim tutò hinc aliena ab imagine nasci
 Quodlibet , at vario semine monstra dabis .

*Mutua cum nempe hęc rerum converſio detur ,
 Quę cuncta ex uno condita forte monet ,
 Cuncta ut concurrunt motu properata perenni ,
 Principiis eadem conveniuntque ſuis ,
 Singula formantur , poſtve incrementa premuntur ,
 Preſſaque perpetuis ſunt reparata rotis .
 Nam ſibi reſpondent , puris religataque amoris
 Nexibus , alterno cuncta tenore fluunt ,
 Harmonicis ubi juncta rotis ſociata viciffim
 Singula ad affinem ſunt revoluta ſuum .
 Percurrenda horis ſpatia irrevocabilis Ævi
 Ut ſimul implexo ſunt copulata gradu ,
 Infima ſic mediis , ſunt hæc innexa ſupernis ,
 Authori & parent ipſa ſuperna ſuo ;
 Subjeſtæque agmen classiſ completitur ordo
 Dignior , immiſſis cui nitet iſte notis .
 Cuncta igitur condens ſupereminet omnibus , Unum ,
 Quod ſummum proprio Numine cuncta replet .
 Mille hinc flammarum nymbis , doniſque beatur
 Plena voluptatum fonte ſuprema cohors ;
 Perque gradus reliquos reliquum deſcendit in agmen
 Cœlicolum immenſo quod nitet igne jubar .
 Major ut in Cœliſ regit , irradiatque minorem ,
 Majoris trahitur turbine ſphæra minor ;
 Solque latex ignis , ſæcundæ & lucis origo ,
 Unde homini certâ tempora lege meant ,
 Aera per liquidum , qui vector luminis Orbi ,
 Et quo interjeſto eſt terra revincta polis ,
 Multi pluri ſtellas radiorum ſenore ditans ,
 Lunamque , ut noctiſ aſſet & umbra decus ;
 Perque gradus varios volvens , varioſque nitores
 Lucida terreſtres aſtra aditura ſinus ,
 Exercet Cœlum ſua ſic commercia terris ,
 Imaque ſupremis ſunt glomerata plagis .
 Hiſ ita diſpoſitiſ , numeroque , & pendere vinctiſ
 Ut vitâ poſſint nobiliore frui ,*

Omnia

Omnia pervadens lux gignit, & educat, imis
 Astraque sub terris luce refusa forent.
 Cœlorum speculum hinc virtutes complicat orbis
 Infimus, & duplici sidera in axe mitant.
 Provida quot spargunt in terras ipsa favillas,
 Tot tellus formas concipit inde novas;
 Quidquid & extenso Cœli velamine scriptum est,
 Exscriptum terræ in margine fortè leges.
 Ulla nec effulget stellarum cardine virtus,
 Quæ non sæcundam lumine reddat humum;
 Unde Dei digito velut hic insculpta deserto
 Sunt plausu Authorem singula fassa suum;
 Omnia nam Summum testantur corpora Fabrum,
 Et quæ sint Cœlis abdita; visa docent.
 Singula disposuit Summa ut Sapiencia! rerum
 Ut regit assiduas pondus, & ordo vices!
 Jungitur harmonicis terræ ut concentibus axis!
 Consonat ut paribus quidquid in orbe modis!
 Mutuo tam prosunt sibi singula, summaque, & imâ
 Implexis gaudent, proficiuntque rotis;
 Ut rerum moli ex cunctis quæcumque deesset
 Ipsarum species, perdita cuncta forent,
 Et quodcumque polis premeretur sidus anbelis,
 Exitio fierent cætera pressa suo;
 Namque ubi libratos non ferrent corpora nexus;
 Invalida at fractis viribus ipsa forent,
 Humenti lædenda lue; aut perimenda sub astu,
 Mactanda aut siccis, vel peritura gelu,
 Subsidia haud aliis elargirentur ut extent;
 Nec sibi sufficerent interitura simul.
 Deliquium subeat Sol per momenta, repente
 Languet humus; quid, si prorsus abire putes?
 Singula si infauſtis lædunt aspectibus astra,
 Dempta polis gravius singula obesse queunt;
 Nam licet imparibus videantur diffusa flammis
 Congressura simul; pugna sit ipsa quies:

Toti quin Orbi, & quæ diſſona viſa ſubinde
 Proſcuiunt, tactæ ut fila canora lyre.
 Hinc inter plantas, interque metalla venenis
 Eſt locus, & ſedem ponit amica ſalus.
 Noxia propinant fontes aconita Novercæ,
 Napellumve parant? ſubvenit herba medens;
 Mercurius grato, ut ſævit, lenitur ab auro,
 Quod nocuit ſtibiſum prodigit unde iuret.
 Sic obſunt, proſuntque ſeræ: cum laſerit una,
 Altera ſubſidium, quo medeatur, habet;
 Immo eadem dat utrumque; crebrum fert viperæ funus;
 Atque arcet; delet vulnera quæve dedit.
 Nil ſiquidem fruſtrâ Deus exhibet; ima ſupremis
 Unit, & adverſis perficit ipſa rotis;
 Vultque per oppoſitas agitata exiſtere formas,
 Robur & aſſiduo ſumere ab hoſte iubet.
 Ceu medicamen agit, contraria plura quod aptant:
 Singula deme, queunt cætera ferre necem;
 Si non corrigitur nam quidquid prævalet, ipſum,
 Quod putat antidotum, dum parat error, obest,
 Quæ pugnant elementa ſimul, diſcrimina linquant,
 Et perit omne rogis, vel premit omne gelu.
 Sic pariter Stellæ, quarum pars forſitan iſte
 Eſt globus, immenſæ cui radiantur aquæ,
 Multiplici influxu, varii flammisſque reſtaxis
 Luminis, alternum dant ſibi fortè iubar,
 Admiſſos regerunt ignes, diſtinctæque præſtant
 Robora, & arcanas, quas meditantur opes;
 Et licet oppoſitos fundat per inane nitores
 Quælibet, innumeris dirct & ima rogis,
 Diſcrepet adverſa & radiorum luce viciffim,
 Fervet ubi æthereis fulgida luſta plagis,
 Qua Venus uda, calens qua mars, Saturnus, & algens
 Mutuò ſub ſuperis congregiuntur aquis,
 Tam diſcors ſociis fulgor moderatus ab aſtris,
 Unus ubi è cunctis fit, rutilatque nitor,

Harmonicis pergens copulatus nexibus, Orbem
 Imbuat, & junctis viribus ima fovet;
 Et dum millenis manans è fontibus implet
 Aëria multiplici sparsus odore vapor,
 Æthereis, imisque rogis tenuantur & unda,
 Quæ rarum hoc refluit, porrigiturque mare,
 Viribus imbutus cunctis telluris, & axis
 Hinc aer trahitur, profilit unde salus,
 Terrarum virtus, cunctisque animantibus idem
 Occultus vitæ, præcipuusve cibus.
 Indistincta licet coeant simul omnia in unum,
 Et rerum hinc unus perficiatur amor,
 Quælibet alterno se vis attemperat igne,
 Ut fulctum alterna quodlibet extet ope.
 Cuncta meant siquidem, opposita & quæ visa, libenti
 Junctæ gradu, ut summum perficiatur opus.
 Constantes nexus hinc terras inter, & astra
 Pignora utrisque simul conciliata serunt;
 Sed non cuncta patent, nam vult meliora latere,
 De his quasi sollicitus, Conditor Almus humo,
 Quæ tamen involvit sinibus tumulata profundis,
 Explicat externis effigiata notis.
 Ceu cor, naturæ summa hinc arcana sub imo
 Demittit centro, nobiliora regens.
 At quidquid sparsum facies habet extima, paucis
 Collectum servant abditiora probis;
 Et meritò profectò latent meliora, labore
 Ut quasita magis pectora adcepta beent,
 Urve Deo additos animos virtutibus auctos
 Exoptata diu sublimiora dicent.
 Quod si, summa licet, sprete communia plebi
 Obvia mox fierent, vilia cuncta forent;
 Quin eadem cupidis decuit subducere avaris,
 Certus ut indictas duceret ordo vices;
 Unde Opifex rerum menti selecta colenda
 Cum dederit, reproba sustulit ipsa siti;

Namque bonum ſummi cum ſemper imago Creantis
 Splendcat, huic ſordens quæ foret ara ſinus?
 Id tamen haud terris adeo tumularit in imis,
 Occluſum celiſ aut dedit omne poliſ,
 Ut Cæli, terræque vices, duplicataque proſuſ
 Lumina cen nebulas inter operta forent;
 Subluſtrem at radiat rerum lux intima frontem,
 Ut clauſas facies extima ſignet opes.
 Cerne referre polum gemmiſque, & floribus agros,
 Æmula cæleſtis cerne metalla plagæ.
 Ut ſolers vigilat terrarum partibus axis!
 Omnis ut acclines ſuſpiciſ herba polos!
 Cæleſtes plantas fulgentia ſidera dicas,
 Terreſtres ſtellas germina quæque putes.
 Quin nihil eſſetis liceat tibi viſere terris
 Quod non ſidereum monſtret ineſſe iubar,
 Unde ſerax paſſim vegetat ſua pignora telluſ,
 Squamoſas acies concipit unde Mare;
 Nam patiens proprio conjunctum compare agenti,
 Vivida completo tempore quæque parit.
 Nil tamen ac ſemen tam mentis lumen obumbrat
 Ut fœtuſ gignat, multiplicetque ſuos;
 Exiguum, tenue, indiſtinctum ut prolis origo,
 Tota ipſi occluſa & ſubſit imago rei;
 Ac velut in ſpeculo collectæ, atque arte refractæ
 Se ſoliſ geminant, multiplicantque faceſ.
 Glande ſub anguſta patula efformetur ut ilex,
 Meſſiſ ut è grano prodeat alta putri.
 In centro at rerum ſapiens meliora redegit
 Cuncta Deuſ, quæ pars extima ſparſa tenet;
 Singula ſic cauſæ ingenium, geniumve ſequuntur,
 Indita nam rebus vivit imago ſuiſ.
 Id color, id ſpecies, vireſque, arcana ſigilla
 Id referunt; patrum lumine quæque nitent.
 At rudis externiſ cum menſ conſiſtat in umbris,
 Occluſum & rerum negligat ægra iubar;

Obtutneque brevi , quæ primò oblata , quiescens
 In sede , inspectans extrema , & alta domus ,
 Nobilius , quod fortè latet cœu numinis icon
 Præterit , & clausum despicit ipsa decus .
 Altè oculis scrutanda nitet lux intima , velo
 Circumplexa suo , visque nitoris agens .
 Aspice ut in cunctis vèstigia sideris extent ,
 Quo fultæ , & proprii luminis umbra micet :
 Aspice ut arcano sit virtus indita nexu ,
 Sive , polos referens , axis imago solum .
 Scrutari aut plantas libeat , sive utile vulgus
 Herbarum , aut silices , sive metalla velis ,
 Robora ubi externus satis indicat ima character ,
 Et color o' ductas sæpe revelat opes ,
 Exeret in cunctis se clausæ lucis imago ,
 Prodibit virtus indita , visque potens .
 Clarus ut à mutis differt laquearibus hospes ,
 Nucleus à duro ut cortice , ab ære nitor ,
 Intima ab externo tam distant robora vultu ,
 Condita queis pollent singula , visque latens .
 Sat meliora tamen natura hinc ipsa revelat
 Ejus ut inscriptus percipietur amor ;
 Instruèta hæc siquidem supremo à lumine , toti ,
 Omnibus ut prosit , præsidet æqua solo .
 Hinc introspicias igitur quæcumque videre
 Mens est , queis valeant , quæve referre queant ,
 Rimerisque aditus cacos , formasque , coloresque
 Ipse omnes , qua & sint indole nosce prius .
 Gentibus haud idem sermo , nec aratur eodem
 Charta stylo , at variis cuditur ipsa notis :
 Inscribente Deo naturæ at pervi s' omni
 Sermo est , atque idem percipiendus apex ;
 Unde nitet rerum virtus , patissætaque cunctis
 Cuncta Sophis , omnes qui subiere sinus .
 Obvia nam nostros ut signant extrema mœurs ,
 Clausaque sat notæ ex indole corda patent ,

Inſita cunſtarum pariter ſic robora rerum
Noſcimus, umbra ſuum fert ubi fida jubar.
Hincve frequens morbo occurrit medicamen iniquo,
Vitaque poſtremos prorogat aucta dies;
Pauperieſque ſuas detergens provida ſordes,
Haud eadem, cumulis gaudet opima novis,
Indulgente inopina Deo modo pervia cuique
Dona, vel in proprio ſape reſuſa ſolo;
Ullus enim haud aderit peregrinis mercibus unquam
Indigus, alterius ſubſidiis ſque poli.
Quòd ſi deſpectis propriis, meliora videntur
Quæ ſunt ſumptu nobiliora gravi,
Unde lubent Peruana, dedit quæve Indica Nilo
Gangis arena, Scythæ quæve dedere truces,
Quæve ab Erythræis, Aſriſque rebuntur ab undis
Præponit noſtris devius error agris;
Si tamen inſpicias naturæ ex indole vires,
Metiri & proprio è climate cunſta velis,
Auxilium haud melius quàm quod cuiſcumque ſubinde
Fert natale ſolum, præſidiumve putes.
Namque aliis quæ forte cibi, tibi ſape venena,
Subve polo alterius quod medicamen obeſt.
Hinc quæ proſciant homini, dedit obvia Numen
Ipi, & ſub proprio juffit adeſſe polo.
Quin ut cunſta ſimul famulentur provida eidem,
Vel vili, & minimo præbuit eſſe ferax.
E fragili culmo, & paleis flavescit ariſta,
Virgineas ceras, mellaque fertis apes.
Debilis exudat pretioſo vitis lacco,
Conſtruit & vermis ſerica dona brevis;
Sub ſterili videas exeſa & rupe metalla
Abdita, ſideribus conciliata ſuis;
Quæve homini confert ſubſtantia cælica vitam
Unde ſit, è grifeo noſcitur ipſa globo:
Quodlibet immiſſæ nam lucis dona revelat,
Impreſſumve refert iconis arte patrem;

Inſpe-

Inspectaque sui qua roboris ardet origo ;
 Singula queis pollent sidera semper amant .
 Sic magnes helicem sequitur ; fidissima Solem
 Sic semper cupida Clitia fronte videt ,
 Et moriente die quæ visa est emori & ipsa ,
 Vividior glebis hoc redeunte redit .
 Sic fontem repetunt peregrinis fluctibus undæ ,
 Et lucem sequitur lumen ubique suam .
 O si addicta Deo mens rimaretur opimas
 Deliciis causas , divitiisque sagax ,
 Arcana & sinubus mox spiramenta profundis
 Hauriret studiis irrequieta suis ,
 Corticibusque fibras perscrutaretur opertas ,
 Detersum luto dilueretque jubar ,
 Illico quàm felix , quàm plenos dives acervos
 Inspiceret segetum , queis frueretur agris !
 Integra quàm tuto traheret quin tempora nexu !
 Pro lubitu cunctis quàm cummulata bonis !
 Vestiganda altè ast oculis exordia rerum ,
 Reddenda & puncto linea quæque suo ,
 Principium nam cuncta suum revoluta recludunt
 Composita , implicitis ut resoluta glomis .
 Intima si rerum teneret penetralia solers ,
 Imma petens animo vir reseranda suo ,
 Fulgida suspiciens tunc sidera , & indita terris
 Lumina , quæ clauso duplicat igne solum ,
 Scrutatusque avido non tantùm maxima visu
 Mentis , at & minimæ vilia classis agens ,
 Tunc rerum causas , & certos nosceret ortus ,
 Interitumve , novum cerneret Orbe jubar ;
 Et vel in exiguis obtutu magna sagaci
 Metitus , vires nam fovet omne suas ,
 Tunc præsignato meditans emblemate plantas ,
 Subderet ingenio germina quæque suo ,
 Utilia & complura sibi captaret ab imis
 Terræ extis , claras lux ubi condit opes .

Ecquid

Ecquid enim ex cunctis , quæ ſermo protulit unus ,
 In cunctis homini non famulantur hero ?
 Militat huic æther , telluſve , humentia ſoli
 Proſciant ipſi , frigida , ſicca , calor ;
 Erumpunt herbae , ſegetes reparantur eidem ,
 Et varium toto gignitur Orbe pecus .
 Quin minima & ſpecies , quæ vitæ ſtamine pollent ,
 Non ſemel humanas erudiere manus .
 Eluſura hyemes quæ condidit horrea complens ,
 Formica ignavos admonet ima pigros .
 Dyſſamus Idæo delenda ad vulnera Cervo
 Debetur , purgans vilior herba Cani .
 Doſta chelidonium norunt ab hirundine laſa
 Lumina , in obtutus hinc reditura ſuos .
 Spes venit è colubris reparanda leta juventa ,
 Fertve aquila ut pennas induit ipſa novas .
 Hac ſi Numen avi , reptanti & contulit angui ,
 Quem voluit ſimilem denegat ipſa viro ?
 Si verò inſtructas mens ſe contendat in artes ,
 Muſoſve , & Cellas edocuiſtis apes .
 Navibus exemplar volucrium eſt per inane volatus ,
 Queis clavis cauda eſt , alaque remigium .
 Anſcribis ſimilis vir fractis innatat undis ,
 Edocuit bombyx ſtamina nere levis .
 Corporibuſve novos , quos ſemper dirigit , uſus
 Addere , deletis , quas retulere , notis ,
 Nunquam eadem , ſemperque eadem , variata viciffim
 Natura aſſiduo turbine noſſe dedit .
 Dive Amor ex nihilo qui condit cuncta , ſuavi ,
 Te in cunctis reſerans , omnia amore regens ,
 In nova mutatas oſtentat corpora formas ,
 Volvis & aſſiduis ortaſque , & aucta rotis ;
 Cumque in natura ſummum confeceſſeris Unum ,
 Quod rerum hic omnis ſons , & origo foret ,
 Inſita ſubjectis ſubſtantia cælica terris ,
 Solique , & Lunæ mox paritura parem ,

Hinc

Hinc amor alternus, quo iuncta in fœdera versæ
Res, propriis positæ, non sua membra vident;
Perpetuo mutata migrant namque omnia motu
Corpora, nec quidquam est, conspice, semper idem.
Si nil ex nihilo, ex aliquo at sit quidquid in Orbe
Cernitur, ex aliquo condita cuncta refer.
Unde sata emergunt, culinque onerantur aristas?
Unde meant cuncta hinc germina, & unde virent?
Ex nihilo an quercus, quæ parvo ex semine? palma
Unde triumphales explicuere comas?
Nonne ferax imber, stellarum fulgor, & ndi
Ros axis fudit robora mixtus humo?
Mercuriove simul, genitali & Sulphure fultum
Natura occultum præstitit aqua Salem?
Extera sed sileam: si lati adolescimus omnes,
Fert in nos versum crescere quidquid alit.
Cognato siquidem nectuntur singula nexu,
Unde sibi vires, auxiliumve parant.
Nec possent aliter volvi, nam dissita prorsus
Ulla sequi nequeunt vincla, vel ulla pati.
Humida pacantur siccis hinc, iuncta calori
Frigida se alternè consona semper amant;
Atque elementa suo cum sint in fonte remissa,
Temperies ipsis, paxque perennis inest;
Immo quæ nobis contraria fortè videntur,
Mutuò convenient utraque mixta simul.
Quàm lux à tenebris, nigrum quàm distat ab albo!
Hisve efficta oculos captat imago tuos.
Quam fugerent oculi puram, tenuata sit umbris
Lux eadem, obtutus allicietque tuos.
Quæ attereret latas segetes, sit mixta tenebris,
Et sæcundando proficit inde solo.
Excitat hinc vires, hinc plantas evocat omnes;
Educat hinc culmos, hac fit adulta Ceres.
Hinc vapor exurgat, tenuis dein imber opimos,
Si leni recidat frigore, reddet agros;

Aut

*Aut ubi concreto ſe obſtrinxerit ipſe liquore ;
 Quod melius ſemper Sole ſolutus agit ;
 Perficit unde ferax quidquid conatur in imis
 Terrarum venis irrequietus amans ;
 Siſtere nec viſus donec potiora recludat
 Semina , & in partus explicet ipſa ſuos .
 Semper enim meliora parat , perfectæque ſpondet ,
 Ni puros maculet devia cauſa ſinus .
 Sic fulvum ſemper condit natura metallum ,
 Ni impurum puris Sulphur oberret aquis .
 Vera equidem reſerat . rerum immutabilis ordo ,
 Et ſeries Summum pandit ut ipſa Fabrum ,
 Explicat immenſam atque ullo ſine limite mentem
 Mutuò neſcientem ſingula ſaſſa manum !
 Clarius ecquid enim (id neque vulgus præterit itum)
 Omnibus archetypum ſignat ineſſe Deum ?
 Et tamen obductum culparum nube vel ipſis
 Deterius brutis hunc negat eſſe ſcelus .
 An queit inſtructus poni ſine mente character ?
 Fortuitos apices nulla papyrus habet .
 Spontè & in effigiem quis conveniſſe colores
 Aſſeret , aut caſu ſtamina ducta levi ?
 Haud caſum , doctam at præfert induſtria mentem
 Artiſicis , pulchrum quæ comitatur opus .
 Si Sol exoritur terris , atque omnia luſtrans
 Aſſiduus peragit , quo rediturus , iter ;
 Si aſtrorum ſueto rutilant in cardine flammæ ,
 Volvitur & celeri turbine uterque polus ,
 Quis regit immenſam irrequieto robore molem ,
 Ducit in occiduas & per inane faces ?
 Nonne ferax Summi , quæ condidit omnia , Virtus
 Numinis , ad nutus & movet omne ſuos ?
 An nimis hæc diſtant ? obtutus detine in ipſo
 Pectore , quod vitæ eſt compes amica tuæ .
 Cerne oculis mentis cor unde exultet , in omnes
 Cuncta means ſanguis ferveat unde fibras ;*

Obje-

Objecta ut visus referat, compagine tota
 Officio ut vigilant singula membra suo;
 Excedunt? meditare greges, scrutare silentes
 Undarum populos, cætera & ima refer,
 Rata Deum & minimæ figent vestigia classes;
 Nil est quod Summum non fateatur Herum.
 Elatas perpende Cedros, Oleasque virentes,
 Quia folium inspicias vel leve quanta gerat.
 Arcano sensim vegetatur ab ubere, ab imo
 Vitales succos viscere, lacve trahens;
 Passim disposito & membrorum vimine, in artus
 Panditur, adversos nec pavet inde notos;
 Æstibus alternè, tepidisve atque imbribus auctum,
 In plenos spondet nobiliora dies.
 Vincita ubi tam certo se præbent singula nexu,
 Volvit & assiduas summus & Ordo vices,
 Omnia disponens quis nesciat æthere Numen?
 Omnia pollentem quis neget esse Manum?
 Tramite nil dubio graditur: qui cuncta reclusit
 E nihilo, in fines dirigit ipsa suos.
 Principium is rerum, virtus is integra, & ardor,
 Is ratio, is finis, vitæque rebus inest.
 Numinis o summum robur, quod in omnibus omne,
 Omnia semper agens, concipit, implet, amat!
 Mens totus, totusque manus tu Conditor Orbis
 Cuncta geris, tu lux integra cuncta vides;
 Totus & in Cœlis, in terris totus & idem,
 Integer, & præsens semper ubique manens,
 Visio quem superis, homini quem robur, & ordo
 Rerum, quem stygio pandit & ira lari,
 Lumen inaccessum, quod caligantibus umbra est,
 Sat tibi quis laudum vota rependat amor?
 Ast sat digna Deo nequeant cum Cantica promi,
 Hunc neque sat possit noscere vilis amans,
 Æternum ut pateat cum se se intelligat unus,
 Utve satis qui ipsum diligit esse queat,
 Equalem gignit sibi Mentis Imagine Prolem,
 Qua sat comprehensus, quam sat amatus amet;

Mu-

Mutuus unde niter ſpirati Numinis Ardor,
 Unus & in triplici Lumine fulget Amor;
 Agnitus æternùm ſiquidem, qua ſemper ametur,
 Æterni debet Flaminis Aura dari.
 Abſque loco tu ſemper ades ſine tempore præſens;
 Cunctaque; ſumma quies, irrequietus agis.
 Omnia depromis; nec detrimenta ſequuntur;
 Omnia largiris; damna nec ullâ times.
 Cuncta repleſ, & cuncta vides, concludis abyſſos;
 Cœloſve; & quidquid Cœr tegit omne, tenes.
 Dignâ ſequi, vitare nefas ut cogimur omnes,
 Qui coram ſummo Iudice ubique ſumus!
 Sed quid lapſuros tenuis mens fertur in auſus,
 Cum neque ſat tutoſ ducat in ima gradus?
 Cum ſe metiri nequeat, quin neſciat ipſa
 Quæis conſtet; vegetans quæve recludat humuſ;
 Compedituſ devincta ſuis veſtigia Cœlo
 Figere vult? ſuperas audet adire vias?
 Fulgida quæ immenſæ circumſtant agmina Luci;
 Obducunt aliſ lumina preſſa ſuis:
 Exiguuſ cum pulvis ego, quin pulveris umbrâ
 Sim, feror hinc niſu vel ſuper aſtra meo?
 Rimor inacceſſoſ adituſ, immenſaque conor
 Complecti palmo, vix cogitanda loqui!
 Prætereunda mage obrutuſ quâ deficit omniſ;
 Impar & eloquio vox ubi victa ſtupet.
 Quin potiuſ devota Deo mox reddere grates
 Geſtiat, & laudes, obſequiumve paret.
 Hunc optans, hunc ſemper amariſ fruituruſ adibo;
 Ipſiuſ affuſuſ luce beatuſ ero.
 Semper & inquirani vel cum perſtrinxero ſimplex
 Corde bonuſ, ſemper videro nam quod amem.
 Inventuſ nec enim ſatiſ haud dilexero Numen,
 Unde fruens quæram, perfruaturque petenſ.
 Traxerit id planè è nihilo cum cuncta, reſuſo
 Se dederit paritèr lumine & inde ſequi,
 Abnuet hoc animuſ, nec ſe devinciet ipſi,
 Quod dedit, ut ſummum poſſet adire Bonuſ?
 Quid

Quid tibi vilis homo, quid mens subjecta rependat
 Alme Opifex, rerumque Arbiter, Orbis Amor?
 Tu siquidem cordis tenebras fons lucis inhærens
 Destruis, & mentem quæ meliora doces.
 Te duce non dubiis hinc fertur in ardua pennis,
 Occlusas penetrat te referantē vias.
 Posthabitisque scelus quæ blando felle propinat
 Mixta venenatis ne alliciatur aquis,
 Ipsi inhibes diros mentiti nectaris usus,
 Eripis infectas in sua damna dapes,
 Puraque substituis Cœlesti pyxide mella,
 Pascis & æthereo per nova sæcla Cybo.
 Utve mage æternum Sapiens intelligat Unum,
 Construis ex imis in tua regna gradus,
 Unde videt rerum nexus, subit unde profunda,
 Altaque conscendit, scandere & astra potest.
 Teque jubar verum posthac sine nube fruendum
 Aspiciet, fracta ut compede summa peter.
 Quid pro tot referat collatis æthere donis
 Vulgus inops? Numen laudet, adoret, amet.
 Hermetem at repētens, paries quid proximus addat
 Expediam. hæc doctis fulget ut aula notis!

*Æmula & ipsa quidem summum cum solverit unum,
 In geminum fiderit, condideritque iterum,
 Ipsius & nexus medians agnoverit aptos,
 E simili ars pariter ducere plura potest,
 Naturæ si certa tamen sciat æqua parentis
 Jura sequi, & socio jungere cuncta suo.
 Talia miraris? causæ usurpentur eadem,
 Ex his condendum quid remoretur idem?
 Objicis insanam, nugosamve asseris artem,
 Quæ se naturæ dixerit esse parem?
 Quid si naturæ partus salicior ipsa
 Perficiat? quid si nobil ora ferat?
 Versicoloratis instructi floribus horti
 Id referant, auctum namque pontæ decus.*

Cerne rudem admoto ut rutiler mox turbine gemmam,
 Utve aurum valido diſcat ab igne jubar.
 Hinc chalybis cernas, & vilis pondera cupri
 Ut radiant fulvis condecorata notis;
 Conſiſtatque ſtupens argenti ut lubricus olim
 Fluſtus, concretum ſervet & ipſe ſinum.
 Sarmatico hæc fluxit, Baleari & littore virtus,
 Sæpe Canopæis fulſit & ipſa plagis.
 Pluribus hæc pariter patuit quin integra regnis
 Lux, eadem geminos viſa beare polos.
 Omnibus immo libens facilis ſeſe explicat Oris,
 Et favet occulto lumine dives adhuc.
 Inſtas: ſi melior melius natura metallum,
 Neglectis aliis, condere ſemper amat,
 Unum naturæ finis foret unicus aurum,
 Multiplicem tamen hunc plura metalla ferunt.
 Immo hæc imperfecta licet cum talia ſemper
 Permaneant, fieri nec meliora queant,
 Cumque ſuas condant ſpecies, potiora recluſis,
 Quam terræ è venis effodiantur, erunt?
 Naturæ an novit methodum? vel tramite recto
 Ars ipſam potis eſt ingenioſa ſequi?
 Quis dimenſus aquas? quis perſcrutatus opimi
 Jura ſalis? clauſi ſulphura & ima ſoli?
 Quo ſecernat humum cribro natura, recludat
 Quo ſemen genio, quove calore trahat?
 An miſcendarum patuerunt pondera rerum?
 Anne revelarunt ipſa elementa viam?
 Deſtruat ipſa prius perſtriſta metalla neceſſe eſt
 Ars, ut nobilius conſtruat inde recens.
 Et quod prælongo annorum dedit ordine tellus,
 Audaci hoc arti congeret una dies?
 Tanta nec effulſit ſælax opulentia ſertis
 Regnantum, haud altos viſa beare thronos.
 An fauſtè invalidis pugnatum viribus? auſus
 Inſequar egregios; non premit umbra diem.

Cuncta

Cuncta regens finem semper natura supremum
 Cum vellet, objectis ni revocata moris,
 Quodve magis simplex eadem, & perfectius optet,
 Appetat & gradibus irrequieta suis,
 Videris haud ipsam medio consistere cursu,
 Irritaque invalida linguere capta manu.
 Quidquid at aggreditur, gignit, parit, educat altrix;
 Quodve recens, apto provida lacte rigat;
 Igne fovet leni, tepidis modo stringit in ulnis,
 Perficit, inque datos roborat inde dies.
 Qua duplices coeunt centrique, axisque calores,
 Non lux, sed lucis vis ubi cuncta regit,
 Et sese immixtis transfundunt ignibus astra
 Fertile thesauris irradiata solim,
 Ample ubi laxantur spatia in tepisacta caverna,
 Queis meat humenti vix dus gne vapor,
 Abdita rati saepe ut penetravimus ima,
 Plurima sub proprio vidimus orta sinu.
 Tunc rerum causas, solerti & summa mente,
 Metiri que suas capimus inde vias;
 Insimul ad factus concurrere novimus inde
 Masculas vires, femineasque vices;
 Et fixum, & constans Sulphur, fugientis & undam
 Pulveris, & primi roscida liba Salis;
 Androgynum fluitare modò hunc, modò Sulphure fissi
 Masculum pondus, femineumve fugax.
 Concipere impressas diverso fidere massas,
 Et partus causas hinc redolere suas.
 Subrubeum, griseum, fulvum d. n. x. mus antrum,
 Candida & exesa saxa nitere specu.
 Cernimus & siccos infra consistere rores,
 Hosve simul liquidis desuper ire rotis.
 Ipse arens gelidus, madido modo fortè recessus
 Igne calens, laticem usus habere brevem;
 Suspensosque imbres convexis rupibus, inde
 Deciduos formas conciliasse novas;

H

Inque

Inque metalliferas ſenſim dureſcere glebas
 Quæ in prunum recidit gemmea lymphæ ſinum :
 Spiſſa quieſcebant partim , partimque volutis
 Orbibus aſſiduas ducere viſa rotas .
 Mercurius levibus natabat vix notus in undis ,
 Et craſſis inerat nobile Sulphur aquis ;
 Principiumve ferax rerum Sal verſus in imbrem .
 Cuncta rigans , proprio & robore cuncta movens ;
 Lurida gignebat maculato Sulphure ſordens ;
 Optima qua puro candidus imbre nitens .
 Sic natura potens nobis innotuit olim ,
 Et dedit in ſinubus viſere cuncta ſuis ;
 Polleat ut Stellis Cæli ſub imagine tellus ,
 Impreſſos referat dives & unda polos ;
 Uſque ſeſeſcentes agitato turbine rerum
 Mors acies volvat , cunctaque ſæva trahat ,
 Et reparet ſobolem melior natura cadentem ,
 Qua vetus elanguet , ſubſtituatque novam .
 Non tamen hæc facilis partus eniſſitur omnes ,
 Immo nec hos utero concipit ipſa ſuo ,
 Quin prius amoveat quidquid ſibi fortè retardat
 Pignora continuus concipienda labor ,
 Productiſve diu ſtudiis inimica repellat
 Corpora , & excutiat ſedula quidquid obeſt .
 Sera quot annorum gradibus fert robora quercus ?
 Quot luſtris nudos pinus opacat agros ?
 Tardior his , gratos avidis latura nitores
 Cordibus , heu cupida ſuffodienda manu ,
 Qua ſteriles omni viduantur ceſpite arenæ
 Aurea ſæcundis montibus arbor ineſt .
 Quid ſibi non voluit tamen ars operoſa licere ?
 Quos nequirit grefſus ingenioſa ſequi ?
 Prævia ductricis veſtigia preſſit alumna ,
 Signatumve alacris mox brevavit iter ;
 Fœcibus abiectis nam corpore ſæpe dirumpto ,
 Quod purum cribro rettulit ipſa ſuo .

Quas

Quas natura suis non vincit viribus , aequo
 Insensas operi destruit illa moras :
 Insultans hortis germen vetat omne pruina ;
 Vitibus & gemmas cana retundit hyemis ?
 Fortè lorycatas paleis , & vimine agresti .
 Muniat ars , pingui & nutriat ipsa fimo ,
 Instruat & passim latices , imbresque repentes ,
 Inde minax aquilo ; brumaque inermis erit .
 Quin & ad injuriam boreæque ; hyemisque rigentis
 Ver præcox tutas efferet inde rosas .
 Arte levem facturus humum præscindit arator ,
 Roris ut immissi pingua liba bibat :
 Inversos relegit repetito & vomere sulcos ,
 Optatæ ut Cereris spes revirescat agris .
 Sed levia hæc . quidquid lentos natura per annos
 Efficit , & variis explicat ipsa plagis ,
 Æmula si mediis facilis potiatur iisdem .
 Ars celeri pariter conficit ipsa manu .
 Sit violis redimitta sinum natura ; colorat
 Ars violas , auctis ornat & ipsa stolis .
 Illa oleas ; fert ista oleas nova Pallas alumnis
 Mentibus , ereptum restituitque diem .
 Ipsa nec ad fines regni vegetabilis arctos
 Constitit , ast alios attingit æqua sinus .
 Cubantis plumæ lentos imitata calores ,
 Natali explosas carcere solvit aves .
 Ipsius ad iussum fit Scorpium herbula dirus ,
 Et bovis egestis facibus auxit apes .
 Quæve animare finum potuit , quæ vivere plantas
 Jussit , & ingenio præfuit alta suo ,
 Haud potis argenti qua lubrica volvitur unda
 Ipsa erit errantem sistere docta pedem ?
 Qua rude limoso riguit sub Sulphure ferrum ,
 Quæve indigesto tabuit ære cuprum ;
 Duruit informis quæve æs ignobile massa ,
 Non queit ad puros ars vehere ista gradus ?

Quidquid componunt immixta elementa, reſolvat
 Ars prius, in cauſas reddat & omne ſuas;
 Semotiſve ſagax damnandis ſœcibus, inde
 Fulgidius quiddam, nobiliusve ſeret.
 Præſtans, & ſummè ingenerans vis imbuat ipſa;
 Induet & formis atra metalla novis.
 Naturam ars ſequitur famulans, habitura ſequacem
 Omne ad iter ſolers ipſa imitata ducem.
 Quidlibet audendi huic ſemper fuit æqua poteſtas,
 Si quos illa dedit, ſignat & iſta gradus.
 Hæc igitur mediis velut illa utatur iſdem,
 Conceptum, partum, mox adoleſcet idem.
 Quin iuvat, ablata emendat & labe magiſtram;
 Fulcit, & ad ſummum provehit ipſa gradum.
 Sic pariter cunctis eadem prodeſſe metallis
 Noſcitur, his eadem cum det origo iubar.
 Sæpe incompletis, ægrisque hinc una medetur,
 Atque obſcuſcatum corrigit ipſa ſinum,
 Et formam, & pretium, ſejunctis ſœcibus, augens;
 Purgat, & electo decoquit inde rogo;
 Vilia quæve olim fuerant, pretioſa laceſcunt
 Inde animos, tractis, nobilis eſca, viris.
 Cumque metalliferum hic vario haud è robore regnum
 Surgat, at ex uno ſemine cuncta trabat,
 Inſtruat hoc unum, hoc acuat, foveatque tepenti.
 Igne ſagax, maſſæ hinc ars ferat apta gravi,
 Quæve indeficiens aurum jam protulit arbor,
 Proſcret haud fictis pignora flava modis.
 Nec de ponderibus dandis mox anxia rebus
 Ambigit, ipſarum quæ dedit æqua parens.
 Ignotæ anne fidem trepidans mens denegat arti,
 Territa & obſectis fraudibus hæret adhuc?
 Damnat & altrices furiali carmine Lymphas,
 Devovet & cæcis ignibus ira Sophos?
 Ingentuas quis læſit opes? quis carpiſit amicos
 Lucis inops radios? qua fidit umbra iubar?

Gracia

*Græcia quæ cecinit Bracmanis consona Persis ,
 Quæ Mauri , Hispani , Belga , Bohemus , Arabs ,
 Quæve Italus bimaris , Siculus , flavusque Britannus ,
 Indicus atque olim Gymnoscephyla dedit ,
 Luce carens nunc turba rudis proscribit iniquo
 Ipsa supercilio , & non sibi nota premit ?
 Est furor ignotum sævis laniare flagellis .
 Barbara inauditum quæ ferit ira reum ?
 Concordi an totus quod carmine personat orbis
 Errat ? an hinc omnis natio mentis inops ?
 Porticus id stupeat , cuncta id stupeantque Lycæa !
 Nunc qui præ cunctis inscius , ille sapit .
 Qua ingenio pollens totus nunc desipit orbis ,
 Quemve latent rerum nomina , cuncta tenet !
 Pergite nunc mentes , genio insanite superbo ,
 Et quæ nescitis carpite dona rudes .
 Ne commenta putes , vanæ aut deliria plebis
 Quæ ingenia arcanis complicuere notis .
 Quid magis obscuris ipsa involvere tenebris ,
 Ne facerent audax munera tanta scelus ?
 Cælata Eois olim quid marmora scalpris ,
 Symbola pyramidum , quidve obelyschus erat ?
 Cur facunda suis animarunt saxa figuris ?
 Mystica cur cauti verba dedere Sophi ?
 Pignora Saturnus sua devoret ; aurea sæcla
 Verset , & aurato defluat imbre Jovis ;
 Anteus è terra levior , meliorque resurgat ,
 Hesperio & servet littore poma draco ,
 Nonne conspicuis signant arcana sub umbris
 Abdita , & in tenebris nobiliora suis ?
 Mulciberis quid rete notat ? Salamandra quid ? Argo ,
 Gorgon , atque Æson ? quidve Atalanta , Midas ?
 Vellera Phryxæ quid ovis , sparsisque Draconis
 Dentibus , exorti quid retulere viri ?
 Si Endymion Lunam redamat , si flava Sybille
 Germina se reparant , Leucothoeque redit ,*

Si vaſer & geminos mulcet Cyllenius angues,
 Unum eſt quod paſſim vela tuentur opus.
 Orbis id effigies, minor urna, & noſtra Smaragdus,
 Id pictus fornix, id retulere fores.
 Haud ſtupor admittet quod doctæ arcana Sophorum
 Nube terant, aſſent imbribus, igne latent;
 Quod ſimus in gemmam, quodve arida lymphæ feracem
 Tranſeat in pluviæ, ſit vaga piſcis avis,
 Quod roſus humeſcat, pariat quod pluma metallum,
 Sit dives pomis arbor & uſta ſuis;
 Et tamen illuſtri quæ ſunt celata ſub umbra
 Myſteria, hæc veris enituere Sophis.
 Et tor clauſa ſeris, torque obſignata ſigillis,
 Vilia torve umbris abdita quiſne putet?
 Magnum eſt quod tanto ſervant ſub tegmine multi,
 Summum, quod cunctis condere ſic libuit.
 Sic merito occluſus Supremi Numinis ardor
 Præcipuus rutilat, prodigiumve refert,
 Et vegetabilium Colophon, atque ultima rerum
 Meta ſub exiguo flamma redacta globo;
 Totius effigies orbis, quam fortè character
 Calicus inſcripſit, pinxit & igne polus,
 Unde oritur quidquid tellus progignit, & unda,
 Et nutrit partus utraque ubique ſuos.
 Nec ficta hæc ideo quia prævia cauſa ſub umbris
 Conditur, aut Cælos inter origo latet;
 Omnia reptantes nec enim prænovimus omnes,
 Nec quocumque ſuos mens movet ægra gradus.
 Cui ſiquidem patuit raptæ quo turbine ſphæræ,
 Erronumve fugax quo per inane cohors?
 Et qua verſentur motæ vertigine Stellæ,
 Et qua lege polos cernat utroſque dies?
 Unde & verſicolor radiatis imbribus Iris?
 Unde gelu, venti, fulgura quiſne tulit?
 Hæc ſemota nimis? calamus propiora repoſcat:
 Quid reſtuum ſtatis ſtatibus æquor agit?

Cur lapis herculeus (quæ cunctis nota paremus)
 Arcanis ferrum nexibus urget amans ?
 Succina cur paleas , mustelam buso , cur anguis
 Bufonem cæco vimine sæpe trahit ?
 Omnia non omni rescrarunt sidera menti ,
 Cuncta nec indignis exhibuere malis ;
 Unde nec auratæ his fulsit grave pondus arena ,
 Subrueret mites qua scelus inde probos .
 Præterit & summis quantumvis sedibus auctos
 Ipsa duces , alto sceptraque clara throno ;
 Nec mirum , ingluvies cum læserit atra potentum
 Pectora , & immodicâ ferveat aula siti ,
 Dum præceps furor innocuo fert arma cruore
 Sordida , & aggressas depopulatur opes .
 Pyramidum celsas non fallax gloria moles
 Condidit , at timor hic , consiliumve dedit .
 Ne notum cupidus procurreret hostis in aurum ,
 Ast animi premeret noxia veta sui ,
 Turribus absumptum vastis hoc perdidit omne ,
 Inque sepulcrales spes tumultata lares .
 Hinc ferè deciduæ nemo fert artis honores ,
 Vix ulli auriferum se modo pandit opus .
 Nec sibi qui sapiens flectæ sub imagine visus
 Palladis , auratam Gorgone traxit orem ,
 Integer ingenuos cum nemo duxcrit annos ,
 Fœdarint omnes corda sed atra dies .
 Raptor it impune , & contempto tegminis usu
 Fraus jactat vafros inverecunda dolos .
 Exul & invisus vix lumine tutus agresti ,
 Urbibus haud servat lilia sueta pudor .
 Fusus ubique cruor , grassantur funera , vindex ,
 Haud parcens ulli , fertur in arma scelus .
 Impia delubris donantur crimina , & atris
 Cremantur monstris thura adolenda Deo !
 Temporis at poni quonam sibi limite fines ,
 Quin ipsos violet , noxia culpa sinit ?

Proſpiciſcit (& neque fallitur irradiata ſuperne
 Mens) ſubitura parem ſecula ſera luem,
 Meſta dñi immiſſes deploratura tyrannos,
 Atque cruentando colla data iugo,
 Turbanda aſſiduus Divina, Humanaque bellis,
 Amiſſura ſuas ſummaque, & ima vices;
 Juratas peſtes, Erebus quas, noxque malignis
 Auſpiciis pavido congeret atra ſolo.
 Tunc Strygis heu proles audax diſcordia, præceps
 Ira, ſerè innumeris fraus com tata dolis,
 Emaciata fames, morbi, livorque ſecundis
 Alterius mærens, impia turba fremet.
 Tunc ſæva in ſædas vertentur crimina laudes,
 Dignior atque auri qui mage raptor erit.
 Acrius ut noceant cæco tunc ſparſa veneno
 Dulcia fallacis carmina amantiſ erunt.
 Gratia tunc vulnus, lubricæ tunc dona ruina
 Oſcula tunc placido proditor ore dabit.
 Subſidii inceſſu pergent diſpendia, ſtanti
 Auxilii in ſpeciem ſuffodietur humus.
 Improbus illuſo empturus tunc vincula amico,
 Quas male congeſſit, fundet iniquus opes.
 Ingenuum ut fallat ſimulata fronte ſodalem
 Hoſtis, & obſectro redeat ore Sophum,
 Tunc caſtum referet ſub Numinis icone Adulter,
 Conteget immanem pellis ovina Lycum.
 Noxius Euryalo ſe Niſum finget amantiſ,
 Se Theſcum Strygius Pirithooque canis;
 Et merces ſtudiis dabitur damnanda dolofiſ,
 Criminibuſve fides: laus erit una nefas.
 Quin perieranti, ceu ſint mendacia virtus,
 Vulgus inane ſuum pollet ore ſinum.
 Tunc nurus in ſæcrum, fraternæ in viſcera ſrater
 Surget, & in prolem tunc pater ipſe ſuam
 Urbs Urbem ſtruet, tunc regno vindice regnum
 Corruet, ipſe ſuos conteret orbis heros.

*Concilium horrendum , atque ingens genus omne malorum
Per cunctas miseri cernimus ire plagas .
Ambiguum per iter producto in lumina velo
Versicoloratis fraudibus ire dolos ;
Ire per evcrsas armatis gressibus Urbes
Innumeras acies , innumerasque feras .
Jam decepturo pretiosa hæc credite amico ,
Et malè concessas congeret hostis opes .
Insani atque avidis eadem profundite fertis ,
Ut fraudes iterent , ingeminentque neces .
Per vigil haud ulli prudentia detegat auri
Quod refferasse nocet , quod siluisse iuvat .
Pandere divinum est quod Summo at Numine dignum ;
Cum Soli pateant abdita corda Deo .*

LIBER TERTIUS.

Conſilium veneror demifſo pectore amicum,
 Oſculor inſculptas pronus & ore notas:
 Tam bene, tam ſapiens, tam verax ſingula vates
 Edocuit, ſævos præmonuitque dies.
 Evenere: vadis Acheron ſupereffluus imis,
 Jamque indignatus finibus ire ſuis,
 In noſtrum piceis irrupit fluctibus orbem,
 Et pleno huc Stygiam detulit amne luem.
 Hinc furor emerſit necibus maculatus iniquis,
 Tabuit hinc nigro ſymmate luſtus iners;
 Hinc ſubiit livor mœrens, læſura libido,
 Ingluvies auri, fictio, avarus egens,
 Lurida paupertas, præcoxve licentia, & audax
 Ultio, menſque rapax, ambitiove tumens,
 Proditor alliciens, feriorve calumnia, clades,
 Et fraude ambiguus ſurripiente dolus,
 Inſidiator opum, atque alieni raptor honoris,
 Clamoſoque locans vendita verba foro;
 Diffociata thoro conjux, nexusque latentis
 Exitii, & quidquid fert Stygis amne nefas.
 Inde eſt quòd victis graſſentur crimina terris,
 Impune atque gradu liberiore meent.
 Horruit hanc aciem contempta, ejectaque virtus,
 Nec tulit inviſum ſubdere cuncta ſcelus.
 Sancta fides veri hinc cuſtos, candorque pudici
 Pectoris, ingenui cordis amica quies,
 Libera ſimplicitas, animi moderamen, honeſtas,
 Jus, verum, juncto & ſœdere pax, & amor
 Exulat incertis proſcriptum grefſibus agmen,
 Abdita & exciſis rupibus antra tenet;
 Vixque trahit puras caſta in conſortia nymphas,
 Queis gaudet niveo neſtere flore comas.
 Uſqueadeo eximii experior modo conſona patris
 Carmina jam flendos vaticinata dies.

Mul-

Multipli his Lernæ uberior, feriorve veneno
Hæresis ingentes excitat atra rogos;
Armat & in populos incendia fœda Batavos,
Concremat & flammis Anglica regna suis;
His ausa est Regem Solio exturbare paterno,
Ne regnet pietas, subdita turba suum.
Totius his Orbis luctu viduatus Iberi
Nutantis jacuit, Rege obeunte, thronus.
Collectas Asiæ his vires, Pellæque sarissas,
Et Lybicos æstus, Ismariaque nives
Movit in Austriacas Turres vesana tyrannis,
Aucta ut in Ausonias curreret inde neces.
His pariter lustris propriis Europa sub armis
Languet, & excidii causa fit ipsa sui.
Vivitur exitio alterius; vice Numinis unum
Utile adoratur, jusque fit omne scelus,
Unde sub immensa culparum mole dehiscens
Immugit tellus, concutiturque tremens.
Nec me (si liceat miscere hic ima supremis)
Nec me juratæ præteriere lues.
Quanta furens livor, quanta & mentitus iniquo
Tegmine, se torquens, crimina fovit amor!
Rebus ut exuerer cunctis perjurus Achivæ
Impius obductam polluit arte fidem.
More coercentis cohibendos alter ad ignes
Pabula festivis addidit atra dolis.
Supposuit laqueos alter captandus iisdem,
Alter opem simulans sub pede fodit humum.
Conjunctos animos auro scidit ille maligno,
Deterior cunctis invidus unde foret.
Quive magis spondere fidem mihi visus amicam,
Heu, mage neglectam perdidit ipse fidem.
Vix levibus cinctus squamis sine casside piscis
Immunis rarò fertur inermis aquis:
Qui loricatis munitus it ossibus, alto
Est formidatus raptor ubique mari.
Læsus, nam mitis, rabidis avidisque vorandus
Direptus voveor flebilis esca feris.

Si in

Si in me conviciis hoſtis ſæviſſet, abiſſem
 Forſitan, at qui me læſit amicus erat.
 Probra & qui dederat, paritèr ſi damna dediffet,
 Suſtinuiſſe putem; N. at hoſtis erat!
 Cumque ſcelus crebris fruèretur plauſibus auctum,
 Nam laus aſſiduum vel mala calcar habet,
 Conclavi hinc cupida ſubeuntis fraude recluſo,
 Heu paſſa eſt avidas chartaque, & arca manus;
 Direptos gemuit violataque epiſtola ſenſus,
 Publicave audaci crimine adempta fides.
 Quin perſonatis etiam deſertus amicis,
 Juratas acies in mea damna tuli.
 At cœli gravior, quo tardior, ira retundet
 Pectora flagitiis contemnerata ſuis.
 Non expectatum quoties bona contuli in hoſtem,
 Et ferus immeritum reddidit iſte malum?
 Monſtra hinc, quæ roſtro ingenuus, quæve unguibus auxi
 Muneribus feci deteriora meis.
 Nec dolo, hæc merui ſiquidem qui pectore iniquo
 Deterior cunctis cœlica dona tuli.
 Edomitos vidi pacato dente Leones
 Ire Urbe, & placidos atria adire lupos;
 At mores hominum inſtinctus tenuere ferinos,
 Dum gerit humanas bellua ſæva vices.
 Nunc laus eſt faciles in fata extrema ſodales
 Mittere, & ingenium neſtere ubique dolos.
 Ire Lyci, gaudete hilares, oviumque ſub albis
 Pellibus innocuas diripiatis oves.
 Crudeles olim nunc exultate Leones
 Urbibus it ferior fœmina, virque ſuis.
 Quàm melius veſtris tutus latuiſſet in antris
 Ingenuus, patrias quàm coluiſſet opes?
 Fallere fidentem, diro irridere cachinno
 Quem dolus in laqueos, proditione dedit,
 Reddere pro donis odium, quæ ſolus abundè
 Optatus merito percoluiſſet amor,
 Tranſiit in mores hominum, monſtroſaque vaſtris
 Culpa ubi vallatur fraudibus, ipſa ſapit!

Proh

Proh scelus ! in laudes vertuntur crimina ; honestas ,
 Atque animi spretus candor ubique jacet !
 In lucrum at miti libeat mea damna Tonanti
 Vertere , & in laudes vilia probra meas ;
 Utve Aquila extensis sua pignora protegit alis ,
 Me , miserans , omni servet ab hoste Deus ,
 Qui potuit summos etiam cohibere rebelles ,
 Vertere & infernas in sua dona lues .
 Qua fera multiplici regnans furit hæresis angue ,
 Dira sibi invisum conteret ipsa latus .
 Tam præsens pulso virtus stetit integra Regi ,
 Celsior ut spreto fulserit inde Throno .
 Alta & commiscens superis consortia mente ,
 Sit toto melior , nobiliorve solo ;
 Fortior & cunctis , ipsi spectandus & hosti ,
 Vel deturbatus , victor ametur adhuc .
 Ne totum traheret porrectis ignibus Orbem ,
 Passa est Eclipses barbara Luna suas ;
 Treiciasque minas invictis clarus in armis
 Regius Austriacis Sarmata fudit agris ;
 Hesperioque favent redivivis altra Coronis
 Fausta throno , huic geminos conciliata polos ,
 At solers reliquos inciso carmine muros
 Exequar . O egregii lux reparata senis !
 Hactenus ut licuit parvi reseravimus Orbis
 Emeritis aditus , difficilesque vias ,
 Non tamen ut sceleri pateant , dubiique recessus
 Admittant avidum devia claustra nefas ;
 Firmave quæsitæ fundamina jecimus artis ,
 Unde inconcusso vertice surgat opus .
 Qui tamen his visis mirans penetralibus , ista
 Forte legens , altis ausibus hospes ades ,
 Haud molles tractus , neque pervia compita cunctis
 Ipse putes , facili transilienda gradu .
 Si clara hæc , notis est semita clara periclis ;
 Stant adeo crebris septa referta malis ,

Tutius adverſos franges ſine remige fluctus,
 Per tenebras lubricis tutior ibis equis;
 Et potius penetrare Stygem, volitare per aſtra
 Quiveris, obſectas quàm reſerare moras.
 Quod ſi ſcrutandis ſinerent te fata latebris
 Pergere; & haud trito tramite opaca ſequi,
 Nunc glaciè hac algens, ſitiens nunc aſtibus ires;
 Irrita vix viſis labra ubi dantur aquis.
 Quin clauſi latices colubris temerantur iniquis,
 Nec niſi libratis ignibus unda ſcatet.
 Caca riget tellus, omnis foetet herba venenum;
 Surgit & accenſis ferrea meſſis agris.
 Si aratis ſulcis galeatas vicit ariſtas
 Qua in ſævam ſegetem ſparſerât ora draco;
 Meſſuit hanc fortis, munitus at Hercule Jaſon;
 Divæ & auratæ vellera ſtrinxit ovis.
 Cretenſis Monſtri inſtructis ſibi Dedalus alis
 Exiit inſidias; præteritque dolos;
 Qui ſeptas penetrare vias; denſiſque tenebris
 Vix paucis notas tollere quæris opes;
 Quo auxilio his inhias fretus, cui niteris arti?
 Quæcis perges facibus? quo per opaca duce?
 Ne mage quàm par eſt eat auſus proximus axi;
 Fœlix Icariae quem monuiſtis aquæ.
 Quod vero aſſidua turbetur nocte reſeſſus,
 Quem petis, & varium præpediatur iter,
 Unde tibi robur ſummum, ingeniumne ſubinde
 Expediat, promo cui micet igne polus,
 Cuncta ſcias craſſa offundi caligine; cæcum
 Cuncta reſerre chaos, mixta ubi cuncta ſacent:
 Veſtibula ipſa ſeris cogites obſeſſa cruentis;
 Abrupta; oblique & devia quæque putes.
 Septa avidis aquilis, diræve occluſa dracone
 Arcent audaces non adervnda pedes.
 Implexis Serpens volvens exordia ſpiris
 Se vorat: inviſis parceret an ipſe viris?

Dentur

Dentur at eximiis devicta hæc ausibus ; arcum
 Laxetur limen , quo referetur iter :
 Dum sese obijcient excisa fronte minaces ,
 Quis vinces alias viribus ipse moras ?
 Non scandenda silex pallenti horrore timenda
 Abdita præruptis rupibus antra vetat ;
 Nam scopuli immanes , impervia saxa , retundent
 Audaces gressus , spesque jacebit iners .
 Ultima reptanti his rapitur neque meta labori ,
 Dissita quæ longo tramite distat adhuc ,
 Ad primum quandoque libens , incipinaque limen
 Prompta licet paucis obvict ipsa Sophis ;
 Cunctæ ibi nam cantes condunt pretiosa ; caverna
 Luce scatent atræ , cuncta dat una silex ,
 Si tamen allicere hanc propriis ars noverit ulnis ,
 Atque ipsam docto foverit igne sagax ,
 Et vas , & prunas , tempusve , & pondera , & undam
 Attigerit , Sulphur ; Mercuriive sinum ,
 Seligere arentes scierit sine fæce pruinas ,
 Et cæcum madido ruperit igne specum :
 Tanta sed audaci producta indaginis iectu
 Quisne vel excelsa mente referre queat ?
 Pondera quisne paret vario præscripta tenore
 Is septem , ille duo , hic octo dat , ille decem .
 Plus is aquæ , plus ille salis , plus sulphuris alter ,
 Iste minus terræ , Mercuriive minus .
 Hic triplicem furnum , ille unum ; vas exigit aptum
 Hic unum ; ille triplex ; alter utrumque negat .
 Expetit is laticem siccum , vult ille fluentem ;
 Etesiæ huic sistunt quas dedit Ausfer aquas .
 Incomburentes ignes , madidique videntur
 Huic dandi , is cæcis utitur , ille rogis :
 Mirâ hinc exigere ars , atque exercere tenetur ,
 Naturæque vias ingeniosa sequi ;
 Unde rudem dissolvat humum , laticemque latentem
 Extrahat hinc albis rore repente vitris ,

Didu-

Diductamve ſuæ ſtudioſo frigore lympham
 Reſtituat ſedi, conſol detque ſimul;
 Diſſipet, inſtauret, dirimat, reparetque viciffim,
 Igne lavet glebas, acribus aſſet aquas.
 Ipſa modò ſecernat humum, quam ſcſcula cribro
 Attenuet proprio; nil aliena juvant.
 Seminibus ditet, florumque in germina ducat,
 Nutriat, & tepido molliter imbre riger;
 Et paſſim violas, immortalesque amarantnos
 Educet, & lætis lilia mixta roſis;
 Diſponensque ſuos potiora in robora cultus,
 Ut majora putris ſœnora reddat humus,
 Flaveſcat Saturnus hydrops melioribus annis
 Dum rutilus nebulas exuet inde ſuas,
 Namque omnis formæ non fictus imagine Proteus
 Principium, reſides continet unus opes;
 Cunctarumve capax frugum pro ſemine rerum,
 Ingeſta ad nutus indole cuncta parit.
 Lunæ etiam, & Solis docet is pubeſcere plantas,
 Dum Venus in niveis blanda adolevit agris,
 Una quot ergo dolos, dubiis quos una timores
 Greſſibus ad metam ſemita ubique parat?
 Ipſe venenatis nec deterrebere monſtris?
 Te ſiſtent validis ſaxa nec atra moris?
 Cuncta tibi facili quin concipis obvia tractu,
 Et tutum plano tramite ſingis iter?
 Si fortè audieris nullo hæc ſubeunda labore
 Littora, ſœlici & cuncta trabenda manu,
 Talia ſpectando tu reris aperta ſcienti,
 Talia & innocuo noveris eſſe Sopho.
 Abnuat implicitum ſimplex ſapientia peſtus
 Fraudibus, obſcœnos reſpuit ipſa ſinus;
 Nec patitur læſam conceptio crimine mentem,
 Livida nec proprio corda revincta gelu.
 Aſt ubi poſſeſſum cor virtus incolit hoſpes,
 Huic tenebras radiis diſjicit ipſa ſuis;

Subdu-

Subduktisque moris , pariter monſtrisqꝛue peremptis
 Edocet ambiguas exuperare vias ,
 Viſere quaſitam Cholchon , templumqꝛue coruſcum ,
 Ferre & inoffenſa vellera flava manu . .
 Ipsi itaque addictum ſi te devinxeris uni
 Mox comitem , puro pectore recta ſequens ,
 Inde tuos ſpes æqua gradus , lux inde polorum
 Inſtruet ingenium , leniet ipſa vias .
 Linque igitur quæ blanda nocent ; infida voluptas
 Sæpè ſub ambroſiæ nomine fella parat .
 Effuge cælatos infectis floribus angues ,
 Atque illeſturos vulgus inane iocos .
 Ipſe nec auriferis inhies modo Gangis arenis ,
 Nec tibi gemmarum lumine teſta micent .
 Turba ſalutantum claras neque compleat ades ,
 Arva nec aſſiduo ſint tibi ſciſſa bove .
 Fælix anguſto cui ſors aſfulſerit uſu :
 Exiguus melius vivitur hoſpes agris .
 Compede quin omni rerum , curisqꝛue ſolutus ,
 Auſto virtutum ſœnore dives eris .
 Libera pauperies ſpreto clariffima cenſu ,
 Celſior elatis lucidiorqꝛue thronis ,
 Innocui ſæcunda ſeges , ſecura ſupellex
 Sola animi , lati & pectoris alta quies ,
 Nil optans , nil ipſa timens , invictaque inermis ,
 Tutæ vel obſeſſas deſpicit una vias ,
 Præterit immunis liſcentes unica cætus ,
 Nec clypeo teſta , aut caſſide cuncta cævet .
 Cumque grave infauſti pondus contempſeris aris ,
 Quod cor à recto diſtrahit omne gradu ,
 Et malè conceptas animo deterſeris umbras ,
 Ut gemma excuſſo pulvere clara nitet ,
 Integer hinc vitæ ſupremum dilige Numen ,
 Virtutis primo in limine fulget amor .
 Numinis ad nutus amor iſte feratur in omnes ,
 Unde tibi charus frater , & hoſtis eat .

*Salamen miſeris hinc conſerturus egenis ,
 Laturusve piis præmia digna Choris ,
 Nunquam deliciis fraſtus , vel preſſus opimis
 Ipſe opibus , liber pondus at omne premens ,
 Ut per te pietas , per te reparetur honeſtas ,
 Omnis ſe ut virtus exerat exul adhuc ,
 Atque cathenatas ut ſolvas compede turmas ,
 Ipſe tibi affiduas conciliabis opes ;
 Nam tibi Virtuti ut libes has congeret altus
 Axis , & ars votis provida , cuncta dabit .
 Huic tamen aſſertus , vulgus vitare proſanum
 Diſce Tyro ; melior fortè remotus eris .
 Arbitr ipſe tui , nullius venditus auro ,
 Captivus nullo detinearis hero .
 Ipſe tibi notus ſoli , tibi ſubditus uni ,
 Declinans imum dignior ipſe pecus ,
 Præſidio ingenii pollens , cautuſque , ſilensque ,
 Prædoctus , conſtans , integer , atque ſagax ,
 Naturam ſolers animo meditare magiſtram ,
 Quo præſens operi ſe regat ipſa gradu ;
 Quas premat æqua vias , quo ſe gerat ordine , pondus
 Quod ſervet , queis res ignibus ipſa coquat ;
 Semina ut enodet , reſervataque germina paſcat ;
 Utve adoleta riget , perficiatve fovens ,
 Abſtrahat , & reparet , minuat , terat , explicet , addat ,
 Et proprio lactans ubere ſemper alat ;
 Inſtruet , & dubiis præcurrens ipſa latebris ,
 Pergere nutantes ſaxa per alta gradus .
 Dum nox propinquam docet alta indagine noctem ,
 Instantemve dies prævia ſæpe diem ,
 Exigilans , alto mens hæreat integra Cælo ,
 Unde ſuas pandet fons tibi lucis opes ;
 Dum libeat , Summum nam ſuggeret omnia Numen ,
 Nec felix alio talia dante trabes .
 Ultima quid molis frons exprimit ? inclyta virtus
 Si mores docuit , compoſuitque tuos ,*

Edomiti

Edomiti & sensus domina plebs subdita menti
 Sit, mens se Opifici subdideritque suo,
 Hæc tamquam nostris instructus vocibus audi.
 Dum legis arrestâ mentis & aure bibe.
 Quæ linquenda tibi, quæ sint sumenda requiras
 Semina, ne ancipitem devius error agat.
 Ne implexum per iter facilem fraus abdita mentem
 Fallat, in arcanos mens eat ipsa sinus;
 Et Cæli, Terraque vices, viresque latentes,
 Naturæ officium, præsidiumve tenens,
 Cunctarum fontem rerum tunc viderit unum
 Altè inquirendum, quo regat ipsa vias.
 Sidera cum terræ se clavis nexibus indant
 Lucis, ut in propriis partibus inde micent,
 Quod cinctum nebulis præcelsius omnibus errat,
 Et fusco lentas explicat orbe rotas,
 Progenerat terris similem sibi lumine prolem,
 Quâ tamen haud unquam dignior usque foret;
 Nam licet exterius griseo sordescat amictu,
 Lux latitans toto quidquid in Orbe geris.
 Ut verò explorans certis obtutibus axem,
 Principium tantæ lucis adire queas,
 Qua torpens visus præcelso altissimus igne
 Saturnus vacuas torvus habere vias,
 ipsius ut vitro discus mox redditur amplius,
 Cernitur & medius luminis arte sinus,
 Nobilior cunctis, præ cunctis utilis unus
 Visitur, & radiis victor adesse suis;
 Quique videbatur nebuloso syrmate opertus,
 Fundere & inspectu dira venena suo,
 Luce carent, pallore ferus, sævo ore malignus,
 Livens fronte, minax lumine, semper hians,
 Immanes inferre netes, urgere tyrannos,
 In partus etiam noxius ire suos,
 Orbis amor, cælique decus, vis alta polorum,
 Et rerum, has ipso prognerante, pater,

Quem penes affiduo triplex micat orbe ſatelles ,
 Et famulans regi paret ubique ſuo ,
 Noſcitur (externis ſi ſejuugatur ab umbris)
 In centro ſummum corripuiſſe jubar .
 Is ſe terrarum ima in viſcera luce reſuſum
 Immittens , proprio & ſemine cunſta replens ,
 Omnia ſolventis , gignentis & omnia miram
 Fert ubi naturæ concipientis opem ,
 Omnia ſæcundat , lactat , movet , educat , auget ,
 Educit , ſolidat , roborat , ornat , amat ,
 Aurea terrarum reget dum fræna reſulſit
 Etas , hoc olim præſide cunſta beans ;
 Quo dante inſuſſis nituerunt floribus horti ,
 Canduit & læta meſſe inaratus ager ,
 Atque inopina rudi ſtillarunt balaſama quercu ,
 Lac flumen lato vortice , melque dedit ;
 Equora captivo ſecuit ſine remige pinus ,
 Quam nulla tutam diripere rates ,
 Ingenua & puras tenuerunt gaudia mentes ,
 Integer innocuo & pectore luſit amor ;
 Et queis obduſto ſine velo ſe explicat Indis
 Et nunc ſælici lucidus igne favet .
 Quin poſitis quandoque ſuis cum nube venenis ,
 Noxia vel noſtris corrigit ipſe plagis .
 Ac velut obtegitur ſecreta in parte ſupellex
 Aurea , & occulto clauditur arca ſinu ,
 Alta vel emporium ditando colligit orbi
 Cura , vel innumeras Copia fundit opes ,
 Ipſe per ingeſtos præceſſi ſideris ignes
 Subjeſtam ſummo munere ditat humum ;
 Et quandoque omnes ita colligit Æthere vires ,
 Ipſius ut ſuſcum compleat antra jubar ,
 Iſtaque concipiant quidquid pretioſius unquam
 Effæto tellus viſcere opima dedit .
 Ipſorum in ſinubus rerum hinc tumulatur origo ,
 Implet & ignotus devia ſepta chalybs ,

Offusis nebulis , qualis pater , obsitus extra ,
 Intus at eximio luminis igne calens ;
 Atque ita prædives ditandis omnibus unus ,
 Cuncta ut , cunctorum fons & origo , gerat ;
 Collectis siquidem astrorum virtutibus auctus ,
 Et quidquid tellus , quidquid & axis , habet .
 Convexis speculis cœu Sol contractus adauctæ
 Tam largo lucis sænore vitra replet ,
 Ut se multiplicans , & se violentior , urens
 Factus ibi , quidquid conspicit , inde cremet ,
 Sic de queis loquimur concepto lumine glebæ
 Præcelsi tanto sideris igne tument ,
 Assiduo ut terris partu sua pignora reddant ,
 Et foveant , vires multiplicentque suas ,
 Semper & accenso gignendi ardore per omnes
 Terrarum venas , æquoreasve meent .
 Talia cum regnis semper meditentur in imis ,
 Terrestris Solis hæc retulere vices ,
 Cujus ut in sinubus radii , viresque recurrunt
 Mutuò reflexæ conveniuntque simul ,
 Quod fuerat crassum , & manibus tractabile corpus ,
 Prædurum , solidum , fusile , pingue , grave ,
 Ipsius ad robur raram tenuatur in undam ,
 Ut levis , ac liber Spiritus inde volet ;
 Exanimemque sinum repetens cum sænore vitam
 Innovet , ingesto robore nobilior .
 Qualis ubi recidit Sole occumbente pruina ,
 Quam tenuem tulerat celsior igne dies ,
 Arenti succurrit humo , & sitientibus herbis
 Temperat admissos imbre favente rogos ;
 Sic noster magnum exiguus cœu complicit Orbis ,
 Explicat in parvo quidquid & ille sinu .
 Huic suus axis inest , proprio versantur & astra
 Turbine , & implexos dant elementa gradus :
 Quod crassum hic ignis mutatur in aera ; spissum
 Aeris in lympham ; lymphæque mox fit humus ;

Unde hanc ditatura , rotis revoluta viciffim ,
 Terreſtrem ſubeunt cuncta elementa ſinum ,
 Emula vitali quem complent robore , gignat
 Multiplici ut pollens ſemine cuncta ſimul ,
 Inſtruat in germen varium ut vegetabile regnum ,
 Emicer ut gemmis , utre metalla gerat ;
 Quidquid & in motum fert vitæ ſpiritus , inde
 Ceu pleno lactans ubere ſemper alar .
 Ne terram demergat aqua , intermixtus it aer ,
 A ſolis radiis unda tuetur humum .
 In nebulis , interque minas , velut anxius , Orbî
 Abdidit at cupido nobiliora Deus .
 Quin lux ipſe licet totus , ſeſe induit umbris ,
 Namque ſua ut proprium lumen & umbra micat ,
 Hinc ſata proficui reſerant in germina venti ,
 Quos de theſauris protulit ille ſuis .
 Clara tenebroſis lux primò fulſit ab umbris ,
 Atque è viroſis ſæpius orta ſalus ,
 Lædere quæ ſueta , proſunt aliquando cicuta ;
 Dira , Sophis placidos , dant aconita dies ;
 Fereque venenofus vires medicaminis aſpis ,
 Vulneri & effraſtus Scorpius ipſe favet .
 Noxia quæque iuvant , altè ſi noveris uti ,
 Verſaque producunt in meliora dies .
 Talis inacceſſis licet arceat atra venenis
 Optantem , hinc Aquilis , hincve dracone minax ,
 Conſilio Summi , arbitrioſe ſubinde Tonantis
 Obviam hæc puris gleba aliquando Sophis .
 Clarius ut digno , at quantum licet , abdita demus
 Eſt ubi ſervandum nube tuente iubar ,
 Sume , Tyro , Stribium ; ſed , quale ? ais : addo , Sophorum ,
 Cui purum , vivax , virginæumve decus ;
 Jucunda cui nempe roſæ , & prius obvia ſubſunt .
 Lilia , & illimis , qui riget iſta , latex ;
 Cui ſibi conſimiles dederit Saturnus opacæ
 Lucis opes , ſælîx indideritque iubar ,

Quod

Quod positis conferre queat , vegetabile , vitam
 Partibus , & propriis omnia gignat agris .
 Quod sumis , validus sed nunquam laeserit ignis :
 Ut tibi proficiat quid periisse iuvet ?
 Extinctum reputes , exangue , & putre cadaver ,
 Si victum magno vel semel igne fluat .
 Quod verò vulgi fuscum , exitiale , timendum ,
 Perque neces sœva in funera sæpe ruens ,
 Omnia & inficiens , distendit fortè venenis
 Vitandum , diro Sulphure , facce scatet .
 Alterius maculas hinc deterfurus iniquas
 Corporis , ipse tuas tollere disce prius .
 Præscriptam hinc operi glebam cum legeris aptam ,
 Ne inficias alio supparis igne cave .
 Ut Sol humentem Cancris persenserit æstus ,
 Extrahere deleta nube beandus aquam ,
 Ut pulsus circum nebulis , umbrisque peremptis ,
 Libera cognato gaudeat ipsa rogo ;
 Nec velut occiduam timeas , est namque polaris
 Indolis ; hanc virtus cœlica semper adit ,
 Qua radiata novis , imbutaque viribus , aucta
 Tollitur , in summos erebiturque gradus .
 Ignibus illectam madidis hanc hauseris undam ,
 Sistendamve levi frigoris arte regas ;
 Perque vices resoluta fluat , concretaque perstet ,
 Orbis ad invidiam maxima & inde dabis ;
 Cum verò obscurum per iter vix talia gressu
 Fortè feres dubio , nam per opaca trabes ,
 Naturam sequere ; ipsa tibi mox proderit una ,
 Si tibi simplicitas candida sola comes .
 Una , eadem , & simplex natura est , ipsaque munda ,
 Mundet ut occultum perficienda iubar .
 Ipsa sibi occurrit se lata , sibi ipsa medetur ,
 Se necat , & reparat , solaque cuncta regit .
 Unica , satque sibi , se iunctis sæcibus , ipsa
 Nil patitur demi , nec peregrina dari . . .

Conſtat enim cunctis, quibus indiget, ipſaque fiet
 Sal modò communis, Mercuriusve fluens,
 Qui dein in calcem Vulcani compede vinctus,
 Teſtatur proprio Sulphur ineſſe Sali;
 Nec quin ſit ſimplex ejus ſubſtantia, triplex
 Forma facit; triplex viſa, ſed una manet;
 Unde & nobilior, ſemperque potentior ipſa
 Omnia conſtituit, roborat, auget, alit.
 Firmius, æternaque rei quin fortè coævum
 Quidquid ſimplicius ſemper adeſſe putes.
 Quid ſiquidem ſimplex, cum ſit ſine partibus, unquam
 Diſſolvat? mixti pars reſoluta ſacet.
 Unicus hinc furnus, vas unum, quæritur una
 Res, ignis agens unicus, una via.
 Hoc unum, & ſimplex igitur natura requirit,
 Quæ pariter ſimplex, unaque cuncta parit;
 Et nec multiplici, ſed ſemine concipit uno;
 Si ſecus, abſimilem degener ipſa dabit.
 Unum igitur ſumas, quod prorsus reſpuit omne
 Quidquid id eſt, aliud, ſordida & igne lavas.
 Nec de ponderibus (dedit hæc natura) requiras,
 Rem ſume exiguam, poſſit ut igne teri;
 Equalisve calor cum fibras ſolverit omnes,
 Unda queat grefſu liberiore frui.
 Facibus abjectis, quæ fervidus integra liquit
 Mulciber, ipſe operi pura ſubinde leges.
 Dona hæc electo cum ritè condita vitro
 Clauseris, & valida ſolveris arte ſagax,
 Principia ipſorum, & mox denudaveris, omne
 Semper in id primum nam redit, unde fuit,
 Tabula ſive pares, ſeu ſedulus ipſa miniſtres,
 Cognata hæc operi, non aliena feres.
 Immo ipſi ſolers ſenſim ſua liba remittes,
 Germiſina ut in glebis roſcidus imber alit.
 Sapius idve teras, id ſapius irriget ignis,
 Et lavet, idve frequens ſapius aſſet aqua.

Non

Non sueta an canimus ? majorum lege tuendis
 Intenti arcanis , vix damus ista probis .
 Usque adeo aeterno est nobis tenore cavendum
 Ne tantum sceleri prostituatur opus .
 Ne passim immeritis tam grandia dona paterent ,
 Nomine multiplici delituere malis .
 Hinc chalybem dixere suum quod quaeritur unum ,
 Fusile enim rutilat , lac modo , melque Sophi ,
 Nam modò candidulum , modò melle suavius omni ,
 Nunc rapit obrutus , & modò dulce sapit ;
 Nunc arens pulvis ; quia nempe solubilis , unda
 Asseritur ; leo nunc , mox lupus ore rapax ;
 Nunc fons , nunc piscis , quia defluit , innatat ; anguis
 In spiras flexus ; rex modò cuncta tenens .
 Nunc draco , nam Lunæ ut synodum , Solisque subindè
 Vel caput , aut alti cauda draconis habet ,
 Sic de quo loquimur fundat licèt ore venenum ,
 Lumen conjuncto fœdere utrumque tenet ;
 Dum trahit affinem , magnes ; dum decidit , imber ;
 Nunc vapor , assurgens dicitur , aura , jubar .
 Urna , cadaver , idem , genitor , genitusque renascens ;
 Spiritus ut sinui redditur inde suo .
 Calx , cinis accensus , sanguis , crocus , ignis , arena ,
 Ut docta in robur creverit arte suum .
 Fœmina , mas , neutrum , nunc demonstratur utrumque ;
 Nunc Phœnix , nam se concipit , atque parit .
 Nunc aer , jus , azot , tenebræ , lux , omne metallum ,
 Terra , Chaos , sidus , Lunaque , Solque , polus ,
 Mercurius , Sulphur , Sal , æs , amor , orbis & icon ,
 Mors , cinis , & fornax , lux rediviva , salus ;
 Cunctarum & rerum nomen sibi vendicat omne ,
 Namque id cunctarum fons , & origo subest .
 Res licèt abjecta est aurum ; licèt ipsaque cunctis
 Fortior , est fugiens ; res pretiosa , finis .
 Malleus ipsa terens , tamen unda est , flammaque adurens ,
 Uda licèt , nix est ; , fit crocus , atque cruor .

Est avis, & piscis; licet hæc similanda pruinis,
 Sol est effervens; arbor & usta, virens.
 Pluma levis, gravior cunctis tamen ipsa metallis;
 Inficit balando ceu draco, fitque medens.
 Quam distant igitur cæcoque errore feruntur
 Qui pergunt dubio per peregrina gradu!
 Iste quod in pateris plumbum permansit ahenis,
 Queis meliora diu fusa metalla, legit.
 Ceu Lunæ, & Solis radiis sit massa superstes
 Aucta, hanc in summas vertere sperat opes.
 Ille Salem mensis aptum sibi deligit amens,
 Communemque, epulum cum petat omne, vocat
 E colle hic terram primo cum fulserit ortu
 Lux, probat, & Lunæ subjicit inde vigil;
 Urve sequax, radiis astri fugientis inhærens
 Res eat, insomnis nox sibi tota fugit.
 Colligit hic rorem, pressas is seligit uvas;
 Is nive constrictas aeris urget aquas.
 Alter amat vini fæces, hunc spiritus ipsi
 Sæpius affusus pertrahit, huncque nitrum.
 Huic cruor, huic ora, huic herbæ, flavique capilli,
 Fuligo huic sordens, huic fæmus ipse libet:
 Alter clara gerens mendacia, sævit in aurum,
 Hujus ut abstractus spiritus addat opes.
 Singula totque rotis, tot volvunt ignibus omnes,
 Totque terunt vicibus, tritave cuncta lavant,
 Tam sæpe & variis agitur massa caminis
 Fusa diu, refluvis restituenda vadis,
 Stultè ut quasita admotas vanescat in auras
 Copia, & amissas lugeat error opes.
 Ora quid optatis poterunt præstare metallis?
 Quid cruor, aut rores, nitraque ferre queant?
 Quæ specie diversa manent, peregrinaque, prolem
 Diverso poterunt semine habere suam?
 O stolidum vulgus fatuis ambagibus errans,
 Vel grege deterius, nam sine mente, ruens!

Divitiis inhians , has affectare per herbas ,
 Augeat utve aurum , destruere istud bians !
 Perfectæ an rei melius quid quiverit addi ?
 Ex panc fermentum reddere quisne velit ?
 Materiem in primam cupis illud vertere , ut aurum
 Instituas aliud , destruis unde tuum ?
 Hoc sine materies cum se prima exerat , unde
 Aurum , ni ut fallas falleris , inde petas .
 Quod simplex videas , intabescatque relictò :
 Unum est quod perstat , cetera quæque fluunt .
 Quære unum , quod cuncta parit , quod complicat Orbem ,
 Quod calamo illustres exhibuere Sophi ,
 Irrita Sisyphæum æquabit secus atra laborem
 Cura , resumendis irrequicta viis ,
 Est unus , simplex , arens sine facibus humor ,
 Quem verum asserimus , vivida flamma latens ;
 Calx , cinis , umbra , cruor , tenebræ , lux , urna , cadaver ,
 Saturni solium , cor , microcosmus , amor .
 Præ cunctis validum , vivum , licet ante peremptum .
 Luna , & Solis opus , luminis idve parens ,
 Nobilius cunctis , & fortius omnibus unum ,
 Aura tenax , omnis roboris idque latex .
 Est ubi terra igitur levis , & sine spiritu inanis ,
 Vivat ut illa , suis iste feratur aquis ;
 Inque suam redeat repetito sænore sedem ,
 Imbuat ut vacuam roscidus imber humum ;
 Nam duo progenerans hoc omnia continet unum
 In se , masculineum , fæmineumve simul ,
 Naturæ officio , aut artis quod sæpe diremptum ,
 Inque unum rediens , quidquid in Orbe parit .
 Hac igitur cunctis res una est indita rebus ,
 Quin pro cunctorum semine cuncta movet .
 Nam ceu pinguis ager quæ latus severis , auget ,
 Immo hac gignendi robore pollet humus ,
 Omnia pervadens siquidem , fibrasque , meatusque ,
 Effracta sæcum compede , sola replet .

Haſ itaque effodias ſolerti vomere glebas,
 Et ſulcos curis inprime ſapè novis;
 Pinguia & exculta mandes dein ſemina terræ,
 Diſpoſitisve ſagax imbribus inde riges.
 At prius abſtractis nebulis, tenebrisque fugatis,
 Ut niteat quidquid ſedulus ipſe paras,
 Vincſta coruſcanti, deterſis ſordibus, auro
 Fulgurat ut radiis lucida gemma ſuis,
 Inſtrue virgineum thalamum, tædaſque pudicas,
 Virgineas frondes, virgineasque ſtolas,
 Et latices niveos, niveoſque ſub imbribus ignes,
 Ut caſtum ſpirent omnia pura decus.
 Si celer, ut vinculis Nympha expediatur iniquis,
 Ruperit obſtantes Mulciber arte moras,
 Tunc formoſa genas effraſto libera nexu
 Exeret immunes candida Virgo pedes;
 Clara & veſte micans, paſſos lotura capillos
 Lixivio plenum deferet ipſa vitrum;
 Se deterget enim thalamos habitura paratos
 Mox matura ſuo Sponſa trabenda viro,
 Fœcundanda novo miris amplexibus ortu,
 Incolumi ſemper virginitate fruens.
 Hinc ſpeciem ne ſperne rudem, tenebrasque daturas
 Forte diem, pandet nam brevis umbra jubar.
 Delia nocturnis dum fundet nubibus imbres,
 Cinthius auratas ſparget & axe faces,
 Mirandi dos ampla thori, ſcindatur amico
 Sit licet exiguus, vomere dives ager;
 Atque ſeras, occesque vigil tibi quidquid amâris,
 Nam quæcumque velis ſemina opus aget.
 Retrogradis inverſa jugis ſata flante putreſcant
 Auſtro, ipſa affinis nutriat inde liquor.
 Et iuga Mercurius retroactis greſſibus inſtans
 Urgeat, & levibus iugera ſpargat aquis;
 Evolvatque iterum repetito dente novales,
 Tutior unde tibi, fertiliorve ſeges.

Sæpè hinc consistant , dissolvanturque vicissim
Semina , sive gelu , seu gerat ipsa calor .
Dissolvenda iterum perstricta hinc pabula perdant ,
Perstringenda iterum reddita liba bibant .
Latona hoc Soboles latice , hoc adolescat agello ;
Ne inficiantur aquæ rustica turba procul .
Fons lucis , rerumque Opifex , & Conditor Ævi ,
Qui fulges uno in lumine flamma triplex ,
Ingenite alme Pater , Genite huic par , hisque resultans
Spiritus , immenso Numine id omne replens ,
In te consistens , & te per cuncta revelans ,
Quæ trabis ex nihilo , semper & ipsa regens ,
Quam bene te hoc Unum , quod pandimus , exprimit ; ipsum
Fitque tui effigies , quod referamus , Opus !
Lux genitrix lucis se hic explicat , utraque pollens ,
Utraque & æqualem fert in amore facem ;
Mutuò namque pari se diligit utraque flamma ,
Dum semper proprio se fovet igne simul ,
Unde utrumque petit semper se lumine lumen ,
Seque & felici semper amore replet ;
Et velut innocuam missurus in infima Prolem
Hinc Pater , intacta ex Virgine , quæ niteat ,
Ut lapsus reparetur homo , surgatque redemptus
Sæcula post istos in meliora dies ,
Hic pariter purus trahitur de Virgine partus ,
Virgineove parens integra lacte refert ,
Unde adolescit ovans , miranda & plura potenti
Molitur fortis robore , spemque fovet .
Sed cui fors eadem semper ? cui livida parcunt
Tela ? quid intactum mors finit ire diu ?
Crevere ut sensim vires , hæc comprimit ipsas ,
Et vix puëscens demetit atra decus ;
Vitales auras nam surripit , atque lugubrem
Indictam cunctis cogit adire viam .
Passa at demissum surgens post funera pignus ,
Consulat ut lapsis purius inde redit ,

Seque

Seque coagmentans aliis , pascensque fidei
 Igne , umbras perimens , noxia & atra lavans ,
 Cuncta is jucunda ſecunda morte refundit
 Vita , & reſtituit nobiliora nitore ;
 Et circumcingens radiantibus omnia zonis ,
 Quæ perfecit amans corpora , in aſtra vehit ;
 Et locat in ſuperis trabeata hæc ſedibus , aſſat
 Et vitæ , ut rutilent inde coæva ſibi .
 Hic mentes ſtupeant incircumſcripta Creantis
 Robora , & hic ſummum promicet artis opus .
 Nil ars nobilius , condunt , nil fortius aſtra ;
 Purius infra hominem nil dedit axe Deus .
 Quod ſi te invalidum durus deterret agrorum
 Forte labor , teneros ipſe imitere jocos .
 Cerne reſumpturos ſurſum jeciſſe puellor ,
 Jaſſuros iterum cum retulere , pilam .
 Cerne lutum tenuare ipſos , limumque parantes ,
 Et limum in craſſum vertere cerne lutum .
 Talia ſordeſcunt ? mundas imitare puellas ,
 Dum geminos minuunt , conſciuntque glomos .
 Deglomeres unum , pariter componitur alter ;
 Solveris hunc , iterum protinus ille reſcit .
 Immo tibi variè tortus verſabitur idem ,
 Volvendum & repetet pars reſoluta gyrum .
 Aſpice Penelopem clavis quod texuit horis
 Deſtruere in tenebris , vitet ut ipſa procos .
 Famineos imitare modos , imiteris & artes :
 Fæmina flere diu , nere , ſedere ſolet .
 Mensne per ambiguos an ludos hæſitat anceps ,
 Umbrarum & cuneis cæca vagatur adhuc ?
 Abſculta contractis reſerentur ut omnia velis ,
 Et plenam teneas mox ſine nube diem ,
 Sit tibi pinguis humus ſecunda uligine læta ,
 Ut licuit noſtris jam reſerata notis ;
 Ipſius atque parum ſumens , æqualiter igne
 Ut lento ſolvās , conſolidesque ſimul ,

Poſſit

Possit & oclusas resoluta expromere vires ,
 Ut foveas tuto sedulus inde vitro ;
 Naturæque vias relegens , queis ipsa per Orbem
 Hunc præit , exiguo digere & ipse globo .
 Hinc lapis haud lapis , illustri tamen arte trahendus
 Thelesmi omnis amor , præsidiumve Soli .
 Unicus & rerum latitans fons , primæque origo ,
 Cui Cæli virtus , clausus & Orbis inest .
 Admirabiliū Colophon , visque ultima rerum ,
 Naturæ ingenium , summus & artis apex .
 Mollitèr hunc agites , altaque indagine vinctum
 Urgeat admotis humida flamma rotis ;
 Mutuò commissæ hæc ad numerum volvantur in Orbem ,
 Sint momenta suis enumerata moris .
 Versentur tenues lenta hinc vertigine arenæ
 Ad legem , indicto & turbine cuncta meent .
 Fœcunda puram glebæ vertantur in undam ,
 Inque suam rediens lymp̃ha recurrat humum ;
 Illecta arcanos nam sentiet illa vapores ,
 Errantem laticem vinciet aura tenax .
 Roscida subiecti sugent libamina sulci ,
 Et cognata bibit mella liquanda silex ;
 Hæc siquidem concreta gelu , referanda calore ;
 Abditus immunes fons ubi condit aquas ,
 Stat modò perstrictis , refugis modò prosilit undis ,
 Evehit & nivem vivida lymp̃ha Salem .
 Ast hæc ut valeas per itinera pergere tuto
 Ipse gradu , & læta talia ferre manu ,
 De valida assumes geminæ emisphæria quercu ,
 Queis possis vitrei claudere vasis opes ;
 Hoc autem purum , clarumve sit omne , tenaxque ,
 Cui tutum fiderit rimula nulla latus ;
 Quod bene compactum ledat neque frigidus aer
 Dum calet , aut algens , fervet ut igne , manus ,
 Fortius idve scias si decrescente refusum
 Sit Luna ; is crescens inficit omne nitor .

Nec

Nec niſi ſub vitreo poteris conclufa tueri
 Dona globo; haud alia pyxide clauſa manent.
 Muniat hanc ſolido tamen ars opcroſa ſigillo,
 Unde fugax diſcat fortia vincla pati.
 At vitrum Vulgo haud patuit, neque gluten avaro,
 Quo Sapiens condit, ſervat & ignis aquas,
 Nempe cinis rutilus, cui virginis hæreat unda
 Vena latens, ullis non temeranda rogis.
 Sit fornax in vaſe, vitrum in fornace libratum
 Reſtâ; utrumque ſimul fert in utroque Sophus.
 Ut natura ſolet, ſulcos lento igne revolvas,
 Optato ut gaudens imbre viſceſcat humus,
 Acceſſu & propria dices pinguedinis undas,
 Inſit ut elatis nobile Sulphur aquis.
 Vaſ recto aſurgat collo, quod clauſeris aptè,
 Indideris parvo paucula ut ipſe ſinu;
 Optanti nec enim majus tibi forte parandum eſt
 Pondus, at exiguo pulvere dives eris,
 Namque indeficiens ſummi tibi vena metalli,
 Si ſemel hinc votis tu potiare, fluet.
 Stet medio vitrum, circumvolvatur ut igne,
 Et queat equalis cuncta fovere calor.
 Sit levis is tamen, & cæcus, ſemperque madefcat,
 Ambiat & clauſum roriſer ipſe globum;
 Eteſiæ alliciant lenes, atque Africus ipſum,
 Alternetque breves bruma Aquilone vices,
 Non tamen ut rigeant gelidis ibi cana pruinis
 Frigora, at ingeſtus temperet ipſa tepor,
 Mulcet ut agrorum in gremio natura benignis
 Semina blanditiis torpet ut acris hyems.
 Omne aliter robur fractum langueret in ipſis,
 Irrita proventus ſpeſve premenda foret.
 Haud ſola hæc Cæli rapida vertigine moles,
 Nec quotquot fervent curſibus aſtra ſuis,
 Sola nec ætherei, qua circumcingitur aer,
 Sphæra ignis, terræ lucra calore ſorvent;

Hujus

Huius enim validis combusta excessibus ima
 Viscera nil possent gignere, ferre nihil;
 Molliat at tenui natura hinc frigore flammam,
 Lenitisve minor viribus ignis eat,
 Et calor ex terræ immixta uligine fiet
 Uridus, unde viror vitæ cuique datur.
 Cum radii siquidem Cælestis Solis, & imi
 Mutuò se feriant, convenientque simul,
 Hinc tepor humescens, & putrescentibus aptus
 Evocat in partus semina cuncta suos.
 Sulphuris ut flammâ tenui, tenuique vapore
 Qua Sol afflatus junxit uterque suos,
 Terrarum humenti cæcos natura per ignes
 Quidquid molitur perficit æqua sinu,
 Hac pariter glebâ, si ritè effoderis ipsam,
 Proventus omnis dulcia dona trahes.
 Hac Sal vix notus, suffitu hac Sulphur operto
 Conditur, hac quidquid gignere terra potest.
 Hinc vivi emergant latices, queis abditus insit
 Mercurius, Soli proximus ipse suo,
 Quæsitus semper, sed rarâ inventus, in unum
 Cui discors anguis conciliatus eat,
 Versicoloratis qui mox libratus in alis
 Urgeat in versis gressibus ire boves;
 Mox cadat implumis concretus frigore, in altos
 Quem sepe crevit roscida flamma polos;
 Quiræ revelantem iussit lapidescere Battum
 Furta, ferat pœnas mox lapis ipse pares.
 Fortior at cunctis, lethoque potentior ipso
 Innovet elapsos per sua fata dies;
 Isque pater sobolesque sui, redivivus in Ævum
 Exurgens aliud, par eat inde polis;
 Nam moriens, hæresque sui, sibi fortè superstes
 Fœcundo alternum funere robur alet;
 Victurosque diu cineres revocabit in ortus
 Sæpe novos, passa clarior ipse nece.

K

Inde

Inde latex fiat, juncturus & imbribus imbres
 Dum calor hunc aptis ſollicitarit aquis;
 Concretis iterum dureſcat clauſus in undis,
 Ut brevis innocuo hunc frigore tanget hyems.
 Ipſius in tantis at dux, reſtorque periclis,
 Ne præceps abeat, mulciber adſit amans,
 Laturus leges nec præerit alter eidem,
 Nec præſtans poterit huic dare jura Jovis.
 Sat ſi hanc hauris aquam, cum verum ſumpſeris ignem,
 Si tibi conveniant ignis & unda ſimul.
 Ignea cum ſit aqua, & refluens eat imbribus ignis,
 Præ cunctis ſælîx cuncta in utriſque tenes.
 Ignis is auxilium naturæ eſt, fax meditantis
 Pronuba conceptus, unus & Orbis amor;
 Semina vis reſerans, adoletaque germina ſervans,
 Cuncta regens, vitæ & lumine cuncta fovens,
 Stellarum, & Solis potior pars abdita lucis,
 Unde ſuos tenuit quidquid in Orbe dies.
 Sit licet unda hæc perpanca, omni eſt fortior igne,
 Et Lunæ, & noſtri Solis amica quies.
 Hæc magnes, nexusque ſui, mox ipſa cadaver;
 Et vita, & robur mox rediviva manet;
 Fæcunda hæc eadem lac virginis, ipſaque noſtri
 Optati infantis ſpiritus, ipſa cibus.
 Vitibus ipſa botros, dat flavis pondus ariſtis,
 Palladio inque Oleis munere it ipſa ferax.
 Ipſa metallifera eſt, ſimul omnia in omnibus una,
 Hac ſine nil genitum, nil adolevit agris.
 Ne tamen aſſiduus labor, atque diutina laſſas
 Cura terat vires, deſtituatque manus,
 Neve tuum ſtupeant ſeceſſum fortè ſodales,
 Hos, tempusve aleis fallere cautus ames;
 Vel modò taxillis pugnas imiteris amicas,
 Sapius aut horto detinere tuo.
 O quàm dulcis ibi, incomptus licet, ipſeque inemptus,
 Allicit obtutus vel ſine lege decor!

Quàm

Quàm mage qua ingenium laudatæ subvenit artis
 Naturæ, ut partu hæc meliore micet ?
 Inde supervacuas rastris deraferis herbas,
 Germina ibi ut tellus nobiliora ferat.
 Buxea & in varias sepes formata figuras
 Surgat, ibi variè consaque myrtilibus eat;
 Areolæque frequens distinguat semita olentes,
 Thyrsus & inclusos cingat amica sinus;
 Adiectis platanus dein frondes explicet undis,
 Pyramis hinc abies collis opacet agrum;
 Namque ad delicias excultis divitis hortis
 Proventus pars non ultima & umbra nitet.
 Pallentes violæ, vaccinia nigra legantur;
 Nox etiam proprium fert, licet atra, jubar.
 Hinc Ver præcurrens hyacinthe vel amulus axis
 Cælestes gemines lenis imago plagas.
 Lacteus hinc auras cyclaminus efflet odoras,
 Discolor & tulipæ forma coloret humum.
 Gelsominus olens ab adnatis prodeat oris
 Candus, apricas reddat & ipse nives.
 Narcissusve tenax abeunti frigori amicus
 Sive albus, sive hic aureus inde micet.
 At super hos tenuis vel sanguis tinxerit ipsas,
 Fecerit aut saturas, dulce videre rosas;
 Hasque modo aut nasci, aut solio ostentare superbo
 Auratum sertum, purpureasque stolas.
 Ast ut nobilius, meliusve his fulguret ostrum,
 Atque ut multiplici germine sæpe micent,
 Has dirimens plantas iterum, has iterumque recondas
 Cribratâ instructo turbine cautus humo;
 Et cum Sol teneras validus percusserit ipsas,
 Ne nimius medio ferveat axe calor,
 Has riget indictus præscriptis nubibus imber,
 Leniat & iussis gurges amicus aquis.
 Alternansque vices suspensis ignibus unda
 Temperet hos, nimias Solque repellat aquas.

*Aſt ubi majores miſcenda in germina curas
 Volveris , hinc cultu nobiliore fruens ,
 Arboribus jungas peregrinum germen adultis ,
 Abruptis tunicis , pomaque ſagus alet ;
 Ignotas frondes patula admirabitur ilex ,
 Ulmus & inſueto ſanore dona feret ;
 Et ſteriles platanus ſuccos exuta , ſuares
 Concipiet partus , pomifera ornus erit .
 Sic oblita ſui planta omnis præferet artem ,
 Altera & alterius pignora læta geret ;
 Induet alterius genium , ingeniumve ſubinde ,
 Inſtruet atque novis non ſua poma comis .
 Quod ſi nobilius quid ames , ubi mella recondunt ,
 Integra ſolertes meus meditetur apes .
 Qualibet alveolum ceriſque , & neſtare ditans ,
 Peruvia nunc linquit compita , nuncve redit ;
 Nunc Verno ſub Sole frequens thymbramque , thymumque
 Diripit , è madidis fert modò liba roſis ;
 Inde ſupervolitans ſubjeſtis garrula rivis ,
 Nunc tenui ſummas vellere lambit aquas ,
 ſervat & in dulces converſa hinc pabula rores ,
 Ut ſibi vel ſterilis tuta recurrat hyems .
 Ne te ſubrepens , inopinæque lædat egeſtas ,
 Et dolor inſælix otia ſero gemat ,
 Hinc ignis , roriſque vices , melioris agelli
 Hinc ſtudia , hinc alium condere diſce farum ,
 Ut verò latices ars evocet apta , benigno
 Sedula diſpoſitos inſtruat igne ſinus .
 Qui illæſo præſtare vitro queat ignibus ignes ,
 Mercuriove ſagax addere Mercurium ,
 Hic totum complebit opus , dum maſſa vapora
 Atteritur , doctis conſolidanda moris .
 Aſt hos ferre rogos arcano ardore reſertos ,
 Veſtigare udas has ſine luce faces ,
 Queis habile efficias corpus , queis inde cadaver
 Membra regat tuto mox rediviva gradu ,*

Hoc opus , hic labor ; hinc insudavere recentes
 Et prisca invalida sæpe sub arte Sophi ;
 Fulvaque constanti prensuri velleræ dextra ;
 Vicerunt rarâ clara pericla rate .
 Candidus , aerens , lenisque est ignis , amicus ;
 Atque incomburens , quidquid in Orbe fovens :
 Sat sibi , satque suo circumdatus Orbe , serenus ,
 Cæcus , & assiduo turbine cuncta regens ,
 Is neque carbonum , lignivæ , aut lampadis esca
 Nutritus , proprio at robore semper agens ;
 In se consistens , hinc intra æqualis , & extra ;
 Subtilis , vivax , integer , aptus , amans ,
 Cuncta terens , & cuncta replens , atque omnia servans
 Nam reparat partu quæ periere novo .
 Ipse igitur flammæ frustratæ lampadis , acres
 Et lymphas , Lunæ , & Solis utrumque jubar ,
 Atque fimos ovium , vel equi aspernatus ; inanes
 Et crassi fumos Sulphuris , atque rogos ,
 Suffitu & terræ spreto , studiisque relictis ,
 Quæ stulto movit flamine vulgus iners ,
 Sume tibi certos , quos nuper scripsimus ignes ;
 Solvendi hisque sagax marmoris ima teras ;
 Fulgor ut evictâ Saturni & nube nite scat ,
 Imbres Vulcani munere coge leves ,
 Refluat affinis cognato vena recurso ,
 Cunctæque septenis sint revoluta rotis .
 Septimus in requiem ducet labor : orbita metam
 Septima forte tibi , si sapias , ipsa dabit .
 Hæc operans annum percurras inde Sophorum ;
 Solvitur ut primò terra , rigescat hyems ;
 Verque tepens foveat dum germinat ipsa , refusis
 Nuda humeros æstas ferveat aucta rogis .
 Fertilis autumnus dein mitia poma coloret ,
 Reddat & extremus dulcia dona dies .
 Ast ubi rem madidus , lenisque attriverit ardor ,
 Tutius ad metæ limina fertur opus .

Ut verò ſummi quaſiti ſanoris aqua
 In proſcindendis ſpes adoleſcat agris,
 Inſtruae calatas ullo ſine lumine flammas,
 Quæis natura ſuos temperat ipſa ſinus,
 Et ſata ſuſpenſo quandoque ardore ſoluta
 Nube riges, apto cuncta tenore regens.
 Naturam ſequere: incertum præcurrit cuntem,
 Et pulſis umbris prænotat ipſa viam.
 Alternat natura vices, nec ſemper eadem,
 Sit licet hæc eadem, munia lege gerit.
 Semper agens, ſemperque favens, enixaque gignens,
 Cuncta immota movens, Unica cuncta replet;
 Otia nec patitur, quidquid quin vivit in Orbe
 Semper agit; neſcit vivere quidquid iners;
 Immotum jaceat, putre eſt ſine mente cadaver;
 Torpeat immotus, putris en ipſe liquor.
 Quid ſi perpetuis obſtringeret arva pruiniſ?
 Quid ſi continuis ureret ipſa rogiſ?
 Nonne ſub admotiſ languſceret ignibus omniſ
 Spes in agris, nimio & frigore abiret inopiſ?
 Non interceptiſ demens quid ab ignibus optaſ?
 Non alternatum quid feret axe gelu?
 Exigitur calor, exigitur quoque frigus & imber,
 Ut fruges grato ſanore reddat humuſ;
 At moduſ in rebus datur omniſ; ordo ſubinde
 Et numero, & rectuſ pondere cuncta parit.
 Naturæ officia haud aeris, radiiſve coruſcans,
 Obviuſ haud oculiſ, cæcuſ at igniſ obit.
 Humentes reſovent terrarum viſcera flammæ,
 Vimque habet accenſæ lampadiſ ipſe vapor;
 Inque novuſ reſerat putreſacta hic ſemina partuſ,
 Quos fovet alterna Solque, teporque vice.
 Non ver æternuſ tepuit, nec torruit æſtaſ
 Semper agruſ; autumnuſ ſemper abegit hyemſ.
 Inde nec aſſiduæ nubes, ſoleſque; perenneſ
 Nec viſi hic imbreſ, perpetuūve gelu.

Aſri-

*Africus haud semper , neque semper tabidus Austro
Flant hic , nec semper bruma Aquilone riget .
Nunc Euris agitata furit , nunc aura quiescit ,
Ipsa modo Etesius mollitè acta favet .
Quin modo Sol medius fert incrementa caloris ,
Nox modo ferventem corrigit uda diem .
Mox vapor hinc tenuis , quem sursum traxerat ardor
Frigore perstrictus decidit inde liquor .
Nec semel athereas tenuatus it humor in auras ,
Nec semel optanti redditur inde solo ;
Sapius aereum sed sublimatus in Orbem ,
Maternum repetit ditior inde sinum ,
Et movet in partus cunctarum semina rerum
Nobilior semper , fertiliorve novos .
Ros ubi succurrit pronus sitientibus herbis ,
Et lenit laesos officiosus agros ,
Instaurat plantas , flores reparatque cadentes ,
Roborat & vires emoritura seges .
Nec minus utilia accensae sunt frigora terrae
Quàm calor , unde vices poscit utrasque solum .
Tellurem torpente gelu torpere putabis ,
Tuncve putre interno viscere semen alit ;
Tunc fovet , & reserat ; redeuntibus indeque Veris
Ignibus , in latum pandere germen amat .
Ver sibi quisque parat , totum quin temperat annum
Ignis ut indistans instruit arte vices ,
Humidus unde tepor , qui putrescentia solvat
Semina , qui faveat partibus unde calor .
Sic igitur putre , ut calidum solet omne , quod imis
Constat aquis , Austro reddere corpus ames ;
Nec nisi putrescat poterit quid gignere semen ,
Flore nec arentes Ver tibi pinget agros .
Namque parens rerum has reserat putrefactio , in imo
Terrarum gremio semina cuncta movens .
Putris ut humentem nigrescet agellus ad ignem ,
Pandet & exanimem dira mephitis humum*

152 *Sepulcri Hermetis reſerati*

(Hæc autem evenient ut Luna bis auxerit orbem,
 Et bis fraternum liquerit ipſa jubar)
 Tunc ſpontè occurreret poſcentibus obvia glebis
 Lympha, & conceptas ipſa rigabit opes.
 Quæve jacebat iners, ullo & ſine robore tellus,
 Auſto fertilior germine cuncta dabit.
 At corrupta licèt, nam tutior exitus inde,
 Ipſa diu ingeſtâ nigra putreſcat aquâ;
 Ne intempſtivus caveas ſed ſemina mergat
 Humor, & in ſpretum terra viſceſcat olus.
 Auſtro flante leves ſenſim tenuetur in auras
 Hinc liquor, & ſocium ſublevet ipſe Saleſ;
 Hujus enim magnes grato ſpiramine vinctum
 Hunc trahet, officiis allicietque ſuis;
 Sapius & lentas iterato turbine verſans
 Inde rotas, artâ compede neſtet humum,
 Erebet & ſecum ut poſthac evinctus eadem,
 Ipſe ſuo recidat Sulphure in ima gravis,
 Irriget atque ſatum repetitis imbribus agrum
 Is nimis quoties ignibus aret hians.
 Hos eadem natura gradus, ſcrutare, per Orbem
 Fert totum, occurrens omnibus æqua parens,
 Dum noctu, dum perque dies quem fervor adegit
 Surſum ire, ut repetat fortior ima vapor,
 Lucifer in tennes, hunc vertit & heſperus imbres,
 Lenit ubi ſuetas mitior aura faces;
 Et mox rore levi, egelidis mox terra pruinis
 Amiſſum geminat per ſua damna lucrum.
 Nam ſecus in paleas traheretur meſſis inanes,
 Langueret ſitiens emoritura ſeges.
 Haud igitur ſatures plenis nimis imbribus ipſam,
 Nec ſegnīs nimis temperet unda rogos;
 Ignis at exceſſum, præcox venit unde rubedo,
 Lympha premat, nimias corrigit ignis aquas.
 Qualis ubi immodicos reſolute nubis in imbres
 Sol opportunis fertur in ima rogis,

Axe vel urentes fervens ubi fuderit æstus
 Sirius , & lafos igne cremavit agros ,
 Succurrunt pluvii terris poscentibus Austri ,
 Gaudet & optatis reddita messis aquis ,
 Floribus aut gratas cultor languentibus undas
 Spargit , & oppressum recreat inde decus ,
 Plantasque , & fruges reparat , duplicique beatus
 Fœnore , natura munera , & artis habet .
 Sic fixum solves , reddesque volatile fixum ,
 Et vivo vivax imbre cadaver erit .
 Sic resoluta silex ventorum ventre feretur ,
 Aere nempe , cadet dives & axe liquor .
 Ne tamen instructos lymphæ hæc revoluta per orbes
 Quæsitâ possit rimula abire cave ,
 Ipsaque ne fumum languens vertatur in atrum ,
 Ut cursu posthac nobiliore fluat ;
 Et ne mersa putris percat , neve ignibus æses
 Immodicis : prudens temperet ista Sophus .
 Algidus haud seriat tepidum vas flatibus aer ,
 Nec tractes gelida fervida vitra manu ;
 Et ne suffitu incautus lædaris iniquo ,
 Ut referes eadem , frigida redde prius .
 Lymphæ eadem est aquila immitem victura leonem ,
 Hæc bos invertens iugera , rosque ferax :
 Hæc draco pervolitans terris emersus ab imis ,
 Exuto alarum remige & ater hydrus .
 Hæc lac virginicum , quo charum casta puellum
 Mater alit , præstans unde adolescit amor .
 Semina cuncta fovens hæc uda est Luna Sophorum ;
 Hæc æstus , nostro lenis & imber agro ;
 Hæc cibus infantis , redivivi & purpura regis ,
 Nox eadem nigricans , mox sine nube dies ;
 Mors , urna , atque salus ; cupido vix cognitus ulli
 Quin hæc Mercurius Sulphure dives adest ;
 Qui velut æthereæ se semper proximat igni
 Lampadis , hic nostri Solis it ipse comes ,

Unde

154 *Sepulcri Hermetis reſerati*

Unde perempturus nebulas , mox noſtis & umbras ,
 Nunciat optatam præviſus ipſe diem ;
 Atque propinquantis præcurrens gaudia lucis ,
 Subluſtri hanc cœli margine ſpondet agris ;
 Atque Sophis etiam pronus reſerabit eandem ,
 Si hunc trahere affini compare ſemper ament ,
 Arcana alliciant grati & ſpiraminis aura ,
 Vinciſcat ut refugos compes amica pedes ,
 Cautus ubi implexas properarit Mulciber artes ,
 Atque vaſros nexus ſollicitarit amor .
 Namque ubi ſe ſummo unda fugax libravit in axe ,
 Sentiet halantem lenis & imber agrum ,
 Subdideritque ſuis cum legibus arbiter ipſum ,
 In ſœdus Stellas , atque elementa trahet ;
 Viſtor , & eviſtus , laniatus , & integer , urna
 Claſus , & exurgens , nobiliorve nitens ,
 Concretis dureſcet aquis , nodoque tenaci
 Stringet humum , fiet quin humus ipſe liquor ;
 Verſus & in lapidem , cunctis ſœcundior arvis ,
 Depreſſas omnes congeret unus opes .
 Sulphura Sulphuribus ſi noveris , ignibus ignes ,
 Mercuriorve ſuum reddere Mercurium ,
 Subtrahere ipſa modo , perſtringendiſque viciffim
 Nexibus inde ſimul jungere , cuncta feres .
 Septeno hæc igitur ſi verſes turbine , lentis
 Circumducta rotis , arbiter Orbis eris .
 At rectum per iter tendas ſub legibus ignis
 Unius , atque uno gurgite ſolve ratem ,
 Navita nocturnis dum perges ipſe tenebris ,
 Cum reſſuus nigros terſerit imber agros ,
 Incipiet primos tunc Orbis habere nitores ,
 Candor & inſtantiſcem pinget in axe diem .
 Rorifer optatas libratis ignibus undas
 Æthere tunc fundet lucifer , arva rigans ;
 Verſicoloratis conceptâ hinc luce pruinis
 Alliciet oculos nobilis unda tuos ,

Imber

Imber enim in terras admissus ubi Sole serenus
 Decidit, in claras flectitur Iris aquas.
 Tunc nimium sœlix depulsas victor in umbras,
 Contracto noctis symmate, quanta trabes!
 Nam causas rerum in vario med. tabere vultu,
 Dm varius pandet tunc elementa nitor.
 Quàm blandè croceus, roseus quàm molliter humor,
 Atque viror violis mixtus inibit aquas!
 Glaucus, subflavus, simul ater, cœrulus, albus,
 Casius, accensus defluet inde latex.
 Desinet optatum hinc sensim color omnis in album
 Indicium lucis, præsidi. umvæ tuæ.
 Aurora in croceis surget dein obvia bigis
 Clarior emenso, nobiliorvæ mari.
 Hæc paritèr tamen intermisceat ignibus undas,
 Alternâ & doceat nube nitere diem,
 Ut subiectus ager pluviis, radiisvæ vicissim
 Admissis, duplicem sentiat axis opem;
 Sicvæ frequens al'as mox temperet unda novalcs,
 Ut nimio immunis crescat ab igne Ceres,
 Fervidus ascenso donec sublimior Orbe
 Sol modo suspensis nube fluente rogis,
 Et modo detecto laxatis æthere flammis
 Perficiat vicibus culta fovenda suis.
 Omnem vitali cum luce impleverit agrum,
 Atque obtruncanda messe rubescet humus;
 Ut matura seges fuerit (talemque monebit
 Deficiens humor, purpureusque color
 Arentis velut isle croci, grave pondus aristis
 Mellitis auctum, & reddita pulvis humus,
 Sive statim si ulla hæc funi sine nube liquata,
 Fluxerit ut candens senserit ipsa cyprum)
 Horrea ut electus frumenti ditet acervus,
 H. ud mora; tunc vigilans ill'cò messor eris.
 In paleas aliter vacuasvæ periret aristas
 Omnis spes, nullo falxque jaceret agro.

Protinus exultans pro tanto ſenore, canto
 Uni nota tibi gaudia corde geras;
 Et delubra petens, votivis pronus in aris
 Tunc largitori munera redde Deo.
 Virtuti occurrens, nudis mox conſule egenis,
 Atque pia invalidos ſape tuere manu.
 Integra ut optatum & ſemper mens incolat axem;
 Ferveat in ſummum Numen & omnis amor,
 Moribus inſtituas puris tunc ſedulus omnem
 Ingenuam pubem, virgineosque choros:
 Collectas ſolers huc omnes dirige vires;
 Sitque tuæ pietas ultima meta viæ;
 Proventu dives tanto, nam ſive fugacis
 Mercurii pennas ſiſtere letus ames;
 Addere ſeu pretium fufcis velis ipſe metallis
 Cæperit ut Luna, aut Sole nitere ſeges,
 Mens ſit cryſtallum in claras ſeu vertere gemmas;
 Concharum aut baccas condere fauſtus, ages:
 Hinc etiam melior cinctus tibi floribus annus,
 Frugibus uberior, fertiliorve botris:
 Nam ſeges hæc rerum vires, prout iuſſeris, omnes
 Colliget augendas; ingeniumve geret.
 Quin ipſa poteris corrupto ſidere fuſam;
 Præſidium terris, exanimare lucem,
 Mortis & exitio fugienti occurrere vitæ,
 Primaque poſcenti reddere ſæcla ſolo,
 Unde laceſſitis ferrum mors victa recurvum
 Niſibus arenti conterat atra pede;
 Omnia nam triplicis metitus robora regni,
 Cuncta tenens, cunctis fortior unus eris.
 Gaudia ſat cordis ſiluerunt clauſa reſeſſu,
 Et ſat ſuſpenſæ conticuere lyræ.
 Nunc, nunc pſallendum: harmonicis animentur ab auris
 Organa; nunc cytharæ fidibus inſtet amor:
 Plaudendum Domino. ſocientur conſona ſyſtris
 Cantica ſidereis concilianda choris;

Æmi-

*Æmula & hinc resonent geminis encomia Templis ,
Ut summo obsequium profiteamur Hero .
Vero , Uni , & Trino , immenso , Æternoque Creanti
Pangamus laudes , qui regit ista Deo .
Semper amans , semperque manens , prior omnibus Unus
In se consistens , se penitusque beans ,
Omnis origo boni , nitor omni antiquior ævo ,
Mens mentis , lux & lucis , amoris Amor
Condidit Omnipotens vis omnia ; ut omne patraret
Sat voluisse fuit , nec dedit alter opem ;
Nam secum non Isis erat , non fœtus Anubis ,
Adstitit haud summo vanus Osiris Hero :
Non vita , sensuque carens Saturnus id egit ,
Quod nitet , haud Martis flamma , nec uda Venus ;
Nec Stellis rutilum Atlante , aut stetit Hercule Cælum ,
Summus , qui hoc sermo protulit , ipse tenet .
Sidera is explicuit , Zonas is texuit omnes ,
Ipse Orbes iussit legibus ire suis ;
Fulgura is accendit , vindex ut crimina mactet ,
Non cui thus adolet vulgus inane Jovis .
Extra ipsum nec enim his unquam fuit Orbibus alter ;
Qui duplicat , penitus denegat esse Deum ;
Neuter enim Omnipotens , immensus neuter adest
Si duo ; neuter agens omnia , neuter habens ;
Solutus qui solo sed condidit omnia nutu ,
Omnia qui replet condita is unus adest ,
In triplici semper fulgens lux una nitore ,
Integra ubique manens , totaque ubique potens ,
Conditor , & Dominus rerum , quas porrigit idem ,
Et quas facundo continet ipse sinu ,
Dixit , & omne fuit ; solus mandavit , & omne
Ellicò constituit , servat & omne simul .
Æthereis posuit rutilas quin mentibus ædes ,
Effusumve polis præstitit ipse jubar .
Dextera condentis celeri hanc vertigine molem
Volvit , & in choreas excitat astra suas ,*

Hac


Hac aurora manu , hac certos fert lucifer ortus ,
 Sol reſerat claros hac operante dies .
 Hac luci , tenebrisque ſuas dat provida ſedes ,
 Conſcicit hac notas candida Luna vias .
 Hac nubes pendent , hac terrent fulgura terras ,
 Subjeſtis profunt ventus , & imber agris .
 Hac ver educit meſſes , hac perſcicit aſtas ,
 Hac tepet autumnus pomifer , alget hyems ;
 Hac ſemper fracti præſcripto margine fluctus ,
 Fertilis hac unda eſt reddita , pinguis humus ;
 Orbis & effigies hac ipſa parvulus amplo
 Quidquid ineſt Mundo , complicat iſte Globus .
 Summo igitur Trino , ſummo pangamus & Uni
 Cantica ; feſtivo carmine Tempſa ſonent .
 Votivis ipſi ſolvamus vocibus hymnos ,
 Promamus puris verba canora labris ,
 Et digna exuperent ſuetos modulamina cantus ;
 Exuperant omnem ſumma ubi dona vicem .
 Sublimi quid enim Cælo ſimul aſtra recondunt ,
 Quidve aer , tellus , æquora , & ima tenent ,
 Quod non præſtiterit , quod non concluſerit iſto
 Ipſe Globo ? hoc uno munere cuncta dedit .
 En ſummæ artis apex , Cæli en mirabile donum ,
 Vitalis rolur luminis , Orbis honor .
 Auſtori quid vinſta ſuo mens noſtra rependat ?
 Quid reddant alto vilia corda Deo ?
 Sidereis innexa choris præconia jungant
 Ipſi , & immenſæ conſcia lucis ament .
 Quod ſi majori grana hæc tibi ſenore amabis
 Condere , & auſta aliis horrea habere novis ,
 Ex his pauca ſeras , frumenti ut ſemen , in aptam
 Mundus humum , atque iterent ignis , & unda vices ;
 Sapius & ſurgant , ſidant reſolutaque ; fervor
 Diſſipet , & placidum congreget ipſa gelu .
 Hiſce rotis verſanda trahens , immotaque reddens ,
 Aternis paſcens imbribus , atque rogis ,


Mercu-

Mercurium , sulphurque teras , dirimasque subindè ,
 Inque unum ut coeant , jungat utrumque vapor .
 Per suetos iterum mox circumducta colores ,
 Instaures , proprio & germuna fonte riges .
 Candida flavescant iterum , rubefactaque messem
 Mergite sæcudent uberiore tuam .
 Quove magis repetes resupino vomere sulcos ,
 Et jacies solers nobile semen humi ,
 Tempora præcurrens , aderit nam dives aristis
 Sic semper citior , nobiliorve seges .
 Talia quivè legis , cui sunt servata beando
 Dona hæc , haud fortis conscius ipse tuæ ,
 Thesauri differs immensi sænora ? vitæ
 Et producendæ gaudia temnis iners ?
 Negligis ? aufugient ; summa hæc mihi dona parantur ?
 Libo mel : Hybleæ desipuistis apes .
 Ast ubi nuper eram ? vacuis an lusit in umbris
 Somnus , an afflatus Numine vera tuli ?
 Evigilans mens hæret adhuc ? rediere juventæ
 Robora , cincta novis tempora tango comis .
 Delevere genæ rugas ; quid plura ? tenaci
 Me reparans tandem pollice stringo vitrum .

F I N I S .

Ad majorem tui Nominis gloriam Domine meditatus sum in
 omnibus operibus tuis , in factis manuum tuarum medita-
 bar . *Psalms* . 142. Anno reparatæ Salutis 1708.





186

J

49



